

# Matiyu

## Matiyu belen mere igin Yesu nin yitin kayyin

*Yesuyen megen nin asem yago  
(Luk 3:23-38)*

<sup>1</sup> Gabe Yesu Kristuyen asem wen Abraham hitte mat wan wan Israel marte doyan al kurun Dewit hitte, irde yen hitte mat wan wanbe Yesu forok yirin goyen asande katinbe gahade:

<sup>2</sup> Be, Abraham urminbe Aisak. Aisak urminbe Yekop.

Munan Yekop urmin wenbe Yuda, itin wenyabe kulin yagoya.

<sup>3</sup> Yuda urmin waranbe Peresya kulin Seraya. Irde ire itin ya gote milinbe Tamar.

Peres urminbe Hesron. Hesron urminbe Ram.

<sup>4</sup> Be, Ram urminbe Aminadap. Irkeb Aminadap urminbe Nason. Nason urminbe Salmon.

<sup>5</sup> Salmon urminbe Boas. Boas milinbe Rahap. Bere gobe Yuda mar bere mon.

Boas urminbe Obet. Obet milinbe Rut. Bere gayen wor Yuda mar bere mon. Munan Obet urminbe Yesi.

<sup>6</sup> Yesi urminbe Yuda marte doyan al kurun Dewit.

Dewit urminbe Solomon. Solomon milinbe Batseba. Bere gayen wor Yuda mar bere mon. Dewit belen un Uria mayke kamkeb tirin.

- 7 Solomon urmiᅇbe Rehoboam. Rehoboam urmiᅇbe Abia. Abia urmiᅇbe Asa.
- 8 Asa urmiᅇbe Yehosafat. Yehosafat urmiᅇbe Yehoram. Yehoram urmiᅇbe Usia.
- 9 Usia urmiᅇbe Yotam. Yotam urmiᅇbe Ahas. Ahas urmiᅇbe Hesehia.
- 10 Hesehia urmiᅇbe Manase. Manase urmiᅇbe Emon. Emon urmiᅇbe Yosaia.
- 11 Irkeb Yosaia urmiᅇbe Yehoiakinya kulin yagoya.
- Yehoiakinya kulin wenya hinhanyabe Babilon naᅇare niᅇ fuleᅇa mar belen waᅇ gasa yirde bul yirde meten marmiᅇ yirniᅇ yeᅇ Babilon yukamiᅇ.
- 12 Be, Babilon yukamiᅇ go mulgaᅇ heᅇ naᅇamde kwamiᅇ. Irdeb Yehoiakinbe urmiᅇ Sealtiel miᅇyaᅇ hiriᅇ. Sealtiel urmiᅇbe Serubabel.
- 13 Serubabel urmiᅇbe Abiut. Abiut urmiᅇbe Eliakim. Eliakim urmiᅇbe Aso.
- 14 Be, Aso urmiᅇbe Sadok. Sadok urmiᅇbe Akim. Akim urmiᅇbe Eliut.
- 15 Eliut urmiᅇbe Eleasa. Eleasa urmiᅇbe Matan. Matan urmiᅇbe Yekop.
- 16 Irkeb Yekop urmiᅇbe Yosep. Yosepbe Maria uᅇ. Maria biᅇde matbe Yesu Kristu\* gogo forok yiriᅇ.
- 17 Niᅇgeᅇ Abraham hitte mat waᅇ waᅇ Dewit hitte hiriᅇ goyen asi basaᅇmiᅇ yagobe tumᅇaᅇ 14. Irde Dewit hitte mat waᅇ waᅇbe Babilon niᅇ mar

---

\* **1:16:** Kristu gobe Hiburu mere matbe Mesaia. Gote miᅇbe alya bereya Al Kurun hitte Yumulgaᅇ teᅇ teᅇ Al.

belen gasa yirde Babilon yukamiñde goyenter wor asi basanmiñ yagobe 14 po. Irdeb gor mat wañ wañ Yesu Kristu kawañ hiriñde gor wor 14 po.

*Maria belen Yesu kawañ kiryiñ  
(Luk 2:1-7)*

<sup>18</sup> Be, Yesu Kristu kawañ hiriñ gobe gahade: miliñ Mariabe Yosep niñ tubul teñ untek yeñ merem tiyamiñ gega, Mariabe Yosep goya tumñañ ma henya biñ yañ hiriñ. Irkeb Yosep belen keneñ bebak tiyyiñ. Goyenpoga diriñ gobe Holi Spirityen tareñde Maria biñde forok yiriñ goyen ma nurdeb kukuwamñeñ nuryiñ.

<sup>19</sup> Gega Maria goyen tetek al Yosep gobe al huwak uliñde merem moñ geb, goyen keneñbe kawan po takira tike al budam nurkeb Maria go memya heñ heñ ge igiñ ma nurdeb bada heñ daha mat kura balmiñ tubul timewoñ yeñ nurde hinhin.

<sup>20</sup> Goyenbe goke dufay heñ hikeyab Al Kurunyen miyoñ belen mitere forok yeñbe inyiñ. “Dewit asem Yosep, gebe Maria teñ teñ niñ al belen daha wet kura gineñ gineñ niñ kafura heñ bada ma hawayiñ. Diriñ biñde hi gobe Holi Spirityen tareñde forok yiyuñ.

<sup>21</sup> Niñgeb biñde hi gobe diriñ al diriñ kawañ kiryen. Yeñ belen gab alya bereyamiñ mata buluñ teñ hañ bana mat yumulgañ tiyyeñ. Niñgeb denembe “Yesu’† inayiñ,” inyiñ.

---

† **1:21:** Deñe gote miñbe “Dumulgañ teñ teñ Al”.

<sup>22</sup> Be, mata kurun gabe Doyan Al Kurun belen mere basan almin momon irke basan hej tagalyin goyen gogo forok yirin.

<sup>23</sup> Mere tiyyin gobe gahade: “Bere fonen kura alya ma kun hitin belen bin hejbe dirin al dirin kura kawan kiryen. Irkeb ‘Immanuel’ innayin,” inyin. Immanuel gote minbe ‘Al Kurunbe nenya hite’.

<sup>24</sup> Be, Yosep go mite tiyyinde mat huwardeb Al Kurunyen miyon belen sanin po mere iryin gwahade po Maria goyen ten yaminde kurin.

<sup>25</sup> Goyenbe nenya ma ferde hinaryum. Kun kunbe Maria gobe dirin al dirin kawan kiryin. Irkeb Yosep belen “Yesu” inyin.

## 2

### *Nanja yenen bebak ten ten mar Yesu kinnin yen wayamin*

<sup>1</sup> Be, Yesube Herot Yudia nanare nin doyan al kurun hinhinya Yudia nanja bana gon nin taun dirnen kura Betlehem gor kawan hirin. Be, dirin go kawan hirin kamereb nanja wan wan belen nin mar kura Yerusalem taunde wayamin. Mel gobe dinambe yenenbe kame da mata kura forok yiyyen goyen bebak ten hanyen mar.

<sup>2</sup> Be, mel go wanbe gusunan hamin. “Yudia nanare nin doyan al kurun hiyyen al gayamun ga forok yiyun gobe dare hi? Nanja wan wan belen mat dinambemin kenenbe dolon irnin yen gago wayhet,” yamin.

<sup>3</sup> Be, Herot go mere goyen nurdeb, “Dirin gore kame kurun hej asogo nirde gasunne tiyyen,”

yenbe kafura hiriŋ. Yerusalem taunde hinhan mar wor budam wor po mere go nurdeb diriŋ goke teŋ kanduk buluŋ kura forok yiyyeŋ yeŋ kafura hamiŋ.

<sup>4</sup> Irkeb Herot beleŋ Al Kurunŋ dolonŋ ird ird mata doyaŋ marte karkuwanŋyabe Moseyen saba tagal tagal marya hoy yirdeb, “Mesaiabe damde kawanŋ hiyyeŋ?” yineŋ gusuŋaŋ yiriŋ.

<sup>5</sup> Irkeb wol heŋbe, “Yudia naŋare niŋ taun Betlehem gor kawanŋ hiyyeŋ. Al Kurunŋyen mere basanŋ al kura beleŋbe gahade kayyiŋ:

<sup>6</sup> ‘Be, deŋ Betlehem niŋ mar,  
deŋ hitte al kura forok yeŋ nere alya bereya Israel mar gote doyaŋ al kurunŋ hiyyeŋ.  
Irkeb deŋtiŋ diriŋeŋ goyen kurunŋ hiyyeŋ.

Niŋgebe deŋbe Yudia naŋa bana goŋ niŋ al deŋem yaŋ mar gote folek,’ yitiŋ hi. *Maika 5:2*  
Niŋgebe Mesaiabe Betlehem forok yiyyeŋ,” in-amiŋ.

<sup>7</sup> Irkeb Herot beleŋ diriŋ gobe daha naŋa kawanŋ hiriŋ goyen bebak tiye yenbe naŋa waŋ waŋ beleŋ niŋ al karwo dinambe yeneŋ bebak teŋ teŋ mar goyen balmiŋde hoy yirdeb, “Daha naŋa wor po dinambe goyen forok yiyoŋ?” yinkeb gwaha naŋa kintiŋ ineŋ momoŋ iramiŋ.

<sup>8</sup> Irkeb Herot beleŋ usi yirdeb, “Betlehem kunaŋ. Kuŋbe diriŋ goke keŋkela po naŋkennayiŋ. Keneŋbe araŋ po waŋ momoŋ nirnayiŋ. Irkeb ne wor kuŋbe dolonŋ ireŋ,” yiniŋ.

<sup>9</sup> Be, mel gobe Herot beleŋ gwaha yinkeb Betlehem kuniŋ yeŋ kwamiŋ. Irkeb dinambe naŋa

wanj wanj belen kenamin goyen nanja kota mehen hen kunjbe dirin hinhin ya turte gor bada hirin.

<sup>10</sup> Dinambe gore gwaha tike kenenbe mel go amanen nuramin.

<sup>11</sup> Irdeb ya bana hurkun dirinya milinya goyen yenenbe dokolhon yugulun ten dirin goyen dolon iramin. Irdeb det kura dirin go unniyen yewayamin goyen hol yirdeb unamin. Gol horaya det kura toropa yara kake hamin ten hiyen gwahade goyabe guram hamnen igin wor po yewayamin goyen unamin.

<sup>12</sup> Be, Al Kurunyen miyon belen mitere, “Mulgan hen Herot hitte ma kunayin,” yinen hayhay yiriyin. Irkeb belen hoyan mat nanam kwamin.

*Yosep belen Yesuya milin Mariaya yade Isip kurin*

<sup>13</sup> Mel go kukeb Al Kurunyen miyon belen mitere Yosep hitte forok yenbe, “Herot belen dirin gayen maymeke kami yen nankenen tiya. Ningeb huwarde dirinya milinya gayen yade busaharde Isip nanare kun gon hinayin. Irdeb ne po doyan nirde hinayin. Mulgan hena dinmeke gab mulgan henayin,” inyin.

<sup>14</sup> Be, Yosep go bin bak yeke huwardeb wawun goyen po ire milinya go yadeb busaharde Isip nanare kwamin.

<sup>15-18</sup> Irkeb Herot gobe doyan hemanbe nanja wanj wanj belen nin mar gobe usi niran yen nurdeb bin ar wor po yirin. Irkeb Betlehemya tiyun muknen binyan bana gon nin al dirin dirnen damam irawa mat bam belen gobe tumnan gasa yirke kamnan yen fulenja marmen hulyan

yiriŋ. Gobe naŋa waŋ waŋ beleŋ niŋ mar beleŋ haŋkapy a wor po naŋamde dinambe kenamiŋde gor mat gagasiya damaya kapy aŋ heŋbe gogo, “Diriŋbe damam irawa mat bam beleŋbe gasa yirna yiŋ,” yiniŋ. Go tiyyiŋ gobe bikkeŋ Al Kurunyen mere basaŋ al Yeremaia beleŋ yiriŋ goyen forok yiriŋ. Meremiŋbe gahade:

“Al beleŋ al kura Rama taunde biŋ misiŋ kateŋ esen obam teŋ epte ma teŋ hike nuramiŋ. Esen gobe Resel beleŋ diriŋeŋ weŋ kamde pasi hamiŋ goke esen hinhin.

Niŋgebe al kura beleŋ yolŋa irke bada hetek moŋ,” yitiŋ hi. *Yeremaia 31:15*

Be, Yosepya diriŋmiŋmiŋya go kuŋ Isip hike hikebe Herot go kamyiŋ. Irke gab mulgaŋ hamiŋ. Go tiyamiŋ gobe Doyaŋ Al Kurun beleŋ, “Urnebe Isip naŋa tubul teŋ waŋ waŋ niŋ hoy irmiŋ,”\* yiriŋ goyen mere basaŋ almiŋ Hosea mere irke basaŋ heŋ tagalyiŋ goyen gogo forok yiriŋ.

*Yosepya diriŋmiŋmiŋyabe Israel naŋare mulgaŋ hamiŋ*

<sup>19</sup> Be, kame Herot go kamkeb Doyaŋ Al Kurunyen miyoŋ beleŋ Yosep Isip hinhinya goyen mitere forok yeŋbe,

<sup>20</sup> “Yosep, diriŋ ga mayniŋ yeŋ hinhan marbe kamaŋ. Niŋgebe huwarde ire miliŋya yade Israel naŋare mulgaŋ henayiŋ,” inyiŋ.

<sup>21</sup> Irkeb huwarde ire miliŋya goyen yade mulgaŋ heŋ Israel kwamiŋ.

<sup>22</sup> Goyenbe al kura beleŋ, “Akelaus beleŋ naniŋde gasuŋ teŋ Yuda naŋare niŋ doyaŋ al

---

\* **2:15-18:** Hosea 11:1

kurun Herot† hiyun,” yeke nurdeb kafura hen gor kutek ma iryin. Irkeb sopte po mitere Al Kurunyen miyon belej, “Galili nanare kunayin,” inkeb Galili kwamin.

<sup>23</sup> Kunbe taun kura Nasaret inen hanjende gor keperamin. Gobe bikken Al Kurun belej, “Nasaret nin al inen hinayin,” yirin goyen mere basan marmin mere yirkeb basan hen tagalamin gwahade goyen po forok yirin.

### 3

*Yon Baptais belej mere tagalde hinhin  
(Mak 1:1-8; Luk 3:1-18; Yon 1:19-28)*

<sup>1</sup> Be, dama budam kukeb al kura Yon Baptais inen hinhan goyen Yudia nanare sawsawa po kurun nana bana gon wanbe saba tagal tagal min uryin.

<sup>2</sup> Saba ten hinhin gobe gahade: “Al Kurun belej alya bereyamin doyan yirtek nalube bikken binde hihi. Ningeb yen yufuk bana hitek yen nurde han kenem mata buluntin yubul ten yen ge bitin mulgan henayin,” yinen hinhin.

<sup>3</sup> Meten goyen ten hinhin al Yon Baptais goke bikken Al Kurunyen mere basan al Aisaia belej gaha yirin:

“Sawsawa po kurun nana bana gon al kura forok yenbe alya bereya belej Doyan Al Kurunyen mere nurde gama ird ird nin du-fay gitik ten ten ge gahade kuware tagalde hiyen:

---

† **2:22:** Herot gobe Israel doyan irde hinhan doyan mar karkuwan gote deje.



‘Doyan Al Kurunyen beley kernan.  
 Beleymin sope irde huwa irnan,’ yey hiyen,”  
 yey kayyin. *Aisaia 40:3*

<sup>4</sup> Be, al gote ulinhorbe dapna kamel wuyne beley irtin goyen hor irdeb dapna sikken gore po kanmin irde ulinhor goyen mal temdere giti irde hiyen. Irdeb bingeminbe gusuya yalanqu fimiya po nene hiyen.

<sup>5</sup> Irkeb Yudia nana bana gon nin taun kurun Yerusalemya nana bana gon nin taun hoyan hoyanyabe Yodan fe sina bana gon nin marya kurun goyen Yon hitte kunbe

<sup>6</sup> mata bulunmin ge Al Kurun pohogay irkeb Yon beley Yodan fe bana baptais yirde hinhin.

<sup>7</sup> Be, Yuda marte tikula sanin po gama irde hanyen Farisi marya Sadusi marya budam Yon beley al baptais yirde hinhide gor wake yenenbe, “Denbe mata bulun po ten han gega, mali baptais tinin yey wayhan? Den gab dufaytin bulun wor po kunere dirnen wen yara. Goyenbe mali baptais tetek gab Al Kurunyen bearar ma kentuk yey nurde han? Ganun beley gwaha dinun? Epte ma wor po busaharnayin geb!

<sup>8</sup> Ningeb Al Kurunyen bearar bana ma hitek yey nurde han kenem mata buluntin yubul ten yey ge bitin mulgan han gote iginen Al Kurun dilinde mata igin huwak goyen po ten hinayin.

<sup>9</sup> Irde dindiken ge yey, ‘Nenbe Abraham dirnen wen,’ ma yey hinayin. Al Kurunbe igin hora gayen yade Abrahamyen dirnen wen yiryen geb, mata buluntin ma yubul tinayinbe meretin gobe min minmon wor po hiyyen.

<sup>10</sup> Be, saporbe bikken he minde kerd kerd nin ep irtin hi yara Al Kurun belen mata buluntin gote murungem duntek binde wor po hi. Ningeb he kura iginen ma hen hiyen gobe ilde kak alare temeynayin go gwahade goyen po, den gayen mata buluntin yubul ma tinayinbe Al Kurun belen dakira ten kak alare dimiyyen.

<sup>11</sup> “Nebe mata buluntin yubul ten Al Kurun nin bitin mulgan hekeb fe ulin po baptais dirde hime. Goyenbe harhokner al kura wayyen. Al gote tarenbe kurun wor po. Yenbe al turnun yan wor po geb, ne gahade gare epte ma yen ge ten meten kurun titek hime. Kahan basanmin ten kun gobe meten kurun mon gega, goyen wor epte mon yen nurde hime. Yen belen gab Holi Spiritiya kakya belen baptais diryen.

<sup>12</sup> Irde yenbe al kura wit iginen yawaren yen kutummin tukun iginenya sikkenya pota yirde iginenbe goyen yerd yerd ya bana yerde sikkenbe yade kunga tiyyen go gwahade goyen diryen. Ningeb al kame wayyen goreb meremin ma gama irde hinayin marbe kak huginen hitekde gor yimiyyen,” yinyin.

*Yon Baptais belen Yesu baptais iryin  
(Mak 1:9-11; Luk 3:21-22)*

<sup>13</sup> Goyarebe Yesu gob Yon belen baptais niri yenbe Galili nanare mat Yodan fete kurin.

<sup>14</sup> Wake kenenbe Yon belen pet tenbe, “Ge belen gab ne baptais nirtek gega, danin bul mat, ‘Yen belen baptais niri,’ yen ne hitte wayha?” inyin.

<sup>15</sup> Irkeb Yesu belen wol henbe, “Mekerke hankabe ne nurhem gwahade nira. Gogab Al

Kurunyen dufay huwak wor po goyen tumñan deyya belen kawan forok iryen. Gwaha tiyen gab igin yen nurde hime,” inyin. Irkeb Yon belen fe alare tukun baptais iryin.

<sup>16</sup> Be, Yesu go baptais tenbe fe tubul ten sinjare wayyin. Wakeb goyare goyen po nanñin hol yirin. Hol yekeb Holi Spiritbe Yesu hitte nu foy ten kattinjen ten yen hende keperke yingen kinyin.

<sup>17</sup> Irkeb al melak kura nanñinde mat, “Al gabe urne bubulkuñne wor po. Yen ge amanjen wor po nurde hime,” yirin.

## 4

### *Uñgura belen Yesu tunjan uryin (Mak 1:12-13; Luk 4:1-13)*

<sup>1</sup> Be, baptais tirin go kamereb Uñgura Satan belen tunjan uri yenbe Holi Spirit belen bul irde sawsawa po kurun nanja bana gon tukurin.

<sup>2</sup> Be, nanñahalya wawunya 40 gayen binje kutñare hinhin. Niñgeb go kamereb binje bulun wor po iryin.

<sup>3</sup> Irkeb tunjan urtek al belen wanbe, “Ge gayen Al Kurun Urmin kenenbe hora ga yinke beret henan,” inyin.

<sup>4</sup> Gwaha inkeb Yesu belen wol henbe, “Al Kurunyen asande, ‘Albe Al Kurun belen mere titin kurun goyen nurde sanin hen hanjen. Munan binje hende po ma hanjen,’ gwahade katin hi,” inyin.

<sup>5</sup> Go kamereb Uñgura belen Yesu go Yerusalem Al Kurunyen taun inen hanjende gor tukunbe Al

Kurunyen ya balem kurun goyen hende hoyan wor pore kura gor tukuke huwaryin.

<sup>6</sup> Irkeb sopte po inyin. “Al Kurunyen asandebe gahade katin hi:

‘Al Kurun belen ge nin ten miyonmin hulyan yirke wan haniinde ganarkeb solok yawayin goyen

hora unkuwen belen mun kura kahanje umulaw ma uryen,’ yitin hi.

*Tikin*

*91:11-12*

Ningeb ge gayen fudinde Al Kurun Urmin kenejbe solok yawa,” inyin.

<sup>7</sup> Irkeb wol henbe, “Goyen goke wor, ‘Al Kurunge tunan ma urayin. Yenbe Doyan Al Kurun geb,’ yen asande katin hi,” inyin.

<sup>8</sup> Be, kura goya po tunan ure yenbe Yesu goyen dugu kurunde kura gor tukunbe megen nin doyan mar karkuwan belen nanja doyan yirde han goya tarenmin turnun yanya kurun goyen tumnan ikala iryin.

<sup>9</sup> Ikala irdeb, “Dokolhonje yugulun ten dolon nirke gab det kurun yenha gayen yubul ten gunen,” inyin.

<sup>10</sup> Gwaha inkeb wol henbe, “Satan, hoyan kwa! Asandebe, ‘Al Kurun po ga Doyan Al Kurunge geb yende yufukde po henbe yen po dolon irde hayin,’ yitin hi gobe ma nurde ha?” inyin.

<sup>11</sup> Gwaha inkeb Ungura go tubul ten kurin. Irkeb Al Kurunyen miyon belen wan Yesu faran uramin.

*Yesu belen Galili nanare metenmin min uryin  
(Mak 1:14-15; Luk 4:14-15)*

<sup>12</sup> Be, kamebe Yesu go Yon Baptais ten fere ten koyare keramin mere momon goyen nurdeb mulgan hen Galili nanare kurin.

<sup>13</sup> Kun Nasaret tiyunde hinhin. Mun kura hitnen tenbe Kapeneam taunde kurkun gor hinhin. Kapeneam taun gobe Galili fe ala kurun goyen sinare Sebulunya Naptaliyat megende hinhin.

<sup>14</sup> Be, Yesu go Kapeneam kurkurin gobe Al Kurun belen mere basan almin Aisaia momon irke basan hen tagalyin goyen fudinde wor po forok yirin. Merebe gahade:

<sup>15</sup> “Sebulun megenya Naptali megenyabe Galili makande kurkun kurkun belen kurunde har.

Yenbe Yodan fe sinja kurhan har. Megen gabe Galili nanja bana har.

Gonbe Yuda mar mon al min hoyan manan gon han.

<sup>16</sup> Go mar gobe Al Kurun ma nurde unen mata bulun bana po hen kidoma bana hitnen ten hanjen goyen hulsi kurun kura kennayin.

Al kidoma bana hen kamtin yara hanjen gobe hulsi goyen forok yeke gote uren bana hinayin,” yitin hi. *Aisaia 9:1-2*

<sup>17</sup> Be, Yesu go Kapeneam henyabe saba tagal tagal metenmin min uryin. Sabaminbe gahade: “Al Kurun belen alya bereyamin doyan yirtek nalube binde hihi. Ningeb yen yufuk bana hitek yen nurde han kenem mata buluntin yubul ten yen ge bitin mulgan henayin,” yen hinhin.

*Komatmiŋ kura hoy yiryiŋ*  
(Mak 1:16-20; Luk 5:1-11)

<sup>18</sup> Be, Galili makaŋ ferenyaŋ goyen kuŋ henyaŋbe Saimon deŋem kurabe Pitaya kuliŋ Andruya makaŋde kamaŋ temeyde hike yinyiŋ. Ire itiŋya gobe makaŋ dapŋa yad yad mar.

<sup>19</sup> Kuŋ yenenbe yinyiŋ. “Wayyi. Waŋ gama niryi. Irkeb al yade Al Kurun hitte yukun yukun mar direŋ,” yinyiŋ.

<sup>20</sup> Gwaha yinkeb goyare po kamaŋmiŋ yago yubul teŋ Yesu gama iraryum.

<sup>21</sup> Muŋ kura kutneŋ teŋbe ire itiŋya hoyan Yemsa Yonyabe naniŋ Sebediya hakware heŋ kamaŋmiŋ sope yirde hike

<sup>22</sup> yenenbe hoy yiryiŋ. Irkeb ire itiŋya gore wor naniŋ Sebedi goyen hakware gor po tubul teŋbe Yesu gama iraryum.

*Garbam mar sope yiryiŋ*  
(Luk 6:17-19)

<sup>23</sup> Be, Yesu go Galili naŋa bana goyen kuŋbe Yuda marte gabu yayan saba teŋ Al Kurun belen alya bereyamiŋ doyan yird yird mere igiŋ goke tagaldeb alya bereya garbammiŋ kurayen kurayen manaŋ goyen guram yirke igiŋ heŋ hinhan.

<sup>24</sup> Irkeb yeŋ mata tiyyiŋ goyen Siria naŋare niŋ mar wor nurtiŋ ala tiyamiŋ. Irdeb garbam kurayen kurayen goyen yukuteke sope yiri yeŋ Yesu hitte yawayamiŋ. Alya bereya uliŋ misiŋ kurun miŋyaŋ, unguram yaŋ, bu toneŋ miŋyaŋ, tonan kukuwa miŋyaŋyabe uliŋ kamtiŋya goyen yad wayamiŋ. Irkeb tumŋaŋ guram yirde sope yiryiŋ.

25 Be, Galili naŋa, Dekapolis\* naŋa, Yudia naŋa, Yodan fe siŋa bana goŋ niŋ marya Yerusalem taun kurunđe gor niŋ marya budam waŋ Yesu gama iramiŋ.

## 5

*Amaŋ heŋ hinayiŋ*  
(Luk 6:20-23)

1 Be, Yesu beler al buda kurun go yenenbe dondonenđe hurkun kipiryiŋ. Komatmiŋ yago wor yeŋ hinhinde gor hurkamiŋ.

2 Irkeb sabamiŋ miŋ uryiŋ. Sabamiŋbe gahade:

3 “Be, al kura nindikenbe epte moŋ yeŋ Al Kurun niŋ po nurde hinayiŋ mar gobe Al Kurun beler alya bereyamiŋ doyaŋ yirde hi bana goŋ hinayiŋ.

Niŋgeb goke amaŋer nurde hinayiŋ.

4 “Al Kura mata bulunmiŋ ge kandukŋer wor po nurde haŋ marbe Al Kurun beler biŋ yurum yiryen.

Niŋgeb goke amaŋer nurde hinayiŋ.

5 “Al kura neŋ harhet harhet ma teŋ haŋ marbe kame Al Kurun beler megen kurun gayen yunke yende hiyyen.

Niŋgeb goke amaŋer nurde hinayiŋ.

6 “Al kura Al Kurun diliŋde mata huwak teŋ teŋ niŋ feya biŋgeya niŋ kamtiŋer teŋ haŋ marbe Al Kurun beler mata huwak goyen yunen hiyen.

Niŋgeb goke amaŋer nurde hinayiŋ.

---

\* 4:25: Dekapolis gote miŋbe “10 taun haŋ.”

7 “Al kura al hoyan niŋ bunineŋ nurde yuneŋ haŋ mar gobe Al Kurunŋ wor bunineŋ nurde yuneŋ hiyeŋ.

Niŋgeb goke amanenŋ nurde hinayiŋ.

8 “Al kura biŋde dufay bulunŋ ma kerde haŋ marbe Al Kurunŋ keneŋ hinayiŋ.

Niŋgeb goke amanenŋ nurde hinayiŋ.

9 “Al kura fulenaya kandukya yisikamde awalikde heŋ heŋ mata forok irde haŋ marbe Al Kurunŋ beleŋ diriŋne weŋ yinyeŋ.

Niŋgeb goke amanenŋ nurde hinayiŋ.

10 “Al kura Al Kurunŋ diliŋde mata huwak teŋ hike al hoyan beleŋ bulunŋ bulunŋ yirke kanduk kurayen kurayen yeneŋ haŋ marbe Al Kurunŋ beleŋ alya bereyaminŋ doyanŋ yirde hi bana goŋ hinayiŋ.

Niŋgeb goke amanenŋ nurde hinayiŋ.

11 “Be, ne gama nirde hike al beleŋ goke igiŋ ma nurde sukal dirde bulunŋ bulunŋ dirde mere bulunŋ kurayen kurayen uliŋde irde hinayiŋ. Goyenbe goke ma nurde amanŋ heŋ hinayiŋ.

12 Kanduk teŋ hinayiŋ gote murunŋgembe Al Kurunŋ beleŋ kurunŋ dunyeŋ. Niŋgeb goke amanenŋ nurde hinayiŋ. Mata gobe tiŋenŋ moŋ. Bikkenŋ Al Kurunyen mere basanŋ mar yirde hinhan gwahade goyen po, deŋ wor gwaha dirde hinayiŋ,” yinyiŋ.

### *Hulsiya fawya*

*(Mak 9:50; Luk 14:34-35)*

13 Irdeb sopte po yinyiŋ. “Deŋbe al haŋ kurunŋ gate faw yara. Fawbe metenŋ miŋyanŋ. Goyenbe daha wet kura teŋ bulunŋ hiyyeŋbe daha mat



sopte igiñ irtek? Epte moñ. Niñgeb faw bulun hitiñ gobe wok irtek. Irkeb al belen ufurka ten kun hinayiñ.

<sup>14</sup> “Irde denbe al megen han kurun gate hushi yara. Taun kurun kura dondonde hi gobe epte ma banare hiyen.

<sup>15</sup> Gwahade goyen po al kura epte ma hushi usun urde ten koron po aw uryen. Gwahade yarab ten hende binun irkeb al ya bin bana hinayiñ goyen tumnan hushire hinayiñ.

<sup>16</sup> Gwahade goyen po denbe hushi yara hen Al Kurun diliñde mata wukken goyen al yikala yirde hinayiñ. Gogab matatiñ igiñ goyen yenenbe Al Kurun saniñ miñyan goyen isoka irde hinayiñ.

*Al Kurunyen mere saniñ ire yen wamiriñ*

<sup>17</sup> “Be, mongo ne gayen nenenbe dufaytindeb, ‘Yen belenbe Moseyen sabaya Al Kurunyen mere basan marte sabaya goyen walde pasi hewe yen wayyiñ,’ yen ma nurnayiñ. Nebe saba goyen wale yen ma wamiriñ. Gwaha titnenbe mere gote miñ wor po goyen ten kawan irmeke nurnan yen wamiriñ.

<sup>18</sup> Fufinde wor po dinen hime. Megenya nanñiya hiriyen goya goyen sabamiñ gote mere bilmiñ katiñ goyen unken muñ kura bana ma kuyen. Hen henbe sabamiñ gote iginen tumnan forok yenayiñ.

<sup>19</sup> Niñgeb al kura sabamiñ kura gama irtek metenen moñ wor po goyen pel irde go ma gama irdeb al hoyan wor go goya gama irde ma inyen al gobe Al Kurun belen alya bereyamiñ doyan yird yird bana gon denem moñ hiyyen. Munan al kura

sabaminɗu gama irde al hoyan saba yiryenɗu al gobe Al Kurunɗu belenɗu alya bereyaminɗu doyanɗu yird yird bana gonɗu denem kurunɗu wor po hiyyenɗu.

<sup>20</sup> Fudinde wor po dinenɗu hime. Denɗu mata huwak tenɗu hinayinɗu goyen Farisi marya Moseyen saba maryat mata huwak goyen fole ma ir-nayinɗu be fudinde wor po epte ma Al Kurunɗu belenɗu alya bereyaminɗu doyanɗu yirde hi bana gonɗu hurku-nayinɗu.

*Kanduk sope ird ird mata*

<sup>21</sup> “Be, bikkenɗu be Moseyen sabareb taytinɗu yagobe, ‘Al ma gasa yirke kamnayinɗu. Munanɗu al kura gwaha tiyyenɗu be merere huwarde murunɗu gem bulunɗu tiyyenɗu,’ yintinɗu goyen denɗu be nurde hanɗu yen gogo.

<sup>22</sup> Goyenpoga nebe go hende gaha dinenɗu ti-him: al kura kadom inenɗu tiyyenɗu al gobe merere huwaryenɗu. Gwahade goyen po, al kura kadom, ‘Dufaygem monɗu,’ inyenɗu wor merem yanɗu henɗu Yuda marte doyanɗu mar dilingɗu huwaryenɗu. Irde al kura belenɗu kadom kura, ‘Gebe kukuwa,’ inyenɗu be kak alare kuyenɗu.

<sup>23</sup> “Ninɗu geb Al Kurunɗu galak ire yenɗu altare gor det yukunɗu henɗu yab kadge kura belenɗu bulunɗu nurd gunɗu tinɗu goyen beɗe bak yekeɗ

<sup>24</sup> detge go alta dilingɗu mar gor po yubul tenɗu kunɗu kadge goya kanduk go sope irde awalik henɗu gab mulganɗu henɗu Al Kurunɗu galak irayinɗu.

<sup>25</sup> “Be, al kura merem yanɗu girde merere gukunɗu hikeyab aranɗu po kanduktirinɗu go belenɗu kunɗu henɗu ya sope iriryenɗu. Monɗu go kunɗu merere huwarkeɗ mere nurd nurd al belenɗu gade kimyanɗu titminɗu hanɗu de

giryeŋ. Irkeb kimyaŋ titmiŋ beleŋ gade fere girde koyare gernayiŋ geb.

<sup>26</sup> Fudinde wor po dineŋ hime. Kat siŋare kweŋ yeŋbe hora gwahade kerayiŋ gintiŋ goyen tumŋaŋ po kerde pasi irde gab siŋare kwayiŋ geb,” yinyiŋ.

*Al berem yaŋbe huwak po hinayiŋ*

<sup>27</sup> Irde sopte yinyiŋ. “Be, mere kurabe gahade yeŋ hike nurde haŋyen: ‘Al berem yaŋbe bere hoyaŋ ma duwan yirde hinayiŋ. Irde bere wor al hoyaŋ ma duwan yirde hinayiŋ,’ yitiŋ.

<sup>28</sup> Goyenpoga nebe go hende gaha dineŋ tihim: al kura bere kura keneŋ gwaha irmewoŋ yeŋ biŋ huwaryeŋ gobe bikkeŋ bere hoyanya duwan teŋ teŋ mata buluŋ goyen biŋde tiyyeŋ.

<sup>29-30</sup> Moŋgo ulge kurhan kura beleŋ mata buluŋ tike ulge tumŋaŋ kak alare kwak geb, buluŋ tiyyeŋ go po teŋ siŋa irayiŋ. Delge yase beleŋ mata buluŋ tikeb goyen marde temeyayiŋ. Hange yase beleŋ mata buluŋ tikeb go wor walde temeyayiŋ.

*Bere takira teŋ teŋ mata*

*(Matiyu 19:9; Mak 10:11-12; Luk 16:18)*

<sup>31</sup> “Be, deŋbe ‘Al kura berem takira tiye yeŋbe takira teŋ teŋ asaŋ kaŋ haniŋde kerdebe takira tiyyeŋ,’ gwaha yeŋ hike nurde haŋyen.

<sup>32</sup> Goyenpoga nebe go hende gaha dineŋ tihim: al kura berem go al hoyaŋ ma duwan irde hikeya epte ma takira tiyyeŋ. Takira tike bere go kuŋ al hoyaŋ tiyyeŋbe bere goya uŋ gergeŋ goya Al Kuruŋ diliŋde leplep mata teŋ har yeŋ yinyeŋ.

Goyenbe Al Kurun belen un bikkek gore yirke tahar yen un bikkek go minje iryen.” yinyin.

### *Biya ten ten mata*

<sup>33</sup> Be, Yesu go sopte gaha yinyin: “Bikken Moseyen sabarebe taytin yago, ‘Biya ten henya usi ma ten hinayin. Al Kurun hitte biya tenbe biya tiyayin goyen po gama irayin,’ yintin goyen den wor nurde hanjen gogo.

<sup>34-35</sup> Goyenpoga nebe go hende gaha dinen tihim: nanjinbe Al Kurunyen maroro gasun. Irde megenbe yende kahan kerd kerd gasun. Irde Yerusalemben Doyan Al Kurun gote taun. Ningen biya tinin yen goya det goyen goya den ma yurnayin.

<sup>36</sup> Tonantin yuwalnen unkenen kura goyen tarentinde epte ma umnam hoyan irnayin. Ningen biya tenya tonantin ma den urnayin.

<sup>37</sup> Huginen mere fudinde po yen hinayin. Ningen mere kura fudinde kenem, ‘Fudinde,’ yenayin. Munan fudinde mon kenenbe ‘Fudinde mon,’ po yenayin. Go hende mere kura sopte tinayinbe mere gobe Al Bulun hitte mat wayyen.

### *Wol hen hen mata*

*(Luk 6:29-30)*

<sup>38</sup> “Be, mere kurabe gahade yen hike nurde hanjen: ‘Al kura belen delge upul tikeb ge belen wor wol hen dinin upul tiyayin. Irde misinje yufele tikeb ge belen wor wol hen misin yufele tiyayin,’ yitin.

<sup>39</sup> Goyenpoga nebe go hende gaha dinen tihim: al kura bulun dirke goya matamin go wol ma

hawayin. Al kura wan ulunḡe yase belen sen gurke goya wol ma hen kurhan wor tigiri ten unayin.

<sup>40</sup> Irde al kura ulinḡorge goke po ten merere geren tikeb buninen irde mene dibage manan unayin.

<sup>41</sup> Irde al kura parsay girde, 'Kandukne ten 1 kilomita kwa,' ginkeb faran ure yen nurde kandukmin ten teban 1 kilomita kwayin.

<sup>42</sup> Irdeb al kura det kuran amu hen gusunan girkeb mali po ten unayin. Munan al kura wan detge kura belnen tewe ginkeya ga basina ma irayin.

### *Asogo*

*(Luk 6:27-28,32-36)*

<sup>43</sup> "Be, mere kurabe gahade yen hike nurde hanen gogo: 'Kadin yago nin amanen nurd yunen hinayin. Irde asogotinbe bulun bulun yirde hinayin,' yitin.

<sup>44-45</sup> Goyenpoga nebe go hende gaha dinen tihim: Al Kurunbe al iginya bulunya tumnande nanaya kigarinya yunen hiyen. Ningeb asogotin ge amanen nurde yunen hinayin. Irde bulun bulun dirde hinayin mar gobe Al Kurun belen faran yuri yen Al Kurun gusunan irde hinayin. Gogabe denbe Al Kurun tarenmin kurun wor po gote dirnen wen igin hinayin.

<sup>46</sup> Be, al kura den ge amanen nurde dunen hinayin mar goke po amanen nurnayinbe Al Kurun belen gote murungem dunyen yen nurde han? Mon. Teks yad yad marbe mata bulun mar yinen

hanyen goyen wor kadom ge amanen nurde igin igin yirde hanyen.

<sup>47</sup> Yuda mar mon al min hoyan wor kadom mere gird ten igin igin yirde hanyen. Ningeb kadin yago po mere yirde igin igin yirde hinayinbe matatinbe mel gote folek yen nurde han? Mon.

<sup>48</sup> Nantin Al Kurun taren minyan gobe huwak wor po geb, den dirnen wen wor gwahade go po huwak hinayin,” yinyin.

## 6

### *Al faran yurd yurd mata*

<sup>1</sup> Be, Yesu belen sopte gaha yinyin: “Be, Al Kurun dilinde mata igin ten hini yenbe kenkela dufay hen ga mata ten hinayin. Al denke po ga mata ten hini ma yen hinayin. Gwaha tinayinbe Adotin Al Kurun sanin minyan gore matatin gote murungem ma dunyen.

<sup>2</sup> Usi marbe al belen denen turun dirnan yenbe al buninen faran yurnin yen gabu yayan, kurabe belenyan huwarde bigul fu irde ga mata ten hanyen. Goyenbe den goya gwaha ma ten hinayin. Fudinde wor po dinen hime. Matamin gote murungembe al belen turun yirde hinayin goya go po tenayin. Kamebe hubu wor po geb.

<sup>3</sup> Ningeb al buninen kura faran yurnin yenbe balmin po mata ten hinayin. Hantin yase belen mata igin kura tike goya hantin tapa belen go ma nuryen.

<sup>4</sup> Gwahade goyen po al buninen faran yurnin yenbe al ma denen hikeya faran yurde hinayin.

Irkeb Nantiñ Al Kurun taren minyan gore al faran yurd yurd mata banare ten hinayin gote murungem dunyen.

*Al Kurun mere ird ird mata*

*(Luk 11:2-4)*

<sup>5</sup> “Be, usi marbe Al Kurun mere irnin yenbe al denen turun dirnan yen gabu yayan, kurabe beben kogorhoñyan al budam kun wan ten hanyende gor huwarde Al Kurun mere irde hanyen. Goyenbe den goya gwaha ma ten hinayin. Fudinde dinen hime. Matamin gote murungembe al beben turun yirde hinayin goyare gog po tenayin. Kamebe hubu wor po.

<sup>6</sup> Niñgeb Al Kurun mere irnin yenbe yatin bana hurkun yame tanbe Nantiñ Al Kurun banare hi goyen mere irde hinayin. Gogab Nantiñ beben banare hen balmin mata ten hinayin goyen denenbe gote murungem dunyen.

<sup>7</sup> “Yuda mar mon al min hoyan beben unguramin dolon yirde henya mereninin nurnayin yen mere sobamde po yen teban ten hanyen. Goyenbe denbe Al Kurun mere irnin yen goya gwaha ma ten hinayin.

<sup>8</sup> Adotin Al Kurunbe den beben gusunan ma irkeya bikken det goke nurde han yen nurde hi. Niñgeb mel go ten han gwaha ma ten hinayin.

<sup>9</sup> Niñgeb Al Kurun mere irnin yenbe gaha yen hinayin:

Adoninin, gebe kurun wor po.

Huginen turun girde hitek.

<sup>10</sup> Gere alya bereya doyan yird yird mata goyen kawan forok irayin.

Irdeb dufayger meten ten gote iginen ge hayende gor igin wor po forok yirde hayen gwahade goyen po,

megen gayen wor forok yirde hayin.

11 Irdeb han kayen bin ge be gwaha mat nene ep nenayin yen be gwahade po dunen hayin.

12 Irdeb al hoyan belen bulun dirke mata bulunmin halde yunen hityen gwahade goyen po,

mata bulun ninin halde dunen hayin.

13 Irdeb dubul tike tunan bulun bana ma kattek.

Irde Al Bulun hani de mat dumulgan tiyayin.

14 Ningeb al kura bulun dirkeb mata bulunmin goyen halde yunnayin. Gogab Adotin tarenmin kurun gore wor mata bulun tin halde dunyen.

15 Munan al kura bulun dirkeb halde ma yunnayin gobe Adotin tarenmin kurun gore wor mata bulun tin go ma halde dunyen.

### *Bin ge kutna ird ird mata*

16 “Be, usi marbe bin ge kutna irde hen yabe kimin algup neke tupi sam tikeb al belen yenen mel gabe gwaha ten han yen dennan yen nurde mata ten han yen. Goyen be den goya gwaha ma ten hinayin. Matamin gote murun gembe al belen turun yirde hinayin goya po tenayin. Kamebe hubu wor po.

17 Ningeb bin ge kutna irde hen yabe fe gemde tonan tin par ten kutnare hite yara ma ten kun hinayin.

18 Gogab bin ge kutnare hinayin goyen al belen gwaha ten han yen ma denen hinayin. Goyen be Adotin banare hi gobe nurde hi yen. Ningeb mata



balminġde teŋ hinayinġ goyen gote murunġgem dun-  
yeŋ.

*Megen niŋ samuŋ*  
(Luk 12:33-34)

<sup>19</sup> “Be, megen niŋ samuŋbe sisige beleŋ wal-  
nayinġ, kurab kawe mar beleŋ kawe dirnayinġ.  
Irde kurabe tiktuk irde buluŋ henayinġ. Niŋgeb  
dindikeŋ ge nurde samuŋ yade buda ma yirde  
hinayinġ.

<sup>20</sup> Gwahade yarabe samuŋtiŋ goyen yade al  
faraŋ yurde hinayinġ. Irkeb Al Kurunġ beleŋ gote  
murunġgem igiŋ wor po goyen kame dunġ yeŋbe  
gasuŋminġde yerde hiyeŋ. Gobe det kura beleŋ  
epte ma buluŋ yirnayinġ.

<sup>21</sup> Dufaytiŋ kurunġbe samuŋtiŋ hiyeŋde gor po  
hiyeŋ geb, gago momoŋ dirde hime.

<sup>22</sup> “Be, diltiŋbe ulitiŋde hulsi yara. Niŋgeb diltiŋ  
igiŋ hinayinġbe hulsire haŋ yara Al Kurunġyen  
samuŋ banare hi goyen keneŋ keŋkela bebak teŋ  
hinayinġ geb, heŋ heŋtiŋ igiŋ wor po hiyyeŋ.

<sup>23</sup> Munanġ diltiŋ buluŋbe samuŋmiŋ epte ma  
keneŋ bebak teŋ megen niŋ samuŋ niŋ po nurde  
hinayinġ geb, heŋ heŋtiŋ gobe kidoma beleŋ po  
aw duryeŋ. Niŋgeb Al Kurunġyen samuŋ banare  
hi goyen keneŋ bebak titek yarabe bebak ma  
tinayinġbe heŋ heŋtiŋbe buluŋ wor po hiyyeŋ.

<sup>24</sup> Albe epte ma wawuŋ unġkureŋde po doyaŋ  
al irawa niŋ metenġ teŋ yunyeŋ. Epte moŋ wor  
po. Gwaha titiŋbe doyaŋ al kurabe harhok un-  
yeŋ. Munanġ kurabe amanġenġ nurd unġ keŋkela  
awalik irde hiyeŋ. Niŋgeb gwahade goyen po,

epte ma Al Kurunya horaya tumňande meten ten yunnayın.

*Hen henge niň ug po ma dufay hawayın  
(Luk 12:22-31)*

<sup>25</sup> “Niňgeb fudinde dinen hime. Megen gar henya daha mat bingeya feya netek, irde ul-ninińdebe da yade umňa ten hitek yenbe hen henjin ge ugun po ma dufay hen hinayın. Bingebe igin gega, gore po epte ma hen henjin igin iryen. Ultin umňa manan gwahade po ultin igin ma iryen.

<sup>26</sup> Be, nu niň nurnan. Yenbe binge ma harde hanjen. Irde sak yeke yade binge yadi yerd yerd yare ma yerde hanjen. Goyenbe Al Kurun belen paka yirde hiyen. Al Kurun sanin minyan belen nu wor gogo kenkela po doyan yirde hiyen. Munan denbe nu gote folek wor po geb, dahadem Al Kurun belen denen wasak tike binge kamnayın? Epte mon geb.

<sup>27</sup> Den gayen kura megen gar hen hen niň ugun po dufay henayınbe igin nalutin goyen mun kura singir irde ulyande hinayın? Epte mon.

<sup>28</sup> “Irde daniň geb ultin umňa niň ugun po dufay hen hanjen? Yamun fuwalabe yenenmin igin mun wor po goke nurnan. Yenbe ulin umňa niň meten ma ten ulinhor kura ma gada yirde hanjen.

<sup>29</sup> Goyenbe fudinde wor po dinen hime. Bikken Israelyen doyan al kurun Solomonbe ulin umňa kusamun wor po yerde hinhin. Goyenpoga ulin umnamin igin wor po gore yamun fuwala goyen epte ma fole yirtek hinhan.

<sup>30</sup> Yamuñ fugala gobe nalu sobamde ma hanÿen. Hañka hinayiñ, gisebe al beleñ walde kakde yemeyde hanÿen. Be, gwahade goyen po, yamuñ fugala gobe det kurun kura gogo moñ gega, Al Kurun beleñ doyañ yirde umña yirde hiyen geb, denbe daniñ ulniniñ umña ma gitik ten dunyeñ yeñ goke uguñ po dufay heñ hañ? Denbe Al Kurun niñ hekkeñ wor po ma nurde hañ.

<sup>31</sup> Niñgeb da biñge netek, da fe netek, irde da yade ulniniñ umña titek yeñ goke dufay uguñ po ma heñ hinayiñ.

<sup>32</sup> Megen niñ mar ne niñ ma nurde hañ gore gab det budam kurun gwahade goyen yad yad niñ uguñ po dufay heñ goke kandukneñ nurde hanÿen. Goyenbe Adotiñ Al Kurun sañiñ miñyañ gobe det goke nurde hañ yeñ bikkeñ deney hiyen.

<sup>33</sup> Niñgeb denbe Al Kurun beleñ doyañ dird dirdya mata huwak ten tenya niñ wa nurde hinayiñ. Irke gab Al Kurun beleñ den det kuran nurde hinayiñ kurun goyen wor duney hiyeñ.

<sup>34</sup> Niñgeb sopte fay urkeb daha titek yeñ goke dufay uguñ po ma heñ hinayiñ. Fay urke gab gwaha kura tiye yeñ nurnayiñ. Hañkayen kandukbe hañkayen po, munañ giseyenbe giseyen po geb,” yinyiñ.

## 7

*Kadtiñde mata goke bulun mat ma yawayiñ  
(Luk 6:37-38,41-42)*

<sup>1-2</sup> Be, Yesu go sopte gaha yinyiñ: “Al kura kadam mata tike keneñbe, ‘Nebe igiñ, munañ yeñbe bulun ten hi,’ yiyyeñbe al go wor Al Kurun

belen gwaha po iryen. Al kadtin kurate mata daha mat kennayinbe Al Kurun wor gwaha mat dinyen. Ningeb al kadtin belen mata kura tike goya den belen, 'Nenbe huwak,' yen nurde, 'Al gobe dani bulun tiya?' ma yen hinayin. Monjo Al Kurun belen den wor gwaha po diryen geb.

<sup>3</sup> Denbe kadtinde mata bulun muknen mun wor po mukun yara goyen yenen goke yen han. Goyenbe dindikenbe mata bulunbe he parwek karkuwan yara diltin pet ten han goyen go ma po nurde han.

<sup>4</sup> He parwek gore huginen diltin pet titin han goyen ma yenenya dahade ningeb, 'Kadne, mukun delger hi go ten sinja ire?' innayin?

<sup>5</sup> Dulin usi mar wor wor, mehenbe dindikenbe diltinde nin he parwek go wa yade sinja yirnayin. Irde gab diltin kenkela nankenenbe kadtin dilinde mukun goyen igin yad sinja yirnayin.

<sup>6</sup> "Be, denbe det kura Al Kurun untek goyen yade kulu ma yunen han. Irde selwen yara det damum hende hoyan goyen yade bu binde ma yemeyde han. Gwaha yirkebe samun gin kura gogo yen ma nurde mali yufurka tinayin. Ningeb gwahade goyen po, al kura Al Kurunyen merebe titminen min minmon yen nurde han mar gobe Al Kurunyen det mali mali ma yunen hinayin. Monjo mel gore tigiri ten buya kuluya belen disen sak dirtinen dirnayin geb," yinyin.

*Al Kurun gusunan ird ird nin bada ma henayin  
(Luk 11:9-13)*

<sup>7-8</sup> Irdeb sopte po gaha yinyin: "Be, al kura belen det kuran nurde Al Kurun gusunan irkebe

unyen. Irde det kuran nankenen kurut yekeb ikala iryen. Irde yen belen alya bereyamin doyan yirde hi bana gon hurkun hurkun yame goyen mayde teban irkeb yame hol ird unyen. Ningeb den wor det kura nin nurde Al Kurun gusunan irtinde po hikeb dunyen. Det goke nankenen kurut yitinde po hikeb dikala diryen. Irde yen belen alya bereyamin doyan yirde hi bana gon hurkun hurkun yame mayde teban irkeb yame hol ird dunyen.

<sup>9</sup> “Be, den gayen al ganunbe dirinmin belen binje nin yekeb hora ten unyen?

<sup>10</sup> Irde makan dapna nin yekeb kunere ten unyen?

<sup>11</sup> Den mata bulun mar wor dirintin yago belen det kuran yekeb det igin po yunnin yen nurde hanyen. Ningeb Adotin Al Kurun sanin minyan gobe den megen nin mar gote folek geb, gusunan irkeb det igin wor po goyen dunyen geb.

<sup>12</sup> “Gwahade ningeb mata ten hinayin kurun gobe al hoyan belen nen gwaha gwaha dirde hiwon yen nurde han gwahade goyen po, den wor gwahade po yirde hinayin. Moseya Al Kurunyen mere basan marya belen saba ten hinhan gote min wor pobe gago geb.

*Yame dirnen bana hurkunayin*

*(Luk 13:24)*

<sup>13-14</sup> “Be, kak alare kun kun yamebe kurun, irde gor kun kun belenbe metenen mon. Ningeb al budam yame goyen bana hurkun han. Munan Al Kurunya hugin hen hen gasunde gor kun kun yamebe dirnen mun wor po. Irde belen manan

metenę. Nińgeb al yuńkurenę yuńkurenę belen muń po gab yame goyen kenenę bebak tenę hań. Nińgeb denbe yame dirnęń bana gore hurkunayinę.

*Heya he gote iginenęya*

15 “Be, Al Kurunęyen mere basanę mar falkuk ninę keńkela heń hinanę ko. Go mar gobe dapńa fuleńam moń sipsip yara heń wanayinę. Mereminębe iginę yara gega, biń bana dufayminębe buluń wor po geb, kulu duwi belenę al isitinę yara heń henętinę buluń wor po irnayinę.

16 Gwahade mar gobe mataminęde po gabe fudinde Al Kurunęyen mere basanę mar ma usi mar wet goyen yenenę bebak tenę hinayinę. Al belenę wain iginenębe kań hoyanę hende ma yade hanęyen. Fik he iginenę wor he mali hende ma yade hanęyen.

17 Gwahade goyen po, he iginębe iginenę iginę po forok yirde hiyen. Munanę he buluńbe iginenę buluń po forok yirde hiyen.

18 Nińgeb he iginębe iginenę buluń ma forok yiryenę. Munanę he buluńbe iginenę iginę ma po forok yiryenę.

19 Nińgeb he kura iginenę iginę ma forok yiryenę gobe ilde kak alare temeynayinę.

20 Nińgeb gwahade goyen po, mataminę belenę gab mel gobe gwahade mar yeń yenenę bebak tinayinę.

21 “Be, alya bereya megen henęya, ‘Doyanę Al Kurunę, Doyanę Al Kurunę,’ ninenę hanę gega, al yuńkurenę belenę po Al Kurunęyen alya bereya henayinę. Adone Al Kurunę saninę minęyanę gote

dufay goyen kenkela nurde go po gama irde han mar po gab Al Kurunyen alya bereya henayin.

<sup>22</sup> Nalu funande goyenterbe al budam belej, ‘Doyan Al Kurun, Doyan Al Kurun, nenbe sanjenger merege basan hen tagalde hinhet. Irde tarenger unğura yakira ten mata tinen kurayen kurayen yirde hinhet. Ningeb nenbe gere alya bereya,’ ninnayin.

<sup>23</sup> Goyenbe ne belej kawan po, ‘Mata bulun mar, nebe go ma wor po nurd dunen hime. Hoyan kunan!’ yinen.

*Al irawayen ya ird ird mata  
(Luk 6:47-49)*

<sup>24</sup> “Be, gwahade ningeb al kura merene nurde gama iryen al gobe ya ire yenbe tola metemin dukun po talde hora po dalun unyen go gwahade goyen.

<sup>25</sup> Kigarin kurun katen figilu tenen yan kuyen. Irde mene sanin yare gor kuyen gega, tolambe sanin po yimiytin geb, epte ma tobo tike katyen.

<sup>26</sup> Goyenbe al kura merene nurde ga gama ma iryen al gobe al kukuwa kura mulowo hende ya iryen go gwahade goyen.

<sup>27</sup> Ningeb kigarin kurun katen figilu tenen yan kuyen, irde mene sanin yare gor kukeb tolambe mulowo hende yimiytin geb, ya gobe katen bulun wor po hiyyen,” yinyin.

<sup>28-29</sup> Be, Yesu go sabamin pasi irkeb gor hihan mar gore meremin go tonnen yan wor po nuramin. Irdeb hurkunkat tenbe, “Ey, sabamin gabe Moseyen saba marte saba yara mon be!” yamin.

## 8

### *Al busuka miɲyaŋ sope iryiŋ (Mak 1:40-45; Luk 5:12-16)*

<sup>1</sup> Be, sabamiŋ go pasi irdeb dugure gor mat kateŋ kuŋ hikeb al budam gama irde kuŋ hinhan.

<sup>2</sup> Irkeb busuka miɲyaŋ al kura gore waŋ kimiŋ mar dokolhoŋ yuguluŋ teŋbe, “Doyaŋ Al Kurun, dufayger wilakneŋ nurdeb sope nirke igiŋ heweŋ,” inyiŋ.

<sup>3</sup> Irkeb al go uliŋde haniŋ kerdeb, “Igiŋ guram gireŋ. Niŋgeb igiŋ hawa!” inyiŋ. Irkeb goyare po busuka go tubul tike igiŋ hiriŋ.

<sup>4</sup> Irkeb, “Igiŋ haha gake al kura momoŋ irak yo. Gwaha titneŋbe Al Kurun doloŋ ird ird mata doyaŋ mar hitte kuŋ sikkenge yikala yirke keneŋbe fudinde igiŋ haha ginnayiŋ. Irke gab Mose beŋeŋ bikkeŋ yiriŋ mata mata goyen gama irde dapɲa kura mel go yunnayiŋ. Irkeb ge niŋ teŋ Al Kurun niŋ dapɲa go kumga tinayiŋ. Irkeb al tumɲaŋ fudinde igiŋ hihi yeŋ gennayiŋ,” inyiŋ.

### *Fuleɲa marte doyaŋ alyen dufaymiŋ tareŋ (Luk 7:1-10)*

<sup>5</sup> Be, gwaha teŋbe Yesu go Kapeneam taunde kuriŋ. Irkeb Roma gabmanyen fuleɲa marte doyaŋ al\* kura gore faran nuri yeŋ wayyiŋ.

<sup>6</sup> Irdeb, “Doyaŋ Al Kurun, meten alne kura uliŋ kamke uliŋ misiŋ kurun wor po kateŋ yare ferde hi,” inyiŋ.

<sup>7</sup> Irkeb Yesu beŋeŋ, “Kuŋ sope ireŋ,” inyiŋ.

---

\* **8:5:** Fuleɲa marte doyaŋ al gabe fuleɲa mar 100 doyaŋ yirde hiyen.



<sup>8</sup> Irkeb al gore wol henbe, “Doyaŋ Al Kurun, ge belen ne al gahade gate yare kutek moŋ. Niŋgeb dulin mere po tikeb meten alne igin hiyyen.

<sup>9</sup> Ne wor doyaŋ alner yufukde hen yende mere po gama irde himyen. Irde ne wor fulenɔ mar kura doyaŋ yirde hime geb, al goyen kura, ‘Kwa,’ inmekeb kuyen. Munan kurabe, ‘Waya,’ inmekeb wayyen. Irde meten alne manan, ‘Det ga ira,’ inmekeb gwaha po tiyyen,” inyin.

<sup>10</sup> Irkeb Yesu belen al gote mere go nurde tulfut yirin. Irdeb gama irde kun hinhan mar goyen fulgan kanbe, “Fudinde wor po dinhem. Israel bana ga ne nin dufaymin sanin irtin al kura gahade ma kenen himyen. Hubu wor po.

<sup>11</sup> Ga nurnan ko. Kame kame Al Kurun belen alya bereyamin doyaŋ yirde hi bana gon dula mata kurun forok yiyyen. Goyenterbe Yuda mar moŋ al min hoyan belen megen kurun ga hike kwa gayen kurhan mat mat wanbe Yuda marte asem yago Abraham, Aisakya Yekopya irde gasunminyan gasunminyan keperde dulan ten hinayin.

<sup>12</sup> Goyenbe Yuda marbe Al Kurun belen basina yirtin gega, ne nin dufaymin sanin ma irnayin mar gobe yakira tike sinare kidoma bana gon hinayin. Irde esenbe misin yisen hinayin,” yinyin.

<sup>13</sup> Irdeb fulenɔ marte doyaŋ al goyen, “Igin ge kwa. Ne nin dufayge sanin irde ha geb, gwahade forok yewon yen nurha gwahade po forok yiyyen,” inyin. Irkeb meten alminbe Yesu belen mere tiyyin nalu goyenter po igin hirin.

*Yesu belen al budam sope yiryin  
(Mak 1:29-34; Luk 4:38-41)*

<sup>14</sup> Be, Yesu go Pitayen yare kunbe Pita tenak aygan minyan ferde hike kinyin.

<sup>15</sup> Irde kun haninde tanarkeb aygan go tubul tiyyin. Irkeb bere gore huwarde binje kan yunyin.

<sup>16</sup> Be, kun hako ga kidoma hen hikeb ungora ketal yurtin mar budam yawayamin. Irkeb Yesu belen ungora go merere po yakira tiyyin. Irde al garbam minyan manan tumnande sope yirke igin hamin.

<sup>17</sup> Gwaha ten hinhin goke bikken Al Kurunyen mere basan al Aisaia belen asande mere kura gahade kayyin:

“Al gobe nende mata bulunya garbamniniya pasi yiryen,” yitin hi. *Aisaia 53:4*  
Ningeb mere gote iginenbe mata gogo forok yirde hinhin.

*Yesu gama irninbe det kura yubul tinayin  
(Luk 9:57-62)*

<sup>18</sup> Be, Yesu gob al budam wan gabu irke yenenbe komatmin yago goyen, “Fe ala kurun ga sija iron mat kuni,” yinyin.

<sup>19</sup> Irkeb Moseyen saba tagal tagal al kura gore wanbe, “Tisa, nebe ge kun hen taha kurun gobe gama po girde kun hen,” inyin.

<sup>20</sup> Irkeb wol hen, “Kulu duwibe ferd ferd gasun minyan. Nu wor hagam yan. Goyenpoga ne Al

Urmin† gabe gor kura ferde usaŋ hetek gasuŋnem mon,” inyiŋ.

<sup>21</sup> Irkeb komatmiŋ hoyan kura goreb, “Doyan Al Kurun, nebe gama giren gega, kuŋ adone wa teŋ mete teŋ gab waŋ gama giren,” inyiŋ.

<sup>22</sup> Irkeb Yesu beley, “Waŋ gama nira! Al kamtiŋ gobe tubul tike al ne niŋ ma nurde Al Kurun diliŋde kamtiŋ yara haŋ mar gore gab teŋ mete tinayiŋ geb,” inyiŋ.

*Yesu beley meŋe kurun masi irke tik yirin  
(Mak 4:35-41; Luk 8:22-25)*

<sup>23</sup> Be, gwaha teŋbe hakwa kura go hende hurkuriŋ. Irkeb komatmiŋ yago wor go hende hurkuŋbe yenya kwamiŋ.

<sup>24</sup> Irke gwahade forok yewen tiya yen ma nurkeya bemel po meŋe kurun huwariŋ. Irkeb duba karkuwan karkuwan fumde waŋ hakwa mayde biŋde hurkuŋ ala heŋ hinhin. Goya goyenbe Yesube firtiŋde hinhin.

<sup>25</sup> Irkeb komatmiŋ beley kuŋ isaŋ heŋbe, “Doyan Al Kurun, fe nene kamniŋ tihit geb, faran dura!” inamiŋ.

<sup>26</sup> Irkeb huwarde, “Daniŋ geb ne niŋ hekkeŋ ma nurde kafura heŋ haŋ?” yinyiŋ. Irdeb meŋeya maŋya buluŋ wor po hiriŋ goyen masi yirke kamaryum.

<sup>27</sup> Irkeb mel go hurkuŋkat teŋbe, “Da albe gago? Meŋeya maŋya wor yende mere nurhar!” yen kadom gusuŋan gird tiyamiŋ.

---

† **8:20:** Al Urmiŋ gote miŋbe alya bereya Al Kurun hitte Yumulgan teŋ teŋ Al. Daniel 7:13 gorbe denem Al Urmiŋ goyen hi.

*Gadara marte nanjare kurin*  
(Mak 5:1-20; Luk 8:26-39)

<sup>28</sup> Be, meje kamke mel go kuɲ kuɲbe Galili fe ala siɲa kurhan Gadara marte nanjare forok yaminɲ. Irkeb al irawa kura uɲgura ketal yurtinɲ bembayanɲ heɲ kuɲ haryen gore Yesu hitte wanyaryum. Al irawa gobe misinɲen yan wor po geb, albe yeɲ haryenyanɲ gor kutek moɲ.

<sup>29</sup> Be, irem gore Yesu hitte wanbe, “Al Kurun Urminɲ, daha direɲ wayha? Nalu hako hikeya bulun dire yeɲ wayha?” inenɲ kwep iraryum.

<sup>30</sup> Be, goya goyenbe bu buda kurunɲ kura sorte yarham po heɲ dulanɲ teɲ hinhan.

<sup>31</sup> Uɲgura gore Yesu goyen esen mere irdeb, “Dakira tiye yeɲ nurdeb dad derke kuɲ bu buda iro ketal yurtek,” inaryum.

<sup>32</sup> Irkeb, “Kunanɲ!” yinkeb uɲgura buda go al irawa goyen yubul teɲ kuɲ bu buda kurunɲ go ketal yurkeb kuɲ hamulare mat fe alare kateɲ fe nene kamaminɲ.

<sup>33</sup> Irkeb bu doyanɲ yirde hinhan mar gobe busaharde taunde kuɲbe al irawa uɲguram yanɲa bu budaya hitte mata forok yirinɲ kurunɲ goyen goke al momoɲ yiraminɲ.

<sup>34</sup> Irkeb al taunde ninɲ gobe tumɲaɲ Yesu kininɲ yeɲ gir yeɲ wayaminɲ. Irde wanɲ kenenbe, “Nananininɲde gar ma hayinɲ. Dubul teɲ kwayinɲ,” inenɲ esenɲ mere iraminɲ.

## 9

*Al ulinɲ kamtinɲ sope iryin*  
(Mak 2:1-12; Luk 5:17-26)

<sup>1</sup> Be, gwaha irkeɓ Yesu go hakwa hende hurkuɓɓe mulgaɗ heɗ metenɗ tenɗ hiyen taunde Kapeneam kuriɗ.

<sup>2</sup> Irkeɓ al uliɗ kamtiɗ kura goyen sapir hende tawayamiɗ. Irkeɓ Yesu beɓen mel gote dufaymiɗ yenɗ ge tarenɗ irtinɗ go yenenɓe al goyen, “Diriɗ, kandukɗenɗ ma nurayiɗ. Mata bulunɗe halhem geb,” inyiɗ.

<sup>3</sup> Gwaha yekeɓ Moseyen saba mar kura beɓen go nurdeb, “Ey, Al Kurunɗ beɓen po ga alyen mata bulunɗ halde yunenɗ hiyen gega, al gare gwaha tihim yenɗ hi geb, al gabe Al Kurunɗ sukaɓ irde hi,” yenɗ dufay hamiɗ.

<sup>4</sup> Irkeɓ dufaymiɗ yenenɗ bebaɓ tenɓe, “Daniɗ geb bitiɗde dufay bulunɗ kerde haɗ?

<sup>5</sup> Damiɗɓe metenɗenɗ yenɗ nurde haɗ? ‘Mata bulunɗe halde gunhem,’ yihim goyen ma ‘Huwarde kwa,’ yewenɗ goyen?

<sup>6</sup> Dufaytiɗdebe al garbam sope ird ird gobe metenɗenɗ yenɗ nurde haɗ. Niɗgeb nebe denɗ beɓen metenɗenɗ nurde haɗ goyen ireɗ tihim. Irmeke gab megen garbe ne Al Urmiɗ gabe alyen mata bulunɗ halde halde saɗiɗ miɗyaɗ yenɗ nenenɗ bebaɓ tinayiɗ,” yinyiɗ. Irdeb al uliɗ kamtiɗ goyen, “Huwarde gasunɗe tenɗ yager kwa,” inyiɗ.

<sup>7</sup> Irkeɓ al go huwarde yamiɗde kuriɗ.

<sup>8</sup> Irkeɓ al buda gor gabu iramiɗ goyen mata go kenenɓe hurkuɗkat tiyamiɗ. Irdeb Al Kurunɗ beɓen al guram yird yird tarenɗ al yuntiɗ goke Al Kurunɗ turunɗ iramiɗ.

*Yesu beɓen Matiyo hoy iryiɗ  
(Mak 2:13-17; Luk 5:27-32)*

<sup>9</sup> Be, gwaha tenj Yesu go gor mat hoyande kun henyabe al kura denem Matiyo goyen teks yad yad gasunde hike kinyinj. Irdeb, “Wanj gama nira,” inyinj. Irkeb al gore huwarde Yesu gama iryinj.

<sup>10</sup> Be, Yesuya komatminya Matiyuyen yare hen binje nene hikeb teks yad yad marya\* al kura Moseyen saba kenkela ma gama irde hike, “mata bulun mar” yinenj hanjen mar goya wanjen yanya hen dulanjen hinhan.

<sup>11</sup> Irkeb Farisi mar bejen go yenenbe Yesuyen Komatminj gusunjan yirdeb, “Daninj geb tisatinbe teks yad yad marya ‘mata bulun mar’ yinenj hityen mar goya binje nene hanjen?” yinaminj.

<sup>12</sup> Irkeb mere go nurdeb Yesu bejen, “Al ulinje iginj po hiyenbe guram al ninj ma nuryen. Al garbam minjan bejen gab guram al ninj nuryen.

<sup>13</sup> Nebe nenj al huwak yenj nurde hanjen mar goyen hoy yire yenj ma wamirinj. Goyenpoga nenbe mata bulun mar yenj nurde hanjen mar goyen hoy yire yenj wamirinj. Goke tenbe Al Kurunjen bejen, ‘Nebe al bejen galak nird nird ninj ma nurde hime. Kadom buninjen gird gird mata goke amanjen nurde hime,’ yitinjen goyen kunjin gwahade yenj kenkela dufay hen nurnanjen ko,” yinyinj.

*Binje kutja mata ninj Yesu gusunjan iraminj  
(Mak 2:18-22; Luk 5:33-39)*

---

\* **9:10:** Teks yad yad marbe Israel mar ninj ma metenjen tenjen hinhan. Roma gabman ninjen tenjen teks yade hinhan. Irde teks hora kurabe yinjen ge yade hinhan geb, mel goke Israel mar bejen iginj ma nurde yunenjen hinhan.

14 Be, gwaha yinenbe gor hinhin. Irkeb Yon Baptaisyeen komatmin beley wanbe, “Nenya Farisi maryabe binje kutna irde hityen gega, dahade geb komatge wenbe gwaha ma ten han?” inen gusunon iramin.

15 Irkeb Yesu beley wol henbe, “Albe tikin mere min alya tumnon henyabe dani esen hinayin? Epte mon. Goyenbe tikin mere min al goyen asogom beley wan ten kuke gab yen ge nurde binje kutna irde hinayin,” yinyin.

16 Irde yenbe saba gergen tagalde hi goyen goke maya mere mat gaha yinyin: “Al kura amil gergen walde ten ulinhor bikkek erek yitin goyen ma pet ten gada iryen. Gwaha irkeb amil parwek gergen gore ulinhor bikkekde nin kan goyen yulun tenbe erek yitin yamen gobe sopte bulun wor po iryen.

17 Gwahade goyen po, al wain fimin gergen yade dapna sikken po wain fimin hen hen irtin bikkek bana gon ma unnayin. Gwaha irnayinbe wain fimin gergen goreb dapna sikken bikkek go kumba tikeb erek niyyen. Irkeb wain fimin wok yiyyen. Dapna sikken go manan gog po bulun hiyyen. Albe gwaha ma ten hanyen. Wain fimin gergenbe wain fimin hen hen dapna sikken gergen bana po unen hanyen. Irkeb det irawakde bulun ma hiriryen,” yinyin.

*Bere dirnen kamtinja bere kura danduku minyanya goyen sope yiryin*

*(Mak 5:21-43; Luk 8:40-56)*

18 Be, Yesu go saba yirde hikeyab gor nin doyan al kura wan Yesu dilin mar dokolhon yugulun

tenbe, “Wernebe gayamuŋ ga kama. Goyenbe kuŋ hange uliŋde kerkeb sopte huwaryeŋ,” inyiŋ.

<sup>19</sup> Irkeb Yesu go huwarde al goya kwaryum. Komatmiŋ yago wor gama irde kwamiŋ.

<sup>20-21</sup> Be, hako kuŋ hikeyab bere kura dama 12 gayen danduku manan hiyen gore dufaymiŋde po, “Kuŋ meŋere niŋ uliŋhormiŋ po sisan ureŋbe igiŋ heweŋ,” yeŋ nurdeb kame belen mat waŋbe Yesuyen meŋe diba uliŋhor goyen muruŋde sisan uryiŋ.

<sup>22</sup> Be, bere gore gwaha tikeb Yesu belen fulgan kaŋ kinyiŋ. Irdeb, “Werne, kandukneŋ ma nurayiŋ. Dufayge ne niŋ saŋiŋ irha gore sope girke igiŋ haha geb,” inyiŋ. Irkeb goya goyen po igiŋ hiriŋ.

<sup>23</sup> Be, Yesu go kuŋbe doyaŋ al waŋ tupi ten kwaryum al gote yare forok yeŋbe ya biŋde hurkuriŋ. Hurkuŋbe doloŋde niŋ buleluŋ fuk yird yird marya eseŋ marya gabu irde hinhan go yinyiŋ.

<sup>24</sup> Irdeb, “Bere gabe ma kama. Duliŋ ferde hi. Niŋgeb kat siŋare kunaŋ!” yinyiŋ. Irkeb mel goreb hinmaŋ fayken iramiŋ.

<sup>25</sup> Be, al buda go yakira tike megen kuŋ pasi hamiŋ. Irkeb Yesu po hurkuŋ bere go haniŋde tanarkeb kamiŋde mat huwaryiŋ.

<sup>26</sup> Irkeb gote mere momoŋmiŋbe al naŋa bana go hinhan gobe nurde tukutiŋ ala tiyamiŋ.

*Diliŋ titmiŋya mohon kattiyaya guram yiryiŋ*



<sup>27</sup> Be, Yesu mel go yubul ten kuñ hikeb diliñ titmiñ al irawa belen kuware, “Dewit Urmiñ, buniñen dirde farañ dura be,” inen gama iraryum.

<sup>28</sup> Goyenbe Yesube nurd nurd yare hurkuriñ. Irkeb al irawa goyen manañ gama irde kukeb, “Der gayen epte sope diryen yen ne niñ dufaytiriñ sañiñ irde har?” yineñ gusuñañ yiryiñ. Irkeb, “Gwahabe, Doyañ Al Kurun,” inaryum.

<sup>29</sup> Gwaha yekeb Yesu belen diliñyañ sisañ yurdeb, “Ne niñ dufaytiriñ tareñ irhar geb, nurhar gwahade po forok yiyyen,” yinyiñ.

<sup>30</sup> Irkeb diliñ wuk yeke nankenaryum. Irkeb, “Sope dirhem gake al kura ma po momon yiriryen,” yineñ sañiñ po utañ yiryiñ.

<sup>31</sup> Gega irem go siñare kuñbe Yesu belen sope yiryiñ goyen tagalde tukukeb al naña bana gon niñ gobe nurde pasi hamiñ.

<sup>32</sup> Be, Yesuya komatmiñya goyen siñare hen kuñ hikeb unğura ketal urke mohon kattin al kura goyen Yesu hitte tawayamiñ.

<sup>33</sup> Irkeb Yesu belen unğura go takira tikeb al mohon kattin goyen mere tiyyiñ. Irkeb al buda kurun gobe hurkunkat tenbe, “Israel naña bana gan mata gahade kura ma keneñ hityen!” yamiñ.

<sup>34</sup> Goyenbe Farisi marbe, “Unğurayen kurunmiñ gote tarende unğura yakira ten hi,” yamiñ.

*Al Kurunyen meten marbe budam mon*

<sup>35</sup> Be, Yesu go taunyañya tiyunyañya kurun goyen kuñbe Yuda marte gabu yayan mere igiñ Al Kurun belen alya bereyamiñ doyañ yird yird goke

saba yirde hinhin. Irde al garbam miñ kurayen kurayen goyen sope yirde hike igiñ heñ hinhan.

<sup>36</sup> Gwaha tej kuñ henjab al buda go yinyiñ. Irdeb al buda gobe sipsip kura yewek miñmoñ heñ bunineñ bunineñ tej yingey gwaha mat kura sañiñ hetek moñ yara yeneñbe bunineñ wor po nurd yunyiñ.

<sup>37</sup> Irde komatmiñ yago siraw mere mat, “Biñgebe sak yeñ ep hañ gega, biñge goyen yad yad metey marbe budam moñ.

<sup>38</sup> Niñgeb biñge metey gote Doyañ Al Kurun gusunañ irkeb metey mar budam yad yerke meteymiñde gor kuñ biñge yade hinayiñ,” yinyiñ.

## 10

### *Yesuyen mere basañ mar 12*

*(Mak 3:13-19; Luk 6:12-16)*

<sup>1</sup> Be, Yesu beley komatmiñ 12 goyen yinke kuñ gabu irkeb garbammiñ kurayen kurayen sope yird yirdya unğura yakira tej tej tarenya yunyiñ.

<sup>2</sup> Yesuyen mere basañ mar 12 gote deñembe gago: meheñdebe Saimon deñem kurabe Pita. Irde kuliñ Andruya, Sebedi urmiñ warañ Yemsa kuliñ Yonya.

<sup>3</sup> Filipya Batolomiyuya Tomasya teks yad yad al Matiyuya. Irde Tadiusya Alfius urmiñ Yemsa.

<sup>4</sup> Irde Saimon Selotyabe\* Yesu asogom haniñde kiryiñ al Yudas Iskariotya.

---

\* **10:4:** Yesu hinhin goyenterbe Roma gabman asogo irde hanjen mar kura hinhan. Go mar gobe Selot yineñ hinhan.

*Mere basañ marmij meten yunyinj  
(Mak 6:7-13; Luk 9:1-6)*

<sup>5</sup> Yesube go mar 12 goyen yad yerke kuninj tiyaminj. Kuninj tikeb saba gahade yiryinj: “Al minj hoyañ Yuda mar moñ hitte ma kunayinj. Irde Samaria marte taun kura bana ma po kunayinj.

<sup>6</sup> Israel marbe Al Kurunyen sipsip gega, mereminj ma nurde duwi haminj geb, yeñ hitte kunayinj.

<sup>7</sup> Kuñ henjabe, ‘Al Kurunj belen alya bereyaminj doyañ yird yird nalu gobe binde hihi,’ yinenj tagalde hinayinj.

<sup>8</sup> Irde garbam mar sope yirde, al kamtinj yisañ heñ, al busuka minjanbe sope yirde, al unguram yanbe ungura go yakira teñ kuñ hinayinj. Tarenj gobe dulinj tahañ geb, gwahade goyen po denj wor murungem moñ dulinj al farañ yurde hinayinj.

<sup>9-10</sup> Irkeb meten teñ hinayinj goke al belen farañ durde hinayinj. Niñgeb kuninj yeñbe hora unjkurenj munj kura ma po teñ kunayinj. Irde kalwa ma yawarnayinj. Ulinjhorbe ultinje hanj gog ep geb, hoyañ ma yawarnayinj. Kahanbasanja genunja wor hoyañ ma yawarnayinj.

<sup>11</sup> Taunyañya tiyunyañya kuñbe al kura gargar dirtek al goke nankenenj yenenbe yenya hinayinj. Yenya heñ kuñ kuñ metentinj pasi irhet yeñ nurdeb yubul teñ hoyande wor kunayinj.

<sup>12</sup> Be, al gote yare kuñbe ya minj mar goyen, ‘Al Kurunj belen bitinj yisikamke ga hinayinj,’ yinayinj.

<sup>13</sup> Irke mel go denj ge iginj nurke yenenbe binj kamke heñ heñ mata goyen gor po tubul tike

hiyen. Munan igin ma denke yenenbe bin kamke hen hen mata gobe den hitte mulgan hiyyen.

<sup>14</sup> Al kura gargar ma dirde meretin ma nurkeb mel gore Al Kurunyen mere pel irhet yen bebak tinañ yenbe kahanñinde nin tupi go busañ hen gab ya wet ma taun wet kura goyen tubul ten kunayin.

<sup>15</sup> Fudinde wor po dinen hime. Taun goyenter nin marbe kame Al Kurun beñ al iginya bulunya pota yiryen nalureb mata bulunmin gote murungem bulun wor po tenayin. Bikken Sodomya Gomoraya taunde nin mar beñ mata bulun ten hinhan gote murungem tamin gote folek wor po tenayin geb,” yinyin.

*Kanduk kurayen kurayen forok yenayin  
(Mak 13:9-13; Luk 21:12-17)*

<sup>16</sup> Be, Yesu go sopte gaha yinyin: “Den kunayin bana gonbe bulun dirtek marbe budam han. Nin geb sipsip yad yermeke kulu duwi kahal bana kutnen tiniñ tahañ. Nin geb den meten ten kun henyabe kunere beñ kenkela dufay hen ga mata ten hanyen go gwahade goyen po ten hinayin.† Kalyingibe bulun gog kura tiya yen ma nurde hityen. Nin geb den wor matatin gwahade po ten kun hinayin.

<sup>17</sup> Irdeb al nin nurde ga meten ten hinayin. Mel gore merem yan dirke merere huwarnayin. Irde kurabe gabu yayan dukun dusulak tinayin.

---

† **10:16:** Yesu beñ kunere nin yirin gobe bulun mat ma yirin. Kunerebe kenkela dufay hen ga mata ten hanyen goke nurde yirin.

18 Ne niŋ buluŋ nurde haŋ mar beley dukun megen niŋ doyaŋ mar kurayen kurayen dilinŋe merere derde hinayin. Irkeb ne niŋ gusuŋaŋ dirkeb mel goya Yuda mar moŋ al miŋ hoyanya goyen momoŋ yirnayin.

19-20 Niŋgeb waŋ dade merere dukun gusuŋaŋ dirkeb daha yiniŋ tihit yeŋ barbar ma yenayin. Goyenter daha mat mere teŋ teŋ dufay duney duney albe deŋ moŋ. Goyarebe Holi Spirit beley dufay dunke mere tinayin geb, goke kandukneŋ ma nurde hinayin.

21 “Be, goyenterbe ire itinya igin ma heŋ kura beley al hay heke waŋ gasa yirke kamde hinayin. Irde naniŋ beley wor dirneŋ weŋ gwahade po yirnayin. Irde dirin beley huwarde naniŋya miliŋyot mere ma nurde asogo yirde gasa yirke kamnayin.

22 Al tumŋaŋ ne niŋ igin ma nurde haŋ mar beley asogo dirde hinayin. Goyenbe gwaha dirde hike goke kafura ma heŋ saŋin po heŋ hinayin. Kuŋ kuŋ funandebe Al Kuruŋ beley dawaryeŋ.

23 Niŋgeb ne niŋ teŋ buluŋ buluŋ dirkeb busa-harde hoyande kuŋ hinayin. Fudinde wor po dineŋ hime. Deŋbe Israel naŋa bana niŋ taun kuruŋ gayen meten teŋ kuŋ pasi ma irkeya ne Al Urmin gayen mulgaŋ heweŋ.

24-25 “Be, dirinbe saba almin gote dufay epte ma fole iryen. Dufayminbe kuŋ saba almin gote dufayya tunande heŋbe gor po bada hiyyeŋ. Be, meten al wor doyaŋ alminde meten goyen fole ma iryen. Metenminbe kuŋ doyaŋ almin beley meten teŋ hi gwahade po teŋbe gor po bada

hiyyeñ. Gwahade goyen po, denbe nere yufukner hañ. Niñgeb al beleñ ne buluñ nirde unğurayen kurunmiñ Belsebul nineñ hañ kenem denbe daha dirnayıñ? Buluñ wor po dirnayıñ. Al mali deñtiñ ga moñ yeñ nurde dunenbe mere buluñ mat wor po dirde hinayıñ.

<sup>26</sup> “Goyenpoga gwaha dirnayıñ mar goke ma kafura henayıñ. Dufayya mataya kura epte ma po banare hinayıñ. Banare hitiñ kurun gobe kame kawan po forok yeke al tumñañ nurnayıñ.

<sup>27</sup> Niñgeb kamebe deñ momoñ dirde himyen gayen kawan po tagalde hinayıñ. Balmiñde mere dirde himyen goyen wor kawan tagalde hinayıñ.

<sup>28</sup> Al mudunke kamnayıñ mar goke kafura ma heñ hinayıñ. Yeñbe ulitiñ go po buluñ irnayıñ. Munañ go kamere tontiñbe epte ma daha wet kura irnayıñ. Gwahade yarabe ulitiña tontiña kak alare yemeytek albe unğuren go po gab kafura irde hinayıñ.

<sup>29</sup> “Fiñfuñbe nu mukneñ wor po gwahade kura yeñ yentek moñ gega, Al Kurunbe biñ sir ma yirde hiyen. Niñgeb nu goyen kura daha wet kura tiyyeñ gob Al Kurunbe nurde hike ga tiyyeñ.

<sup>30</sup> Tonantiñ yuwalheñ epte ma kapyañ hetek goyen wor Al Kurunbe gwahade hañ yeñ keñkela nurde hi.

<sup>31</sup> Niñgeb denbe Al Kurun dilingdeb fiñfuñ buda damum gote folek wor po yeñ denen hi geb, heñ henñtiñ ge kafura ma heñ hinayıñ,” yiniñ.

*Yesu niñ tagalde hinayıñ*

*(Luk 12:8-9,51-53; 14:26-27; Mak 9:41)*

<sup>32</sup> Be, Yesu go sopte gaha yinyiñ: “Al kura al hoyañ diliñ mar dufaymiñ ne niñ sañiñ irde hiyeñ goyen tagalyeñbe ne wor Nanne sañiñ miñyañ gote diliñ mar, ‘Al gabe nere,’ ineñ.

<sup>33</sup> Munañ al kura ne niñ yeñ al hoyañ diliñ mar, ‘Nebe ma nurde unhem,’ yinyeñ al gobe ne wor kame Nanne sañiñ miñyañ gote diliñ mar, ‘Al gobe ma nurde unhem,’ ineñ.

<sup>34</sup> Be, ga nurnañ ko. Nebe fuleña mata isikamde kamde niñ ma megen gar katmiriñ. Ne wamiriñ gake teñbe fuleñare hinayiñ.

<sup>35</sup> Nebe megen hañ mar beleñ mata gaha teñ hinayiñ yeñ wamiriñ. Mata gobe gahade:

‘Urmiñ beleñ naniñ asogo iryeñ.

Wirin beleñ miliñ asogo iryeñ.

Bere beleñ huwarde unde miliñ asogo iryeñ.

<sup>36</sup> Gwahade goyen po al asogo wor po yirtek marbe yiñgeñ miñ bana gore po asogo yirnayiñ.’ *Maika 7:6*

<sup>37</sup> “Irde al kura miliñya naniñya niñ uguñ po nurde ne ma gama niryeñ al gobe epte ma komatne hiyyeñ. Irde al kura urmiñya wiriñya niñ uguñ po nurde ne ma gama niryeñ al goyen wor epte ma komatne hiyyeñ.

<sup>38</sup> Irde ne niñ teñ kanduk yeneñ kamde kamde niñ bada henayiñ marbe epte ma komatne henayiñ.

<sup>39</sup> Irde al kura megen heñ heñmiñ ge uguñ po dufay heñ hiyeñbe Al Kurunya epte ma hiriryen. Goyenpoga ne niñ teñ al kura heñ heñmiñ ge ma nurde gama nirde hiyeñ al gobe Al Kurunya heñ heñ gobe yende hiyyeñ.

<sup>40</sup> “Be, den meten ten kun hikeya igin dirde gargar dirde hinayin gobe ne gayen nirde han yen nuren. Gwaha niryen gobe ne po mon. Nanne nad nerke wamirin al goyen manan igin igin iryen.

<sup>41</sup> Irde al kura, ‘Al gabe Al Kurunyen mere basan al,’ yen kenen igin irde gargar iryen al gobe mere basan alyen murungem tiyyen. Irde al kura, ‘Al gabe al huwak,’ yen kenen igin irde gargar iryen al gobe Al Kurun belen al huwakyen murungem unyen.

<sup>42</sup> Irde al denem mon gar han gayen kura komatne yen kenen bebak ten fe kura unke melak bida iryenbe gote murungembe son ma hiyyen,” yinyin.

## 11

### *Yesu belen Yon Baptais nin yirin (Luk 7:18-35)*

<sup>1</sup> Be, komatmin 12 goyen saba yirde yirdeb yubul tike kwamin. Irkeb Yesube gor mat Galili nana bana gon nin taun hoyanwan wor Al Kurunyen saba yirde meremin tagale yen kurin.

<sup>2</sup> Gwaha ten kun hikeb Yon Baptais koyare hinhide gor po henbe Yesu Kristuyen mere mon gon goyen nuryin. Irdeb komatmin kura hulyan yirin.

<sup>3</sup> Irkeb kunbe, “Ge gayenbe Yon belen al kura kame wayyen yeke nurde hityen al goyenbe ge gago ma al hoyan nin doyan hen hitek?” inen gusunan iramin.



4 Irkeb, “Mulgaŋ heŋ kuŋbe dindiken mere nurde hanya mata ten hime nenen hanya kurun goyen Yon momoŋ irnayıŋ.

5 Al dilin titmiŋbe naŋkenen haŋ. Kahaŋ titmiŋbe tareŋ heŋ harde kuŋ haŋ. Al busuka miŋyaŋbe uliŋ igiŋ heŋ haŋ. Irde kirmiŋ titmiŋbe mere nurde haŋ. Al kamtiŋ manaŋ sopte huwarde kuŋ haŋ. Irde Al Kurun beŋ megen niŋ alya bereya faraŋ yurd yurd mere igiŋ gobe al bunineŋ wor nurde haŋ gayen kuŋ momoŋ irnayıŋ.

6 Irdeb, ‘Al kura ne niŋ ten Al Kurun niŋ dufaymiŋ tareŋ irtiŋ goyen go ma katyeŋbe Al Kurun beŋ guram irde saŋiŋ iryeŋ,’ yihi innayıŋ,” yinyiŋ.

7 Gwaha yinkeb Yonyen komatmiŋ go mulgaŋ heŋ kwamiŋ. Kukeb Yesu beŋ Yon niŋ momoŋ yire yeŋbe gaha yinyiŋ: “Deŋbe sawsawa po kurun naŋa bana goŋbe da kinniŋ yeŋ kwan? Duliŋ yamuŋ kura meŋe beŋ tama yurtiŋ goyen yinniŋ yeŋ kwan?

8 Goyen moŋ kenem da wor po kinniŋ yeŋ kwan? Al kura umŋa igiŋ titiŋ kura kinniŋ yeŋ kwan? Moŋ. Al horam yaŋ umŋa igiŋ ten det igiŋ igiŋ niŋ po nurde haŋ marbe megen niŋ doyaŋ mar karkuwaŋyen yayaŋ po haŋ.

9 Goyenbe da kuŋ kinniŋ yeŋ kwan? Al Kurunyen mere basaŋ al? Gwaha, fudinde. Gega yeŋbe Al Kurunyen mere basaŋ mar hoyan goyen yara moŋ. Yeŋbe gote folek.

10 Al goyen goke tenbe Al Kurunyen asaŋde gahade katiŋ hi:

‘Mere basan alne ten kermeke yen wa mehen hen kuyen.

Mehen hen kunbe belenge sope irde gunyen,’  
yitin hi. *Malakai 3:1*

<sup>11</sup> Be, yitin gwahade po meten tiyun al gobe al hoyan mon. Yon Baptais belen tiyun. Ningeb fudinde wor po, bere belen kawan yirtin han kurun gayen Yonyen meten goyen fole irtek epte mon hinhan. Yen belen meten tiyun gobe meten hoyan kurun gote folek wor po tiyun. Goyenbe yenbe ne gayen nenkela ma hen hi. Ningeb al kura denem mon gega nenkela hen bebak tenbe Al Kurun belen yende alya bereya doyan yirde hi bana gon hiyen al gobe Al Kurun dilindeb Yon folek yen kinyen.

<sup>12-13</sup> “Be, Moseyen sabaya Al Kurunyen mere basan marte sabaya asande katin gobe Al Kurun belen yende alya bereya doyan yird yird goyen tagalke wan wan Yon Baptais wor tagalun. Ningeb Yon hitte mat wan wan gayen nalu hitere gabe Al Kurun belen alya bereyamin doyan yird yird mata kawan forok yen hike yenenbe al budam bana gon kunin yen nurde kurut wor po yen han. Goyenbe tarenminde ten hikeb Al Kurun belen alya bereyamin doyan yird yird goyen bulun irde han.

<sup>14</sup> Yonbe bikken Elaia belen meten ten hinhin gwahade meten tiyun. Ningeb al kura kame Elaia wayyen yen Moseyen sabaya Al Kurunyen mere basan mar belen tagaltin goyen fudinde yen nurde han kenenbe Yon Baptais gobe al gogo yen nurnayin.

15 Al kirmin minyanbe mere gayen kenkela nurnan ko.

16 “Be, gayenter nin marbe al matam dahade han yewen? Be, go mar gobe dirin kura gabu gasunde hen kari ten henya yingen ulin kadam mohonde ten hanjen go gwahade. Dirin gobe kari ten henya kadam ginen tenbe,

17 ‘Nen belen bulelun fuk irde tiki hen dunhet gega, gege ma tahan. Irde esinayin daw yen al hakwa ambo irde irdere nin tiki hen dunhet gega ma esahan,’ yinen kwep kwep yirde hanjen go gwahade.

18 Ningeb dirin ten hanjen gwahade goyen po, mel gobe mere fudinde nurtek ma yirde hi. Ningeb Yon Baptais belen beretya wainya ma neke kenenbe, ‘Al gobe unguram yan,’ inen hihan.

19 Munan ne Al Urmin gabe bingeya wainya nemeke nenenbe, ‘Al gabe dulare nin al wor po. Irde yenbe teks yad yad marya Moseyen saba kenkela ma gama irde hike “mata bulun mar” yinen hi-tyen mar gote kadam,’ ninen hanjen. Goyenpoga al kura dufay wukken minyanbe matamin belen gab kawan forok irde hiyen geb,” yinyin.

### *Bin mulgan ma hen han mar*

*(Luk 10:13-15)*

20 Be, Yesu go gwaha yinenbe Al Kurunjen tarende mata tinen kurayen kurayen budam ten hike ga bebak ma tenbe mata bulunmin yubul ma ten Al Kurun hitte bin mulgan ma hamin mar goyen goke igin ma nurde gaha yirin:

21 “Be, den Yuda mar Korasin taundeya Bet-saida taundeya han marbe ne beley mata tinen kurayen kurayen ten himeke nenen bebak titek yara gega, gwaha ma ten asogo nirde han. Ningeb den Yuda marte mata gwahade goke Al Kurun beley bin ar yeke gote murungem bulun wor po dunyen geb, goke buninen nurd dunen hime. Ne beley Yuda mar mon al min hoyan hanjen taunde Tairya Saidonya gor kun mata tinen forok yirmirin manhan mel gob aran po bebak ten mata bulunmin ge kanduknen wor po nurde amil erekkek hor yirde tupi sam ten mata bulunmin go yubul ten Al Kurun nin bin mulgan hewon.

22 Fudinde wor po dinen hime. Tairya Saidonya taunde nin marte mata bulun gote murungembe kurun yarham. Goyenbe den Yuda mar merene gama ma irde hanjen gote murungembe yende folek, bulun wor po tenayin geb.

23 Irde den Kapeneam taunde nin mar, denbe dindiken ge yen, ‘Nenbe den nin yan,’ yen turun turun ten Al Kurun nin bitin ma mulgan hen han? Al Kurun beley kak ala bana demeyke kurkunayin geb. Mata tinen kurayen kurayen den hitte forok yen hike yenen han gayen Sodom taunde forok yen hinhan manhan gor nin mar beley mata goyen yenenbe mata bulunmin yubul ten Al Kurun nin bin mulgan hewon. Irkeb bulun ma irkeb gaha nana gayenbe taun gobe hiwon.

24 Fudinde dinen hime, kame Al Kurun beley al iginya bulunya pota yiryen nalureb Sodom nin marbe mata bulun ten hinhan gote murungem bulun tenayin. Goyenbe den Kapeneam taunde nin marbe Sodom nin mar beley kanduk tenayin

gote folek wor po tenayin geb,” yinyin.

*Kanduk minyan marbe Yesu hitte wanayin  
(Luk 10:21-22)*

<sup>25</sup> Be, goya goyenbe Al Kurun mere irde, “Adone, gebe nanjinya megenya gote Doyan Al Kurun. Gebe al yingen dufaymin wukkek yen nurde han marya megen nin alyen saba karkuwan yawartin marya hittebe meten ten hime kurun gate min goyen bana kerde hayen. Goyenbe dirin belen nanin milin hitte tawun hitin yara al kura yingen de sanin de epte mon yen nurde Al Kurun belen gab faran duri yen han mar hitte yikala yiran goke amanen wor po nurde turun girde hime.

<sup>26</sup> Fudinde, buningen gebe kurun geb, mata gwahade forok iran,” yirin.

<sup>27</sup> Irdeb, “Adone belenbe det kurun gayen doyan yird yird meten gobe ne nunyin. Nebe yende Urmin wor po geb, yen po gab kenkela nurde nunen hi. Al hoyanbe gwahade ma nurd nunen han. Irde Nannebe neya al kura ne belen basina yirde hime marya po ga nurd unen hite. Al hoyanbe gwahade mon.

<sup>28</sup> Ningeb den kanduk kurayen kurayen yenen goke bitin misin nurde han marbe ne hitte wanan. Irkeb faran durmeke bitin yurum heke hinayin.

<sup>29</sup> Nebe delne kamtin, irde dufayne manan kipirtin. Ningeb wan sabane nurde gama niranayin. Irkeb faran durmeke bitin yurum hekeb hinayin.

<sup>30</sup> Sabane nurde gama irnayin dinen hime gobe metenē mon. Ne beleş kanduk dunen hime gobe hipirken geb, ne hitte wanaŋ,” yinyin.

## 12

*Yesube Sabat nalu gote miŋ al*  
(*Mak 2:23-28; Luk 6:1-5*)

<sup>1</sup> Be, Yesu go Sabat nalu goyenter komatmin yagoya wit meten kahalyan kuŋ hinhan. Kuŋ henyabe komatmin yago goyen binġe yirkeb wit bilmin kura yade iginen nene hinhan.

<sup>2</sup> Irkeb Farisi mar beleş yenenbe, “Mel ga yena! Mel gabe Sabat nalure mata gwaha ma ten hinayin yeŋ bisam irtin goyen ten haŋ!” inamin.

<sup>3</sup> Irkeb Yesu beleş wol henbe, “Deŋbe Al Kurunyen asaŋde Dewitya kadom yagoya binġe kamde mata tiyamin gote baranmin goyen ma wor po kapyan hen nurde hanyen?”

<sup>4</sup> Dewitbe Al Kurunyen ya balem bana hurkunbe beret Al Kurun untiŋ himam, Al Kurun doloŋ ird ird mata doyan marte kudiŋen goyen kadomya yad namin. Dewitbe Mose beleş gwaha ma ten hinayin yitiŋ goyen wor gogo tiyyin gega, goke kanduk kura ma kinyin.

<sup>5</sup> Irde Al Kurun doloŋ ird ird mata doyan marbe Sabat nalure Al Kurunyen ya balem bana hen meten ten henbe Moseyen saba buluŋ irde hinhan. Goyenbe gote kanduk kura ma kenen hinhan goyen Al Kurunyen asaŋde katiŋbe ma kapyan hen hanyen?

<sup>6</sup> Fudinde dinhem. Mel gobe Sabat nalure Al Kurunyen ya balem bana meten ten hikeb mata

buluŋ tahaŋ ma yineŋ haŋyen. Munanŋ nebe ya gote folek geb, komatne yago neya tumŋaŋ heŋ Sabat nalure mata tahaŋ gabe mata buluŋ moŋ geb.

<sup>7-8</sup> Ne Al Urmiŋ gabe Sabat nalu gote Doyaŋ Al Kuruŋ. Niŋgeb Al Kuruŋyen mere asaŋde, ‘Nebe al beleŋ galak nird nird niŋ ma nurde hime. Kadom bunineŋ gird gird goke gab amaŋeŋ nurde hime,’ yitiŋ goyen deŋ beleŋ mere gote miŋ nurde haŋ manhan uliŋde merem moŋ mar gayen buluŋ buluŋ ma yirde hiwoŋ,” yinyiŋ.

*Sabat nalure al haniŋ simsimam kura sope iryiŋ  
(Mak 3:1-6; Luk 6:6-11)*

<sup>9</sup> Be, gwaha yineŋbe gor mat kuŋ Yuda marte gabu yare kuriŋ.

<sup>10</sup> Bana goŋbe al kura haniŋ simsima hitiŋ goyen gor hinhin. Irke Farisi mar gore da misiŋde kura uliŋde merem yaŋ irniŋ yeŋbe Yesu gusuŋaŋ iramiŋ. “Sabat nalurebe al kura garbam miŋyaŋ goyen sope irtek gobe Moseyen sabarebe igiŋ yitiŋ ma dahade?” inamiŋ.

<sup>11</sup> Gwaha inkeb, “Deŋ gayen sipsiptiŋ kura Sabat nalure mete titmiŋ bana kurkuyeŋbe igiŋ keneŋ wasak tinayiŋ? Moŋ, kuŋbe teŋ isaŋ heŋ siŋare kernayiŋ geb.

<sup>12</sup> Al Kuruŋ diliŋdeb sipsipbe det dirŋeŋ, mu-naŋ albe det kuruŋ wor po. Niŋgeb Sabat nalurebe mata igiŋ igiŋ po ga teŋ hitek,” yinyiŋ.

<sup>13</sup> Irde al go, “Hange giŋ ira,” inyiŋ. Irke haniŋ giŋ irkeb haniŋ kurhan igiŋ hiyen go gwahade igiŋ wor po hiriŋ.

14 Goyenbe Farisi mar gobe siṅare kuṅ yinṅen uliṅ daha mat Yesu mayteke kami yeṅ mere sege iramiṅ.

*Yesube Al Kurunṅ beṅeṅ basiṅa irtiṅ*

15 Be, Farisi mar beṅeṅ mata tiniṅ teṅ hinhan goyen bebak teṅbe gasuṅ go tubul teṅ hoyanṅde kuriṅ. Kukeb al budam po gama irde kwamiṅ. Irkeb garbam miṅyanṅbe tumṅaṅ sope yirke igiṅ hamiṅ.

16 Gwaha yirde al buda go guram dirhem gake al hoyanṅ ma momoṅ yirnayiṅ yeṅ hayhay yiryiṅ.

17 Mata kurunṅ tiyyiṅ gobe Al Kurunṅ beṅeṅ mere basanṅ almiṅ Aisaia mere irke asanṅde kayyiṅ gote igineṅ kawan forok yiriṅ. Merebe gahade:

18 “Al gabe nere metenṅ al, basiṅa irmiriṅ goyen.

Yeṅbe bubulkunṅne wor po yeṅ nurde unenṅ hime.

Irde yeṅ ge amanṅenṅ wor po nurde hime.

Holi Spirit teṅ kermeke ketal uryenṅ.

Irkeb ne beṅeṅ al igiṅya bulunṅya pota yirde gote murunṅgem yunenṅ yunenṅ goyen meṅen al hike kwa kurunṅ gayen momoṅ yirde tukuyenṅ.

19 Yeṅbe al kuraya kadom mohonṅde teṅ kwep kwep ma tiyyenṅ.

Irde beṅeṅyanṅ mere kuware ma teṅ hike nurnayiṅ.

20 Al kura bisike kokaṅ go gwahade, bulunṅ hiniṅ teṅ hinayiṅ goyen bulunṅ ma yiryenṅ.

Irde al kura bulunṅ heṅ hulsi aymuk irtiṅ yara hinayiṅ goyen wor bulunṅ ma yiryenṅ.

Matamiṅ gobe bada ma hiyyenṅ.



Gwahade po tenj tenjbe alya bereyamin tumnan yumulgan tenj pasi iryen.

<sup>21</sup> Irke al minj hoyan Yuda mar monj gore yenj ge hekkej nurde faran yurd yurd ninj doyan irde hinayin,” yitinj hi. *Aisaia 42:1-4*

### *Yesuya Belsebulya*

*(Mak 3:20-30; Luk 11:14-23; 12:10)*

<sup>22</sup> Be, gwaha yenj hikeyabe al kura unjura ketal urtin goyen tenj wayaminj. Al gobe dilinj titminj irde mohon mananj kattinj. Be, al gobe Yesu belenj sope irkeb nankenen mere tenj tiyyinj.

<sup>23</sup> Irkeb gabu iraminj mar belenj mata go kenenj hurkunkat wor po tenjbe, “Mesaia Dewit Urminj kame wayyen yenj hanjen gobe al gago wet?” yaminj.

<sup>24</sup> Goyenbe Farisi mar belenj mere go nurdeb, “Monj, unjurayen kurunminj Belsebulyen tarende unjura gogo yakira tenj hi,” yaminj.

<sup>25</sup> Irkeb Yesu gobe al dufay henj hinhan goyen yenenj bebak tenjbe gaha yinyinj: “Tiyun kurun kura bana al belenj yingenj ulinj kadom asogo gird tenj bur yenayinj gobe saninj ma henj bulun henayinj. Irde al minj dirnenj kura wor gwahade po, yingenj ulinj kadom asogo gird tenj bur yenayinbe tumnan saninj ma henj hinayinj. Taunde ninj al wor gwahade po, awalikde ma hinayinbe epte ma saninj henj hinayinj.

<sup>26</sup> Ningeb gwahade goyen po Satan belenj yenj yufukde hanj unjura buda goyen haram yirde yakira tiyyenbe dahadem saninj henayinj? Hubu geb.

27 Goyenbe den beɓen Belsebulyen tarende unɓura yakira teɓ hi nineɓ haɓ. Munan den gama dirde haɓ mar wor unɓura yakira teɓ haɓyen goyenbe ganunyen saɓinde mata go teɓ haɓ yeɓ nurde haɓ? Belsebulyen tarende ma Al Kurunyen tarende? Mel gobe unɓura yakira teɓ teɓ saɓinbe Al Kurun hitte mat waɓ hi yeɓ nurde haɓ geb, den beɓen ne nineɓ haɓ gobe usi wor po irde haɓ yeɓ nurd dunnayɓ.

28 Niɓgeb nebe Al Kurunyen saɓinde unɓura yakira teɓ himyen geb, Al Kurun beɓen doyanɓ dird dird gobe bikkenɓ den hitte gago forok yihi.

29 “Be, daha matbe al kura gore kuɓ al hoyan tareɓ miɓyanɓ gote yare hurkuɓ samunmiɓya detmiɓya yade kuyenɓ? Gwaha tiye yeɓbe al gore kuɓ saɓin miɓyanɓ al go wa teɓ fere teɓ gab epte yamiɓde niɓ detya samunmiɓya goyen yawaryenɓ.

30 “Be, al kura ne niɓ ma heɓ haɓ marbe asogone. Irde al kura Al Kurun hitte al yukuɓ yukuɓ niɓ faranɓ ma nurde haɓ marbe al bur yirde metenɓ go bulunɓ irde haɓ yeɓ nurenɓ.

31 Niɓgeb al kura mata bulunya sukaɓ mereyamiɓ ge teɓ Al Kurun pohogay irkeb igin halde unyenɓ. Goyenpoga al kura Holi Spirit sukaɓ iryenɓ gobe Al Kurun beɓen epte ma wor po halde pasi ird unyenɓ.

32 Al kura ne Al Urmiɓ gayen asogo nirde mere bulunɓ tiyyenbe pohogay nirke igin halde pasi irde unenɓ. Goyenbe al kura Holi Spirit beɓen metenɓ teɓ hi yeɓ nurd nurd ga asogo irde mere bulunɓ tiyyenɓ gobe epte ma wor po mata bulunmiɓ goyen halde unyenɓ. Megen gar henya, ma kame Al

Kurunyen nalure gor wor epte ma halde unyen.

<sup>33</sup> “Hebe iginej belej gab dikala dirke he iginj ma he buluj yen hanjen. Ningeb iginej iginj forok yewon yen nurdeb he go sope irde haranj henayinj. He goyen sope irde haranj ma henayinbe iginej buluj bulunenj forok yenayinj.

<sup>34</sup> Denbe kunere duwi yara buluj wor po geb. Meretinya matatinyabe buluj ala po. Ningeb denj gwahade belej mere kura iginj ma po tinayinj. Hubu wor po. Bitinj bana dufay buluj belej makin hitinj gore mohontinde mat kat kuj hiyen.

<sup>35</sup> Ningeb al iginbe binde dufay iginj hinayinj goyen yade kawan yirde hiyen. Munanj al bulunbe binde dufay buluj hinayinj goyen kawan yirde hiyen.

<sup>36</sup> Goke tenbe fudinde wor po dinenj hime, Al Kuruj belej al iginya bulunya pota yiryen nalure gorbe melaktinj sonj heke ne ninj mere buluj mat yitinj kuruj goke merere huwarde daninj gwaha yaminj goyen Al Kuruj momonj irnayinj.

<sup>37</sup> Ningeb mohontinde mat mere kat kuyenj gore gab nalu goyenter mere tenj hanjen gote murungem iginj dunyenj ma buluj dunyenj goyen nurnayinj,” yinyinj.

*Al Kurunyen sanjinde det kura irke kinninj inaminj*

*(Mak 8:11-12; Luk 11:29-32)*

<sup>38</sup> Be, Farisi mar kuraya Moseyen saba marya belej, “Tisa, Al Kurunyen sanjinde mata tinenj kura irke kinninj yenj nurde hite,” inaminj.

<sup>39</sup> Irkeb Yesu belej wol henbe, “Dufay buluj kerde mata mananj buluj tenj hanj mar goreb

mata tinen Al Kurun beles po ga irtek goke po gusunan hen hanjen. Goyenbe bikken Al Kurunyen mere basan al Yona beles mata ten mere tiyyin goyen po ga nurnayin. Mata tinen hoyan kura ma kennayin.

<sup>40</sup> Yonabe makan dapna kurun binde wawun karwo gon hinhin gwahade po, ne Al Urmin gayen wor megen binde nan kahalya wawunya karwo hen.

<sup>41</sup> Irde Niniwe taunde nin mar gobe Yona beles kun Al Kurunyen mere basan hen tagalkeb mata bulunmin yubul ten Al Kurun nin bin mulgan hamin. Goyenbe alya bereya gayenter gayenbe ne saba ten hime gabe Yonayen saba gote folek gega, go ma nurde han. Ningeb Al Kurun beles al iginya bulunya pota yiryen nalurebe Niniwe nin mar beles huwardeb merene ma nurde han mar gayen minje yirnayin.

<sup>42</sup> Bikken Solomon beles Israel nana doyan irde hinhinyabe nana gisaw nin doyan bere kurun kura Siba beles Solomonyen dufaymin wukken goyen nure yen wayyin. Goyenbe alya bereya gayenter nin gayenbe ne Solomonyen dufay folek gare saba yirde hime gega ma nurde han. Ningeb kame Al Kurun beles al iginya bulunya pota yiryen nalureb doyan bere Siba beles huwardeb merene ma nurde han mar gayen merem yan yiryen.

<sup>43</sup> “Be, un gura kura al ulinde takira tike kat kuyen gobe mali nana al ma hitek bana gon kun usan hen hen gasun nin nan kenan kun hiyen. Goyenbe gasun kura ma kinyen.

<sup>44</sup> Irdeb, ‘Bikken hinhem gasunde gor mulgan

hewen, ' yiyyen. Irdeb mulgan hej wanbe gasun bikkek gobe Al Kurunen mere binde ma kiryin geb, halde haran hej sope irtin yara kinyen.

<sup>45</sup> Irdeb kunbe sopte unğura 7 yende sanin folek goyen yupi ten tumnan wanbe al goyen ketal urnayin. Gwaha tikeb al gobe hanƙapya hinhin gwahade mon, bulun wor po hiyyen," yinyin.

*Yesuyen kulinya hayminya*  
(Mak 3:31-35; Luk 8:19-21)

<sup>46</sup> Be, Yesu go hako po al buda kurun goyen mere yirde hikeb milinya kulinya belen mere irnin yen wan sinare hej doyan irde hinhan.

<sup>47</sup> Irkeb al kura belen go yenenbe kun Yesu goyen, "Momkeya kolge wenya ginnin yen wan sinare ga han," inyin.

<sup>48</sup> Irkeb wol henbe, "Ganunbe mamne? Ganunbe kolne yago?" inyin.

<sup>49-50</sup> Irdeb komatmin yago yenen henya, "Al kura Nanne Al Kurun sanin minyan gote mere nurde go po gama irde han marbe kolne, hayneya mamne yagoya. Nin geb mamneya kolne wenya gago han," inyin.

## 13

*Yasun ten ten gote maya mere*  
(Mak 4:1-9; Luk 8:4-8)

<sup>1</sup> Be, go nana fay goyenter po Yesube hiyen ya go tubul ten kun fe ala kurun sinare kura gor kipiriyin.

<sup>2</sup> Irkeb sopte al buda karim ma wan gabu iramin. Irkeb bada hej hakwa kura hinhin

hende gor hurkun kipiryin. Keperde hikeb al buda kurun gob fe sinjare huwarde hinhan.

<sup>3</sup> Hakware gor henjabe saba budam maya mere mat al buda go saba yiryin. Maya meremin kurabe gahade: “Yasun al kura det muyken tur ire yen kurin.

<sup>4</sup> Metenđe kun tur irde tukurin. Irkeb kurabe belenjan katamin. Irke nu belen wan yenenbe namin.

<sup>5</sup> Kurabe hora heren megen halgayinjan katamin. Megen tolok mon geb, aran po kawan hamin.

<sup>6</sup> Goyenbe nana forok yen temeykeb filginin sanin mon geb, gwilgwil irde kamamin.

<sup>7</sup> Det muyken kurabe yamun hirwanen yan hinhan bana gon katen kawan hamin. Goyenbe yamun duwi gore hurkun awrum yurke nonbo hamin.

<sup>8</sup> Munan det muyken kurabe megen igin wor poyan katen kawan hamin. Irde muyken unjurenđe matbe 100 iginen gwahade hamin. Muyken kurabe 60, munan kurabe 30 gwahade ala iginen hen tukamin.

<sup>9</sup> Al kirmin minjanbe mere gayen kenkela nurnan ko,” yirin.

*Danin maya merere saba yird hinhin?*

*(Mak 4:10-12; Luk 8:9-10)*

<sup>10</sup> Irkeb komatmin yago goyen kunbe, “Danin geb maya mere mat alya bereya saba yirde ha?” inen gusunjan iramin.

<sup>11</sup> Irkeb, “Al Kurun belen alya bereyamin doyan yird yird gote minbe banare hi geb, al hoyan

belen epte ma bebak titek. Goyen denbe Al Kurunyen tarende miñ goyen igiñ bebak tinayiñ.

<sup>12</sup> Niñgeb keñkela wor po merene palña irde nurde hinayiñ. Al kura binde mat fudinde wor po Al Kurunyen mere nurde hikeb Al Kurun belen meremiñ igiñ goyen unen tebañ irde hiyen. Munañ al kura gwahade moñ gobe Al Kurunyen mere binde muñ kura hiyen goyen wor teñ siña iryen.

<sup>13</sup> Al gwahade gobe det yennayiñ gega, epte ma det gote miñ nurnayiñ. Irde merebe nurnayiñ gega, epte ma mere gote miñ bebak tinayiñ. Niñgeb gwahade po teñ hinayiñ yenbe gago maya mere mat saba yirde himyen.

<sup>14</sup> Al gwaha teñ hañ gokeb Al Kurunyen mere basañ al Aisaia belen Al Kurunyen mere nurde asañde kayyiñ gobe gago forok yen hi. Merebe gahade:

‘Denbe merene nurde hinayiñ, irde kenen hinayiñ gega, bebak ma po teñ hinayiñ.

<sup>15</sup> Fudinde wor po, mel gate binbe sañiñ wor po. Kirmiñbe migisuñ yurtiñ, irde diliñbe mala titiñ.

Moñ manhan kirmiñde nurde, diliñde yenenbe binde matbe bebak wor po teñ ne hitte mulgañ heñ wake sope yirmewoñ,’ yitiñ hi.

*Aisaia 6:9-10*

<sup>16-17</sup> Niñgeb fudinde wor po diniñ hime. Bikken Al Kurunyen mere basañ marya al huwak bikken hinhan gobe daha wor den belen mata kurun yenen hañ gayen yentewoñ yen nurde hinhan. Goyenbe go ma yenenya kamamiñ. Mere den

nurde hañ gayen wor nurtewoñ yeñ nurde hinhan. Goyenbe ma nuramiñ. Munañ denbe nalu igiñde forok yañ geb, diltiñde det igiñ yeneñ, kirminñtiñde mere igiñ igiñ nurde hañ gago. Niñgeb goke amanəñ nurde hinayiñ.

<sup>18</sup> “Gwahade geb yasun alyen maya mere gote miñ momoñ direñ tihim geb, keñkela nurde bebak tinañ ko.

<sup>19</sup> Muykeñ belənyañ katamiñ gote miñbe da? Gobe al kura Al Kurunñ beləñ yende alyə bereya doyañ yird yird saba gote miñ nurde bebak ma tiyyeñ. Irke unğura beləñ wañ saba go teñ siña irde biñ sam irke mere goke ma nuryeñ go gwahade.

<sup>20</sup> Megen halgayiñya hora arat hereñ det muykeñ katamiñ gote miñbe gahade: al kura Al Kurunñyen saba tiñeñya nurdeb arañ po igiñ igiñ yeñ gama iryeñ.

<sup>21</sup> Goyenbe mere go keñkela ma biñde kurkun kipiryəñ geb, ulyañde ma Al Kurunñyen mere goyen gama iryeñ. Al Kurunñyen saba nurde gama irde hiyeñ gega, al beləñ bulun bulun irke gote kanduk keneñbe bada heñ arañ po Al Kurunñyen saba go tubul tiyyeñ.

<sup>22</sup> Yamun duwi forok yitiñ bana det muykeñ katamiñ gote miñbe gahade: al kura Al Kurunñyen saba nurde gama irde hiyeñ. Irde megen niñ mata teñ teñya megen niñ samun yad yad dufay beləñ tulun tikeb Al Kurunñyen saba goyen igineñ miñmoñ hiyyeñ.

<sup>23</sup> Goyenpoga megen igiñyañ wor po katamiñ gote miñbe gahade: al kura Al Kurunñyen saba



nurde bebak ten gama irde hiyen gob gote iginenbe budam wor po forok yenayin. Muyken kurabe iginen 100 forok yiryen. Kurabe 60, munan kurabe 30 forok yiryen go gwahade. Muyken buda gob iginen kurayen kurayen forok yenayin,” yinyin.

### *Yamuŋ buluŋyen maya mere*

<sup>24</sup> Be, Yesu go gwaha yinen saba yire yenbe maya mere hoyan gahade yinyin: “Al Kurun belen yende alya bereya doyan yird yird gobe gahade: al kura wit muyken goyen metenminde yukun tur yiryin.

<sup>25</sup> Goyenbe wawunbe al tumnan firinde hikeb al gote asogom belen kun yamuŋ duwi muyken goyen wit muyken tur irtinjan goyen tur yirde yukunbe kuriŋ.

<sup>26</sup> Kame wit go kawan hen kun iginen hiniŋ ten hikeb yamuŋ duwi goyen manan forok yen tukamiŋ.

<sup>27</sup> Irkeb meten gote min alyen meten mar belen wanbe, ‘Doyan al, gebe wit muyken haran gega, yamuŋ duwi gob daha mat forok yan?’ inamiŋ.

<sup>28</sup> Irkeb, ‘Asogone kura belen mata ga tiyun geb,’ yinyin. Irkeb meten marmin belen, ‘Nin geb kun wasiniŋ?’ inen gusunjan iramiŋ.

<sup>29</sup> Irkeb, ‘Goŋmin. Monŋo wasehet yen wit manan tumnan wasinak ge.

<sup>30</sup> Yubul tike tumnande karkuwan henayin. Sak nalure gab wasitek. Goyare gab meten marne yamuŋ duwi wa walde kunga ten ten nin yad fere ten yernayin. Munan witbe yade yukun

yadi yerd yerd ya kurunḡe gor yernayin, ' yinyin, ”  
gwahade Yesu beḡeḡ mel go momoḡ yiryin.

*Mastet bilminya yisyat maya mere*  
(*Mak 4:30-32; Luk 13:18-21*)

<sup>31</sup> Be, Yesu go maya mere hoyan wor yinyin.  
“Al Kurunḡ beḡeḡ alya bereyaminḡ doyanḡ yird yird  
gobe mastet he bilminḡ dirḡeḡ muḡ wor po go  
gwahade. Al kura beḡeḡ mastet bilminḡ goyen  
teḡbe meteḡminḡde haryin.

<sup>32</sup> Det hoyan muykeḡbe karkuwanḡ, munanḡ  
mastet he muykeḡbe dirḡeḡ muḡ wor po gega,  
kawanḡ heḡ kurunḡ heḡbe meteḡde gor det haryinḡ  
goyen fole yiryenḡ. Irkeb nu beḡeḡ wanḡ haninḡ  
hereḡ hagam yirde gor hinayin, ” yinyin.

<sup>33</sup> Irdeb sopte po siraw mere hoyan yinyin. “Al  
Kurunḡ beḡeḡ yende alya bereya doyanḡ yird yird  
gobe Bere kura yis teḡ palawa kurunḡya tigiri teḡ  
tubul tikeb palawa go ditdi nene kurunḡ hiyyenḡ go  
gwahade goyen, ” yinyin.

*Maya mere mat po saba yirde hinhin*  
(*Mak 4:33-34*)

<sup>34</sup> Yesu beḡeḡ al buda mere gwahade yirde  
hinhin gobe maya mere mat po yirde hinhin.  
Mere keḡkelak mat ma yirde hinhin. Maya mere  
mat po yirde hinhin.

<sup>35</sup> Niḡgeḡ Yesu beḡeḡ maya mere mat saba  
tagalde hinhin gobe Al Kurunḡ beḡeḡ mere basanḡ  
alminḡ mere irke asanḡde kayyinḡ gote igineḡbe  
gogo forok yirinḡ. Merebe gahade:

“Sabanebe maya mere mat po tiyenḡ.

Irde det banare hitinḡ al kura bebak titek monḡ  
goyen tagalen, ” yitinḡ hi. *Tikinḡ 78:2*

*Yamuᅇ buluᅇyen siraw mere gote miᅇ*

<sup>36</sup> Be, Yesu gobe al buda kurunᅇ go yubul teᅇ ya hiyende gor mulgaᅇ hirinᅇ. Irkeb komatmiᅇ yago kuᅇbe, “Yamuᅇ duwi niᅇ maya mere mat tagalha gote miᅇ goyen momoᅇ dira,” inamiᅇ.

<sup>37</sup> Irkeb gaha yinyiᅇ: “Wit muykeᅇ igiᅇ kuᅇ haryiᅇ al gobe ne Al Urmiᅇ gayen.

<sup>38</sup> Meteyᅇ gobe megeᅇ kurunᅇ gayen gake yihim. Munay wit muykeᅇ gobe Al Kurunᅇyen dirᅇᅇ weᅇ. Yamuᅇ duwi gobe Al Buluᅇyen dirᅇᅇ weᅇ.

<sup>39</sup> Irde yamuᅇ duwi muykeᅇ tur iryiᅇ al gobe unᅇgura. Sak nalu gobe nalu funayᅇ, irde biᅇge gabu ird ird mar gobe Al Kurunᅇyen miyoᅇ.

<sup>40</sup> Yamuᅇ buluᅇ wasenᅇ kak alare yemeyke humga kunayiᅇ go gwahade goyen po, nalu funandebe al hitte mata gwahade forok yiyyenᅇ.

<sup>41</sup> Ne Al Urmiᅇ gare miyoᅇne yad yermeke kuᅇ nere alya bereya haᅇ bana goᅇ mata buluᅇ teᅇ hanᅇyen marya mata buluᅇ tinaᅇ yineᅇ al biᅇ yade hanᅇyen marya go yukunᅇ gabu yirnayiᅇ.

<sup>42</sup> Irde mel go yade kak ala buluᅇ wor po bana goᅇ yemeynayiᅇ. Irkeb goᅇ po heᅇ esenᅇ misiᅇ yiseᅇ hinayiᅇ.

<sup>43</sup> Goyabe Al Kurunᅇ diliᅇde alya bereya huwak hanᅇyen gobe Al Kurunᅇ belenᅇ doyaᅇ yirde hiyende gor naᅇa temeyke wuk yitiᅇ yara wukkeᅇ igiᅇ wor po hinayiᅇ. Al kirmiᅇ miᅇyaᅇbe mere gayen keᅇkela nurnaᅇ ko,” yinyiᅇ.

*Samuᅇyen maya mere*

<sup>44</sup> Be, maya mere hoyay wor yinyiᅇ. “Al Kurunᅇ belenᅇ yende alya bereya doyaᅇ yirde hi gobe gahade: samuᅇ kura damum hende hoyay wor

po megen binde bana kirtin hinhin. Kurareb al kura samun gwahade gan hi yen ma nurdeya megen goyen talde taldeb kinyin. Kenebe sopte aw uryin. Irdeb aman wor po hen kun detmin kurun goyen al yunke damu tikeb gote murungem tukunbe megen goyen damu tiyyin go gwahade.

<sup>45</sup> Al Kurun belen alya bereyamin doyan yirde hi gote maya mere kurabe gahade: al kura belen selwen yara kura damum hende wor po goyen goke nankenen kun hinhin.

<sup>46</sup> Kun kun igin mun wor po kura kenebe mulgan hen yende samun kurun goyen al yunke damu tikeb murungem ten tukun det kusamun wor po go damu tiyyin go gwahade,” yinyin.

### *Kaman kurunyen maya mere*

<sup>47</sup> Be, Yesu belen sopte po gaha yinyin: “Al Kurun belen yende alya bereya doyan yirde hi gobe gahade: makan dapna yawarnin yen kaman kurun temeyamin. Irdeb dapna min kurayen kurayen yawaramin.

<sup>48</sup> Dapna makin hihi yen nurdeb tulun ten tukun sinare irde dapna iginbe tiriyan yeramin. Munan bulunbe yemeyamin go gwahade.

<sup>49</sup> Nalu funande wor pore gorbe al hitte mata gwahade go forok yiyyen. Al Kurunyen miyon belen wan al huwakya al mata bulun ten hitin marya goyen pota yirnayin.

<sup>50</sup> Irde mata bulun mar gobe yade kak ala kurun bana gon yemeyke esen misin yisen hinayin,” yinyin.

<sup>51</sup> Irdeb, “Maya mere kurun dirhem gote min kenkela nurhan we?” yinke, “Gwaha,” inamin.

<sup>52</sup> Irkeb, “Bebak tihit yahañ geb, denbe Mo-seyen saba al kura saba bikkek po moñ sabane gergeñ manañ nurde tumñañ yanarde hañ al go gwahade deney hime. Niñgeb denbe al kura yamiñ bana mat samuñ bikkekya gergeñya yade siñare katyen go gwahade goyen po saba bikkekya gergeñya tumñañ nurde hañ,” yiniñ.

*Nasaret taunde kuriñ  
(Mak 6:1-6; Luk 4:16-30)*

<sup>53</sup> Be, maya mere buda goyen momoñ yirdeb gasuñ go tubul teñ kuriñ.

<sup>54</sup> Kuñbe taun gor heñ kuruñ hiriñde gor forok yenbe gor niñ Yuda marte gabu yare kuñ al saba yirke hurkuñkat teñbe, “Ey, al gabe damde kuñ Al Kurunyen dufay wukkenya mata tiñey kurayen kurayen ird ird tareñya gayen yawaruñ!” yamiñ.

<sup>55</sup> Irdeb, “Al gabe kapenta urmiñ moñ? Yenbe Maria urmiñ. Kuliñ yagobe Yems, Yosep, Saimonyabe Yudasya moñ?”

<sup>56</sup> Haymiñ yagob gar ma tumñañ hityen? Gega al gabe damde kuñ dufayya tareñya yawaruñ?” yamiñ.

<sup>57</sup> Irdeb buluñ nurd unamiñ. Goyenbe Yesu beley, “Al Kurunyen mere basañ marbe taunmiñde niñ marya taynenya beley palap ma yirde meremiñ ma nurde hañyen,” yiniñ.

<sup>58</sup> Irdeb yen ge hekken ma nurde hinhan geb, gorbe mata tiñey budam ma forok yiryiñ.

## 14

*Herot beley Yon Baptais mayke kamyiñ  
(Mak 6:14-29; Luk 9:7-9)*

<sup>1</sup> Be, Yesu belen mata kurun ten kun hinhin goyen Galili nana gote doyan al kurun Herot belen mere momonmin nuryin.

<sup>2</sup> Irdeb meten marmin go, “Yon Baptais maymeke kamun al go goyen sopte huwarun geb, mata tinen ird ird sanin minyan meten ten kun hi gogo,” yinyin.

<sup>3-4</sup> Be, Yon mayke kamyin gote baranminbe gahade: Yon dilin gergen hinhinyabe Herot belen kulin Filip berem Herodias goran iryin. Irkeb Yon belen kawan po, “Mata gob bulun wor po tiyan geb,” inkeb Herot belen goke igin ma nuryin. Irdeb fulena marmin yinke Yon fere ten tukun koyare keramin.

<sup>5</sup> Irde maymeke kamwon yen nurde hinhin gega, al belen Yon gob Al Kurunyen mere basan al yen nurd unen hinhan geb, Yon mayde mayde nin kafura hen hinhin.

<sup>6</sup> Be, Herot gobe milin belen kawan kiryin nalu go forok yekeb Herotya kadam wenya gabu irde dulan ten hinhan. Irde tikin hekeb Herodias wirin belen gor gabu iramin mar goke gege tiyyin. Irkeb Herot gobe aman wor po hirin.

<sup>7</sup> Irdeb, “Det kuran nurde gusanan nirkeb igin gunen,” inen dilin mar binja tiyyin.

<sup>8</sup> Irkeb milin belen gwaha inayin inyin gwahade po Herot inyin. “Hanaka ga po Yon Baptais tonan koronde kerde tawan nuna,” inyin.

<sup>9</sup> Irkeb doyan al go kanduknen nuryin gega, bere go hitte binja tiyyin goya al buda gor hinhan mar gore daha wet kura ninnak yen nurdeb binja tiyyin go po gama irde bere gore yirin goyen po

irde unyiņ.

<sup>10</sup> Irde fulenja marminj hulyanj yirke koyare kunbe Yon binj walaminj.

<sup>11</sup> Irdeb Yon tonanj gobe koronđe kerde tawan bere go unkeb yeņ belenj tukunbe milin unyiņ.

<sup>12</sup> Be, Yon komatminj belenj mere go nurdeb wan hakwam goyen tukunj mete tiyaminj. Gwaha tenj kunbe Yon kamyinj goyen Yesu momonj iraminj.

*Yesu belenj al 5,000 binje paka yiryinj  
(Mak 6:30-44; Luk 9:10-17; Yon 6:1-14)*

<sup>13</sup> Be, Yon kamyinj mere momonj goyen nurdeb Yesube komatminjya hakwa tenj nanja almemonđe dunjurenj balminj hiniņ yeņ kwaminj. Irkeb nanja bana go niņ taunyanj niņ marbe Yesube goņ kwa yeņ nurdeb makanj ferenj gama irde kwaminj.

<sup>14</sup> Be, Yesu go kunj kunj fe siņa kurhan forok yeņbe al buda kurunj goyen yenenbe buninjenj yinyinj. Irde garbam minjanj marbe guram yirke iginj haminj.

<sup>15</sup> Be, wawunj hewenj tenj hikeb komatminj yago belenj Yesu goyen, “Nanja bana gab tiyunj binde minjonj. Irde heņ ga monj kidoma hewenj tiya geb, al buda kurunj ga yinke tiyunyanj kunj yingenj binje kura damu tenj nenanj,” inaminj.

<sup>16</sup> Irkeb Yesu belenj, “Monj, daniņ kunayinj? Denj belenj det kura yunke nenanj,” yinyinj.

<sup>17</sup> Irkeb, “Gwaha dinha goyenbe neņbe beret siptesonjnya makanj dapņa yadi iraw po hanj,” inaminj.

<sup>18</sup> Irkeb, “Yawanj nunnanj,” yinyinj.

19 Irdeb al buda kurun go, “Yamuɗɗaɗ kepernaɗ,” yinke keperde tukamiɗ. Irkeb beret siptesoɗɗoɗɗa makaɗ dapɗa yadi irawaya goyen yade kotaɗ kaɗ naɗkiɗde naɗkeney Al Kurunyen saɗiɗde guram yirde yubala ten al yunnan yinenbe komatmiɗ yago yunyiɗ.

20 Al buda kurun gob biɗge go nen nen ep po namiɗ. Irkeb komatmiɗ belen biɗge dikɗey buda iramiɗ gobe tiri 12 gwahade makiɗ yirtek hamiɗ.

21 Be, biɗge namiɗ mar al parguwak po kapyan hamiɗbe 5,000 hiriɗ.

*Yesu fe yuwalɗey hende huwarde kuriɗ  
(Mak 6:45-52; Yon 6:15-21)*

22 Be, gwaha tenbe komatmiɗ yago, “Araɗey hakwa hende hurkuɗ fe ala siɗa kurhan kunaɗ,” yinke hakwa hende hurkuɗbe yey wa mehen hen fe ala siɗa kurhan kwamiɗ. Irkeb Yesube gor hen al buda kurun goyen, “Tiyuɗɗiɗɗaɗ tiyuɗɗiɗɗaɗ kunaɗ,” yinyiɗ.

23 Al buda go gwaha yinenbe Al Kurunya mere tiyye yeybe dugu dabayiɗde kura gor hurkuriɗ. Kuɗ yey unkuɗey goɗ hikeb kidoma hiriɗ.

24 Munan komatmiɗ yagobe megen tubul ten fe ala kurunde hamiɗ. Goyenbe mene huwarke fe goyen makaɗ duba yara karkuwan karkuwan huwaramiɗ. Irkeb hakwa gobe mun kura ma sor iryiɗ.

25 Be, naɗa miɗge hen hikeb Yesu go fe yuwalɗey hende huwarde komatmiɗ yago hitte kuriɗ.



26 Mel gore fe hende huwarde waɗ hike keneɗ kafura wor po heɗbe, “Gabe unɗura!” yeɗ uliɗ barbar yeke daha tiniɗ tiniɗ tiyamiɗ.

27 Goyenbe aran po Yesu beɗeɗ, “Kafura ma yo. Ne waɗ hime geb. Tareɗ henayiɗ,” yinyiɗ.

28 Irkeb Pita beɗeɗ, “Doyan Al Kurun, gabe fudinde ge keneɗbe ninke fe hende huwarde ge hitte kweɗ,” inyiɗ.

29 Irkeb, “Igiɗge waya,” inyiɗ. Gwaha inkeb Pita go hakwa hende mat solok yeɗ fe hende harde Yesu hitte kuriɗ.

30 Goyenbe kuɗ heɗyabe meɗe keneɗ kafura heɗbe hako ga dolok yeɗ keneɗbe, “Doyan Al Kurun, faran nura!” yeɗ kekew tiyyiɗ.

31 Irkeb goyare po Yesu beɗeɗ haniɗ temeyde tanardeb isan hiriɗ. Irdeb, “Daniɗ dufay budam heɗ ne niɗ hekkeɗ ma nurde ha?” inyiɗ.

32 Gwaha teɗbe hakwa hende hurkaryum. Irkeb meɗe kamiɗ.

33 Irke gab hakwa biɗde hinhan mar gore keneɗ bebak teɗbe doloɗ irde, “Fudinde wor po gebe Al Kurun Urmiɗ,” inamiɗ.

*Genesaret niɗ garbam mar sope yiryiɗ  
(Mak 6:53-56)*

34 Be, gwaha teɗ kuɗ kuɗbe Genesaret naɗa beɗeɗ goɗ forok yamiɗ.

35 Irkeb al gor niɗ beɗeɗ Yesu keneɗ bebak teɗbe mere kerke naɗa goyen bana niɗ mar yinke garbam mar tumɗan Yesu hitte yawayamiɗ.

36 Irdeb, “Garbam mar gayen yubul tike meɗe diba ulger niɗ gote murun po sisan urdeb igiɗ

henan,” inen esen mere iramin. Niṅgeb al garbam minyanbe Yesu go sisan urde tumṅanṅde iḡin hamin.

## 15

### *Yesu beḷen asem yagot mata walde yunyin (Mak 7:1-13)*

<sup>1</sup> Be, nanṅa goyen bana meten ten kuṅ hikeyabe Yerusalem taun kurunṅde mat Farisi mar kuraya Moseyen saba mar kuraya goyen Yesu hitte wanbe,

<sup>2</sup> “Danin geb komatge yagobe asininin yagot mata ma gama irde han? Yenbe dula tininbe mali po binḡe nene han. Hanin ma haldeya gwaha ten han,” inamin.

<sup>3</sup> Irkeb wol henbe, “Munan denbe danin geb asetin yagot mata nin po tenbe Al Kurunyen merebe pel irde bulun irde hanyen?

<sup>4</sup> Al Kurun belenbe, ‘Nantinṅa mamtinṅabe palap yirde hinayin,’ yitin hi niṅgeb, ‘Al kura naninṅa milinṅa mere bulun yiryen gobe mayke kamyen,’ yitin hi.

<sup>5</sup> Goyenbe denbe saba goyen tigiri tenbe, ‘Al kura naninṅa milinṅa det kura faran yurtek goyen ma yunenbe, “Iḡin faran durmewon gega, Al Kurun unen yen basinṅa irmin geb, go ma faran duren,” yinyen gobe mata bulun mon,’ yen al saba yirde hanyen.

<sup>6</sup> Niṅgeb al gwaha mat saba yirke Al Kurunyen mere ma gama irde naninṅa milinṅa palap ma yirde dulin hanyen. Denbe gwahade goyen po

asetiñ yagot mata niñ tenbe Al Kurunyen mere bulun irde hanjen.

<sup>7</sup> Usi mar wor wor, Al Kurunyen mere basañ al Aisaia belen asañde kayyiñ gobe fudinde wor po den gake kayyiñ.

<sup>8</sup> Merebe gahade:

‘Mel gabe mohonde po turun nirde han.

Gega bindebe ne niñ ma nurde han.

Hoyande wor po han.

<sup>9</sup> Mel gabe megen niñ marte saba po gama irde al saba yirde han.

Mel gabe bin hende hende po dolon nirde han,’ yitiñ hi geb,” yinyiñ. *Aisaia 29:13*

<sup>10</sup> Be, Yesu gob mel Farisi marya Moseyen saba marya goyen gwaha yinenbe al buda kurun gor hinhan go yinke yen binde wayamiñ. Irkeb, “Mere ga nurde bebak tinañ ko.

<sup>11</sup> Det kura al mohonde mat binde kurkuyen gore Al Kurun diliñde al go bulun ma iryen. Goyenbe det kura mohonde mat kat kuyen gore po gab Al Kurun diliñde al go bulun iryen,” yinyiñ.

<sup>12</sup> Gwaha yinkeb komatmiñ yago belen wanbe, “Farisi marbe mere taha goke igiñ ma nurde han goyen yenen bebak taha?” inamiñ.

<sup>13</sup> Irkeb wol henbe, “He kura Nanne Al Kurun tarenmiñ kurun gore ma haryiñ gobe filginiñ manañ tumnañ wasiyen.

<sup>14</sup> Niñgeb diliñ titmiñ buda gobe yenen wasak tinañ. Mel gobe saba fudinde goyen ma bebak tenbe al mata bulunde yukun han. Al kura diliñ titmiñ belen kadom yiñgen yara goyen belen

ikala irde tukun hime yiyyen gobe tumnande kun mete titminde katiryen,” yinyin.

<sup>15</sup> Irkeb Pita beɓen, “Maya mere gote min mon dira,” inyin.

<sup>16</sup> Irkeb, “Deɓ manan dufaytin mun kura ma wuk yen han?”

<sup>17</sup> Det kura al mohanɓe mat binɓe kurkuyen gobe kamebe kat kuyen gobe ma nurde han?

<sup>18</sup> Goyenbe det mere kura al mohanɓe mat forok yen hanɓen gobe binɓe mat wan hanɓen geb, gore gab Al Kurun dilinɓe al go bulun yirde hanɓen.

<sup>19</sup> Dufay bulun, al gasa yirke kamde kamde mata, al kura berem wan gore bere hoyanya duwan ten ten mata, alya bereya fonɓe leplep mata, kawe mata, merere huwarde usi mat mere ten ten matayabe mere bulun mat ten ten mata kurun gobe al binɓe mat pul yen hanɓen.

<sup>20</sup> Det gwahade gore gab Al Kurun dilinɓe al bulun yirde hanɓen. Hanin hal hal mata kenkela ma gama irde dula tinayin gore al bulun ma yiryen,” yinen saba yiryin.

*Kenan marte bere gote dufay sanin  
(Mak 7:24-30)*

<sup>21</sup> Be, Yesu go nanɓa hinhin goyen tubul ten Saidon taunya Tair taunɓa nanɓa bana gon ko-matmin yagoya kwamin.

<sup>22</sup> Irkeb taun iraw goyen bindere tiyun kura hinhinde gor mat Kenan mar bere kura gore Yesu hitte wanɓe, “Doyan Al Kurun, Dewit Urmin, buninɓen nirde faran nura. Wernebe unɓura

belen waɲ hernen irtin hi geb, bulun bulun wor po irde han, ” inen esen uryin.

<sup>23</sup> Goyenbe Yesube meremin goyen mun kura haywan ma hirin. Irkeb komatmin yago belen, “Esen durde gama dirinde po hi geb, takira tike kwi,” inamin.

<sup>24</sup> Irkeb wol henbe, “Nebe Israel mar Al Kurunyen sipsip meremin ma nurde duwi hitin goke po wamirin geb,” yirin.

<sup>25</sup> Irkeb bere gore waɲ palap irde dokolhon yugulun tenbe, “Doyan Al Kurun, faran nura,” inyin.

<sup>26</sup> Irkeb wol henbe, “Dirinde bingebe epte ma goran yirde yad kulumin yago yunke nenayin,” inyin.

<sup>27</sup> Gwaha inkeb bere gore wol henbe, “Doyan Al Kurun, mere gobe fudinde ninha gega, dirinde binge diknen katnayin gob kulu wor nene hanen. Ningeb faran nurayin,” inyin.

<sup>28</sup> Irkeb Yesu belen, “Bere, ne nin heken wor po nurha geb, gusunan nirha gote iginen forok yiyyen geb,” inyin. Be, wirin gobe goyare go po igin hirin.

### *Al garbam kurayen kurayen sope yirin*

<sup>29</sup> Be, Yesu go nan goyen tubul ten mulgan hen Galili fe ala kurun feren kun kunbe dugu dabayinde kura gor hurkurin.

<sup>30</sup> Irkeb al budam wor po yen hitte wayamin. Waɲ henyabe al kahan nonbo hitin, dilin titmin, ulin albo yirtin, mohan kattinyabe garbam hoyan minyan marya goyen sope yirke igin henaɲ yen

nurde yawan kahan minde yeramin. Irkeb sope yiryin.

<sup>31</sup> Al gabu iramin mar belen mohon kattin mere tike yenamin. Ulin albok hitin goyen igin hen, kahan bulun hitin goyen huwarde kun wan ten, dilin titmin nankenen tike yenenbe hurkunƙat tenbe Israel marte Al Kurun go turun irde kasor iramin.

*Al 4,000 binƙe yunke namin  
(Mak 8:1-10)*

<sup>32</sup> Be, Yesu belen komatmin go yinke wakeb, “Al buda kurun gabe tumnande hiteke kun kun yerenkek hihi. Goyenbe det go kura netek minmon hahan. Binƙe ma nene tiyunmin kunayinbe belenyan kamnayan geb, buninjen yenen hime,” yinyin.

<sup>33</sup> Irkeb komatmin belen wol henbe, “Tiyun binde minmon nana gahade gab binƙe damde nin yade al buda kurun gahade gayen yunteke nenayin?” inamin.

<sup>34</sup> Irkeb, “Beretbe dahade han?” yinkeb, “Beretbe 7ya makan dapna muknen yadi kura goya po han,” inamin.

<sup>35</sup> Be, al buda gabu iramin go megen keprnan yinke keperde tukamin.

<sup>36</sup> Irkeb beretya dapnaya go yadeb Al Kurun igin nurde unenbe beretya dapnaya go yubala tenbe komatmin yago al yukun yunnan yen yunin. Irkeb gwaha po tiyamin.

<sup>37</sup> Al buda kurun gobe binƙe go nene ep wor po namin. Irkeb Yesuyen komat belen binƙe diknen

al beleş ep nene yubul tiyamiş goyen yade tiri 7 gwahade maķiş yirtek iramiş.

<sup>38</sup> Bereya dirişya ma kapyaş heş al parguwak po kapyaş hamişbe 4,000 hiriş.

<sup>39</sup> Bişge yunke neke gabe, “Tiyuñtişyan tiyuñtişyan kunayiş,” yiniş. Irdeb komatmişya hakwa hende hurkuşbe naşa kura Magadan taun binde beleş goş kwamiş.

## 16

*Mata tişej kura ira inej gusuşan iramiş  
(Mak 8:11-13; Luk 12:54-56)*

<sup>1</sup> Be, Yesu go goş hikeb Farisi marya Sadusi marya beleş Yesu hitte waşbe tuşan urniş yeş, “Mata tişej Al Kurun beleş irtek goyen kura irke kinniş,” inamiş.

<sup>2</sup> Irkeb Yesu beleş, “Deşbe wawuşbana heş naşa buk yekeb, ‘Kadila hewen tiya,’ yeş hanşen.

<sup>3</sup> Irde wampotbe, ‘Naşa buluş hihi geb, kigariş katen tiya,’ yeş hanşen. Deşbe naşkiş keneş gab kadila hewen tiya ma kigariş katen tiya goyen keşkela nurde hanşen. Goyenbe gayenter niş mar goke teşbe Al Kurun beleş mata forok yirde hi goyen daniş geb yeneş bebak ma teş haş?

<sup>4</sup> Deş gayenter niş marbe mata buluş teş Al Kurun harhoktiş unen haş geb, mata tişej kurayen kurayen goke po naşkeneş haş. Goyenbe kura kinniş yekeb Yona hitte mata forok yiriş\* go

---

\* **16:4:** Yonabe wawuş karwo maķaş dapşa kurun miliş gote biş bana heşbe sopte sişare katiş. Gobe Yesu kamişinde mat yereşkek heke sopte huwariş gote tuşanşen.

gwahade goyen po kame dikala direŋ,” yinenbe mel goyen yubul teŋ hoyande kurin.

*Farisi marya Sadusi maryat saba buluŋ  
(Mak 8:14-21)*

<sup>5</sup> Be, fe ala kurun go warde siŋa kurhan kwaminya goyenbe komatmin go biŋ sir yekeb beret kura ma yade ga kwamin.

<sup>6</sup> Be, Yesu beleŋ Farisi marya Sadusi marya goke komatmin goyen, “Keŋkela heŋ hinaŋ ko. Moŋgo mel gote yis beleŋ buluŋ diryen geb,” yinyin.

<sup>7</sup> Gwaha yinkeb komatmin beleŋ, “Beret kura ma yad wayhet geb, gogo dina,” yeŋ yinŋen ulin kadom mere gird tiyamin.

<sup>8</sup> Komatmin go mere kusa irde hike yenenbe, “Daniŋ dindiken ulin beretninin minmon yeŋ haŋ? Deŋbe ne nin ma hekkeŋ nurde haŋ?”

<sup>9</sup> Muŋ kura ma po bebak teŋ haŋ? Beret siptesoŋon al 5,000 namin gote dikneŋbe tiri dahade makin yirtek hamin?

<sup>10</sup> Goyen mon kenem beret 7 goyen al 4,000 nan gote dikneŋ yade tiri dahade makin yirtek haŋ?

<sup>11</sup> Farisi marya Sadusi maryat sababe yis beleŋ palawa bana hilyan kutin yara al hoyan kurun gote dufay buluŋ yirde hi goke dinen hime. Beret nin ma yeŋ hime gayen daniŋ geb bebak ma teŋ haŋ? Niŋgeb sopte dinen hime, Farisi marya Sadusi maryat yis beleŋ buluŋ diryenkek geb, keŋkela heŋ hinayin,” yinyin.

<sup>12</sup> Be, gwaha yinke gab, “Yis beret bana irde hanyen goke ma dinen hi. Farisi marya Sadusi



maryat sababe yis yara goke hayhay dirde hi,”  
yeŋ nuramiŋ.

*Yesu, gebe Mesaia*  
(*Mak 8:27-30; Luk 9:18-21*)

<sup>13</sup> Be, Yesu go komatmiŋya naŋa bana go tubul  
teŋ kuŋ Sisaria Filipai taun binde binde heŋ  
heŋbe gusuŋaŋ yiryiŋ. “Ne Al Urmiŋ gayen gake  
al hoyan beleŋ ganuŋ yeŋ haŋ?” yinyiŋ.

<sup>14</sup> Irkeb wol heŋbe, “Al kura beleŋ gebe Yon  
Baptais yeŋ haŋ. Munan kura marbe Elaia gineŋ  
haŋ. Kurabe Yeremaia ma Al Kurunyen mere  
basan mar hoyan kura goyen gineŋ haŋ,” inamiŋ.

<sup>15</sup> Irkeb, “Munan deŋ gayenbe nebe ganuŋ yeŋ  
nurd nuneŋ haŋ?” yinyiŋ.

<sup>16</sup> Irkeb Saimon Pita beleŋ, “Gebe Mesaia, Al  
Kuruŋ gwahader hitiŋ al gote Urmiŋ,” inyiŋ.

<sup>17</sup> Gwaha inkeb, “Mere gobe Nanne Al Kuruŋ  
saŋiŋ miŋyaŋ al gore ginke gab gago yaha. Al  
kura beleŋ ma mere goyen momoŋ gira. Niŋgeb  
Al Kuruŋ beleŋ guram girde saŋiŋ giryeŋ.

<sup>18</sup> Gebe ne niŋ dufayge hora yara tareŋ irha geb,  
Pita gineŋ hime. Niŋgeb hora go hendebe nere  
alya bereya yereŋ.

<sup>19</sup> Irde Al Kurunyen alya bereya doyaŋ yird  
yird saŋiŋ goyen ge guneŋ. Niŋgeb ge beleŋ  
igiŋ yawayiŋbe Al Kuruŋ wor igiŋ yiyyeŋ. Irde  
ge beleŋ buluŋ yawayiŋbe Al Kuruŋ wor buluŋ  
yiyyeŋ,” inyiŋ.

<sup>20</sup> Gwaha inenbe tumŋaŋde komatmiŋ goyen,  
“Al hoyan kura hitte ne niŋ yeŋ, ‘Yeŋbe Mesaia,’  
ma yinnayiŋ,” yineŋ utaŋ yiryiŋ.

*Kamde kamde miŋ ge kawan tagalyiŋ  
(Mak 8:31–9:1; Luk 9:22–27)*

<sup>21</sup> Be, goyenter mat komat miŋ yago goyen kawan po, “Nebe Yerusalem kweŋ. Kumekeb Yuda marte doyaŋ mar parguwakya Al Kurunŋ doloŋ ird ird mata doyaŋ marte karkuwaŋyabe Moseyen saba marya beleŋ buluŋ buluŋ nirde mununke kameŋ. Goyenpoga kameŋ goyen yereŋkek hekeb huwareŋ,” yinyiŋ.

<sup>22</sup> Irkeb Pita beleŋ mere go nurdeb yeŋ muŋ po tapat irdeb inenŋ teŋbe, “Doyaŋ Al Kurunŋ, gwaha ma tiyayiŋ. Mata gobe ge hitte ma po forok yiyyen geb,” inyiŋ.

<sup>23</sup> Irkeb fulgaŋ kaŋ Pita keneŋbe, “Satan, hoyanŋ kwa! Gebe beleŋne pet teŋ ha geb. Dufay gobe Al Kurunyen moŋ, alyen dufay po geb,” inyiŋ.

<sup>24-25</sup> Gwaha teŋbe komat miŋ yago goyen gaha yinyiŋ: “Al kura gama nirde kanduk yenenŋ yiŋgeŋ ge kafura heŋ harhok nunyenŋ al gobe kame toneŋbe kanduk kinyenŋ. Munanŋ al kura ne gama nirde kamde kamde niŋ ma kafura heŋ kanduk kurunŋ teŋ uliŋ misiŋ kateŋ hiyenŋ al gobe toneŋbe igiŋ hiyenŋ. Niŋgeb al kura ne gama nire yeŋbe megen niŋ dufayya mataya harhok yunenŋ. Irdeb kanduk yenenŋ hiyenŋ gega, yiŋgeŋ ge ma nurde gama po nirde hiyenŋ.

<sup>26</sup> Al kura megen niŋ samunŋ budam yade deŋem yaŋ hiyyenŋ gega, al gobe Al Kurunŋ diliŋdeb kamtiŋ yara hiyyenŋ gobe daha tiyyenŋ? Gobe igiŋ moŋ, buluŋ wor po. Niŋgeb megen niŋ samunŋ kura teŋ gore Al Kurunyen bearar bana hiyenŋ al gob epte ma damu teŋ tumulgaŋ titek.

<sup>27</sup> Ne Al Urmiñ gab kamebe Nanne Al Kurunyen sañiñ turñuñ yañ goyen manañ kateñ. Goya goyenbe miyonmiñya kattek. Irdeb alya bereyat matamiñ dahade dahade goyen gote murungembe gwahade po yuneñ.

<sup>28</sup> Goyenpoga deñ gar hañ gayen kurabe ma kamdeya ne Al Urmiñ gare Al Kurunyen tarende alya bereyamiñ doyañ yirde heñ goyen kennayiñ. Mere gabe fudinde wor po dineñ hime,” yiniñ.

## 17

### *Yesu uliñ hoyañ hiriñ (Mak 9:2-13; Luk 9:28-36)*

<sup>1</sup> Be, naña fay 6 kamereb Yesu beleş Pita, Yemsyabe kuliñ Yonya po yade dugu kurunde kura gor hurkamiñ.

<sup>2</sup> Gor heñbe Yesu go mel gote diliñ mar po uliñ hoyañ hiriñ. Dinsokdebe naña timiytiñ yara hiriñ. Uliñ umña kerde hinhin go wor faykek wor po hiriñ.

<sup>3</sup> Gwaha tikeyab diliñ mar po Moseya Elaiaya forok yeñ Yesuya mere teñ hinhan.

<sup>4</sup> Irkeb Pita beleş Yesu goyen, “Doyañ Al Kurun, gar gabe neñ hitek gasuñ igiñ muñ wor po. Niñgeb ge beleş ok yekeb deñ al karwo hitek heñ heñ gasuñ kura yireñ. Kurabe ge niñ, kurabe Mose niñ, munañ kurabe Elaia niñ,” inyiñ.

<sup>5</sup> Mere gwaha teñ hikeyabe kigariñkiñ faykek wor po kura gore wañ aw yuryiñ. Irkeb al melak kura gagap bana goreb, “Al gabe Urne. Yeñbe bubulkuñne wor po, yeñ ge bener mat amañeñ

wor po nurde hime. Niñgeb yende mere po nurde gama irde hinayin,” yirin.

<sup>6</sup> Be, Yesuyen komatmin belen mere go nurdeb kafura wor po hen bin tadam mat megen katamin.

<sup>7</sup> Gega Yesu belen wan yanardeb, “Kafura hen ma, huwarnan!” yinyin.

<sup>8</sup> Gwaha yinke nankenenbe Yesu unkuren po hike kenamin. Al hoyanbe hubu.

<sup>9</sup> Be, dugure gor mat katen henyabe Yesu belen mel go saba yirde, “Hanƙa det kenhan gayen gake al hoyan kura momon ma yirnayin. Ne Al Urmin gayen kameñde mat sopte huwarmeke gab igin tagalnayin,” yinyin.

<sup>10</sup> Irkeb mel gore, “Danin geb Moseyen saba mar belen Elaia wa wake gab Mesaiabe kame wayyen yen hanyen?” yen gusunan iramin.

<sup>11</sup> Irkeb, “Elaia wa mehen hen det sope irke gab Mesaia wayyen yen hanyen gobe fudinde.

<sup>12</sup> Niñgeb Elaia be bikken wayun. Goyenpoga alya bereyabe kenen bebak ma tiyan. Irde yingende dufay po gama irde bulun bulun irde mayke kamun. Mel goreb yen iran gwahade goyen po ne Al Urmin gayen wor gwahade po nirnayin,” yinyin.

<sup>13</sup> Irke gab, “Yon Baptais nin dinen hi,” yen bebak tiyamin.

*Dirin unƙuram yan sope iryin  
(Mak 9:14-29; Luk 9:37-43a)*

<sup>14</sup> Be, mel go dugure mat katen al gabu kurun iraminde gor forok yekeb al kura gore Yesu hitte wan dilin mar dokolhon yugulun tenbe,

15 “Doyaň Al Kurun, urne bunineň irde faran ura. Bu toneň minyan geb, uliň misiň kurun kateň hiyen. Kurareb kak alare kateň hiyen. Kurareb fe alare kateň hiyen.

16 Komatge yago hitte tawayhem gega, sope ma irhan,” inyiň.

17 Irkeb, “Deň gayenter niň marbe dahade niňgeb Al Kurun niň dufaytiň mun kura saňiň ma irde han? Tonanđiň saňiň wor po, saba dirman dirmanenđ. Gayak ga ma denya hityen gega, hako po han. Dirin go tawanan,” yinyiň.

18 Irdeb dirin go ten wakeb unğura dirin bana hinhin go inen ten takira tike kat kuriň. Irkeb goyare po igin hiriň.

19 Be, go kamereb yen yunğuren po hen gab komatmiň belen, “Danin geb nenbe unğura go ma takira tihit?” inamiň.

20-21 Irkeb, “Deň unğura takira ma tahan gobe Al Kurun niň hekken nurde han gobe kurun mon. Niňgeb fudinde wor po dinhem. Al Kurun niň dufaytiň hek irde han goyen mastet he bilmiň dirnen mun gwahadebe megen gar det kura irnayeňbe meteneň ma diryen. Niňgeb dugu gayen ‘Gar mat siňgir ten iror kwa!’ inkeb gwahade po tiyyen,” yinyiň.\*

22 Be, Yesuya komatmiňya gabu henbe tumňan Galili nana bana kwamiň. Irdeb Yesu belen, “Ne Al Urmiň gabe mununtek al haniđe nernayiň.

---

\* **17:20-21:** Asan hoyandebe gahade hi: <sup>21</sup> *Goyenbe unğura gwahade goke dindiken binđe kutňa irde Al Kurun gusunan irde takira tike gabe kat kuyen.*

<sup>23</sup> Irke mununkeb kamenj gega, yerenkek hekeb Al Kurunj belenj sopte nisanj heke huwarenj,” yinyinj. Gwaha yinkeb komatminjbe kanduknenj wor po nuraminj.

*Al Kurunjen ya balem gote teks*

<sup>24</sup> Be, gwaha tenj kunj kunjbe Kapeneam taunde forok yaminj. Irkeb Al Kurunjen ya balem ninj tenj teks yad yad mar belenj Pita hitte wanjbe, “Tisage gayen Al Kurunjen ya balem ninj tenj teks kura yerde hiyen?” inaminj.

<sup>25</sup> Irkeb, “Gwaha,” yinyinj.

Be, gwaha yinenjbe Yesu hinhin ya go binjde hurkukeb goyare po Yesu belenj, “Saimon, megen ninj doyanj mar karkuwanj yuntek teks kurayen kurayen gobe ganunj mar belenj gab yerde hanjen? Urminj yago belenj yerde hanjen ma al hoyanj belenj yerde hanjen? Gebe dahade nurde ha?” inenj gusunanj iryinj.

<sup>26</sup> Irkeb Pita belenj wol henjbe, “Al hoyanj belenj yerde hanjen,” inyinj. Irkeb, “Gwaha, doyanj mar karkuwanj gote dirnenj wenjbe naninj yagonj teks ma yerde hanjen geb.

<sup>27</sup> Goyenpoga teks ma yertekeb dufayminj bulunjen henak geb fete kunj funal temeyayinj. Irde dapnja mehenjde wor po tawayinj gobe mohonj takila tenj teks yertek hora kura kenayinj. Hora go tukuñbe neya geyat teks kerayinj,” inyinj.

## 18

*Ganunjbe denjem kurunj wor po hiyyenj?  
(Mak 9:33-37; Luk 9:46-48)*

<sup>1</sup> Be, goya goyenbe komatmiñ hoyañ belen Yesu hitte wañbe, “Ganuñbe Al Kurun belen alya bereyamiñ doyañ yirde hire gor niñ deñem yañ wor po hiyyeñ?” yeñ gusuñañ iramiñ.

<sup>2</sup> Irkeb diriñ diriñ kura inke komatmiñ yago hinhande gor wañ huwaryiñ.

<sup>3</sup> Irkeb Yesu belen, “Fudinde wor po dinen hime. Diriñ gahade gayenbe yinğen al deñem yañ heñ heñ niñ ma nurde hanyen. Gwahade goyen po al kura yinğen al deñem yañ heñ heñ niñ ma nurde hañ marbe Al Kurun belen yende alya bereya doyañ yirde hi bana goñ igiñ hurkunayiñ.

<sup>4</sup> Niñgeb al kura diriñ gahade ga hinayiñ marbe Al Kurun diliñde deñem yañ wor po yeñ yinyeñ.

<sup>5</sup> Irde al kura deñem moñ diriñ gahade gayen ne niñ teñ gargar iryenbe ne gayen niryeñ.

<sup>6</sup> “Goyenbe al kura diriñ saniñ miñmoñ gahade gayen ne niñ dufaymiñ tareñ irtiñ goyen al kura belen mata bulun tike keneñ gama irde bulun tiyyeñbe mata bulun miñ uryeñ al gobe muruñgem bulun wor po tiyyeñ. Niñgeb al hoyañ gama ma irkeya mata bulun miñ uryeñ al gobe hora kurun kura teñ biñiñde feñ teñ makañ alare temeyke kamyen. Gogab gote muruñgem bulun wor po goyen ma tiyyeñ.

<sup>7</sup> “Mata bulun titek dufaybe al biñyañ hugiñen forok yeñ tunañ yurke kateñ hanyen. Niñgeb megen niñ mar dufay bulun go teñ hañ gobe Al Kurunyen bearar bana hañ geb goke bunineñ nurde hime. Dufay bulun gobe hugiñen al biñyañ forok yeñ hiyeñ gega, al kura dufay go gama irde mata tinayiñ mar gobe Al Kurunyen bearar bana

hinayin geb goke buninjen nurde yunen hime.

<sup>8</sup> Ningeb hange kura belej girke mata bulunde katayinbe hange go walde temeyayin. Monjo hange unkuwen gore girkeb ulge tumnan kak huginjen hitinde gor kutek goke tenbe hange gore bulunde gukutek go po walde temeyayin. Irdeb igin hange kurhan titmin manan gasun iginde kwayin. Irde kahanje wor gwaha girkeb go wor gwahade po irayin. Irdeb iginde kwayin.

<sup>9</sup> Irde delge kurhan belej girke mata bulunde katayinbe delge go marde temeyayin. Monjo delge unkuwen gore girkeb ulge tumnan kak alare kutek goke tenbe delge gore bulunde gukutek go po marde temeykeb igin delge kurhan titmin manan gasun iginde kwayin,” yinyin.

*Sipsip duwi hitin gote maya mere*  
(Luk 15:3-7)

<sup>10-11</sup> Irde sopte po gaha yinyin: “Be, al kura denem mon dirin gahade gayenbe Al Kurunyen miyon belej doyan yirde han. Irde miyon gobe Al Kurun sanin minyan gote dilin mar huginjen hanjen. Ningeb al gahade goyen denem mon yen ingogaha ma yirde hinayin.\*

<sup>12</sup> Be, ga nurnan! Al kura sipsipmin 100 hinayin. Irke unkuwen kura kadom yubul ten hoyande kuyen. Irkeb gonmin yen tubul tiyyen? Mon! Sipsipmin 99 go yukun dondonde kura gor yubul tenbe kun nanकिनyen.

---

\* **18:10-11:** Asan hoyandebe gahade hi: <sup>11</sup> *Ne Al Urmin gabe alya bereya Al Kurunyen dirnen wen gega, mere ma nurde duwi hitnen tiyan goyen yumulgan tiye yen wamin.*



<sup>13</sup> Fudinde wor po dinen hime. Unkuren mun goke nankenen kun kun kenen tenbe aman wor po hiyyen. Munan 99 goke gwahade wor po ma nuryen.

<sup>14</sup> Gwahade goyen po, Nanti Al Kurun sanin minyan al gobe al kura dirin gahade gayen unkenen kura Al Kurun tubul ten kanduk bana kun kun gokebigin ma nurde hi,” yinyin.

*Kadge kura bulun girkeb daha tiyayin?*

<sup>15</sup> Irde sopte po, “Be, kadge kura bulun bulun girkeb kun yen po hikeya gabe mata bulunmin goke momon irayin. Irke mere go nuryenbe al gob sopte kadge Al Kurun urmin gigen yara hiyyen.

<sup>16</sup> Goyenbe merege ma nurke kenem al hoyan unkenen ma iraw gwahade yade ga kwayin. Gogab al irawa ma karwo gore merege goyen tunnan fudinde yenayin.

<sup>17</sup> Al hoyan yukayin gote mere wor ma nurke kenenbe mata bulunmin goyen Al Kurunyen dirnen wen hoyan goyen momon yirayin. Yende mere wor ma po nurkeb al gobe Al Kurunyen dirin mon, mata bulun al yen kenen hinayin.

<sup>18</sup> Fudinde wor po dinen hime. Al Kurunyen alya bereya doyan yird yird sanin goyen den dunen. Ningeb den belenigin yenayinbe Al Kurun worigin yiyyen. Irde den belen bulun yenayinbe Al Kurun wor bulun yiyyen.

<sup>19</sup> Sopte dinen hime. Der al iraw kura megen gar henya det kuran nurde dufaytirin unkenen po irde Nanne Al Kurun taren minyan al goyen gusunan iriryenbe yen belen epte irde dunyen.

<sup>20</sup> Gwahade niṅgeb al irawa ma karwo gwahade kura, ‘Neṅbe Yesuyen alya bereya,’ yeṅ waṅ gabu irnayeṅbe ne manayeṅ waṅ yeṅya hitek,” yinyiṅ.

*Metey al bunineṅ miṅmonyeṅ maya mere*

<sup>21</sup> Be, gwaha yinkeb Pita beleṅ waṅbe, “Doyaye Al Kurun, kadne kura beleṅ bulun nirkeb wawun dahadere mata bulunmiṅ go halde uney? Wawun 7 ma dahade?” yeṅ gusunayeṅ iriyiṅ.

<sup>22</sup> Irkeb, “Wawun 7 po moṅ. Bulun girde hikeb hugineṅ halde po uney hayiṅ,” ineybe

<sup>23</sup> mata goke maya mere mat gaha yiriṅ: “Niṅgeb Al Kurun beleṅ yende alya bereya doyan yirde hi bana goṅ niṅ matabe gahade: doyan al kura beleṅ metey marmin horamin yawaramin go wol henayeṅ yinyiṅ.

<sup>24</sup> Irkeb al kura doyan almiṅ hitte hora kurun wor po tirin al goyen doyan almiṅ hitte tawayamiṅ.

<sup>25</sup> Gega al gobe hora kurun go epte ma wol hetek hiriṅ geb, doyan almiṅ gore, ‘Al gote bere-mya diriṅmiṅ wenya detmiṅya goyen tumṅayeṅ yukun al hoyayeṅ yunke damu tinaṅ. Irkeb hora gobe ne tewey,’ yiriṅ.

<sup>26</sup> Irkeb metey al go diliṅ mar gor po dokolhon yugulun tenbe, ‘Bemel nirde ma. Horage kurun gobe wol heṅ guney geb,’ iney esey mere iriyiṅ.

<sup>27</sup> Irkeb bunineṅ keneṅbe, ‘Hora go wol heṅ heṅ ge ma nurayiṅ,’ iney tubul tike kuriṅ.

<sup>28</sup> Goyenbe kun metey al kadom hora diriṅmiṅ kura unke ma wol hitiṅ al goyen kinyiṅ. Irde hapekde tenbe, ‘Araṅeṅ horane wol hawa!’ inyiṅ.

<sup>29</sup> Irkeb kadam go kimiñ mar dokolhoñ yuguluñ teñbe, ‘Bemel nirde ma yo. Horage wol heñ guney geb,’ inyiñ.

<sup>30</sup> Goyenbe al go bunineñ ma irde kadam go tagal unenbe, ‘Horane wol heke gab teñ siña irnayiñ,’ yinke tukuñ koyare keramiñ.

<sup>31</sup> “Be, metenñ mar kadam belenñ mata go kenenbe biñ ar yamiñ. Irdeb kuñ doyañ almiñ go mata kurunñ al gore tiyyiñ goyen momoñ iramiñ.

<sup>32</sup> Irkeb doyañ al belenñ metenñ almiñ go hoy irke wakeb, ‘Geb metenñ al buluñ. Horane epte ma wol hetek geb, esenñ mere nirkeb bunineñ girde goñmiñ ginmiñ.

<sup>33</sup> Ne belenñ bunineñ girde kandukge kurunñ go pasi irde gunmiñ gwahade goyen po, ge belenñ wor daniñ geb kadge gwaha ma irañ?’ inyiñ.

<sup>34</sup> Doyañ al go biñ ar wor po yekeb, ‘Al go koyare kernañ!’ yinyiñ. Irdeb, ‘Horane tumñañ wol heke gab tubul tike kuyenñ,’ yinyiñ.

<sup>35</sup> Nanne Al Kurunñ sañiñ miñyañ gore deñ wor mata gwahade goyen po diryenñ. Niñgeb kadtiñ yago buluñ dirnayiñ goyen bitiñde mat wor po halde yunenñ hinayiñ. Mali hende hendem ma tinayiñ,” yinyiñ.

## 19

*Al belenñ bere yakira teñ teñ mata  
(Mak 10:1-12)*

<sup>1</sup> Be, Yesu go mere gwahade mat al saba yirdeb Galili naña tubul teñ Yodan fe gama irde Yudia nañare kuriñ.

<sup>2</sup> Kuñ hikeb al budam gama irde kuñ hinhan. Irke al garbam minyanbe sope yirke igin heñ hinhan.

<sup>3</sup> Gwaha teñ hikeyabe Farisi mar kura beleş tuñan urnin yeñ wanbe, “Al kura miñ goke kuram moñ berem takira tiyyen gobe Moseyen sabarebe igin yitiñ we?” inamiñ.

<sup>4</sup> Irkeb wol heñbe, “Hañkapyä wor po tikula kerdyabe Al Kurun beleş al irde, bere irde iryin goyen Al Kurunyen asande katin hi gobe ma kapyan heñ hanyen?”

<sup>5</sup> Al Kurun beleş gwaha yiryin geb, goke tenbe albe naninya miliña yubul teñ kuñ beremya gabu hiriryen. Irke al beleş yenenmin iraw goyen Al Kurun dilindebe unkuřen po yinyen.

<sup>6</sup> Ningeb irem gobe hoyan hoyan ma hiriryen. Unkuřen po hiriryen. Gwahade geb Al Kurun beleş alya bereya yade gabu yiryen gobe al beleş epte ma bur yirnayin,” yinyin.

<sup>7</sup> Irkeb mel goreb, “Gwahade kenem daniñ geb Mose beleş igin bere takira teñ teñ asan kan unenbe takira tiyayin yirin hi?” yeñ gusunan iramiñ.

<sup>8</sup> Irkeb wol heñbe, “Denbe tonanñin sanin wor po, mere ma nurtek goke tenbe Mose beleş gwaha dinyin. Goyenbe hañkapyä wor po minde matbe gwahade moñ.

<sup>9</sup> Ningeb al kura berem al hoyanya ma duwan teñ hikeya takira teñ bere hoyan tiyyenbe Al Kurun dilinde mata bulun tiya yeñ kinyen,” yinyin.

<sup>10</sup> Irkeb komatmin beleş, “Be, gwahade kenem bere ma teñ dulin heñ heñ gobe igin,” yamiñ.

11 Gwaha yekeb, “Al berem moŋ duliŋ hitek yahaŋ gobe al tumŋaŋ gwahade hitek moŋ. Al yuŋkureŋ igiŋ gwahade po hinayiŋ yeŋ yirtiŋ mar gore po gab gwahade hinayiŋ.

12 Al kurabe bere niŋ ma wor po nurde haŋyen. Goyen mar gobe kurab gwahade po kawaŋ hitiŋ. Munan kurabe al beleŋ po miŋ minyaŋ gwahade yirtiŋ. Munan kura marbe Al Kurun beleŋ yende alya bereya doyaŋ yirde hi gote meten po ten hiniŋ yeŋ bere ma yade haŋyen. Niŋgeb al gwaha titek mar po gab igiŋ gwaha ten hinayiŋ,” yinyiŋ.

*Diriŋ mukŋenya Yesuya*

*(Mak 10:13-16; Luk 18:15-17)*

13 Be, diriŋ mukŋen go Yesu beleŋ haniŋ yerde Al Kurun gusaŋaŋ irke guram yirde saŋiŋ yiri yeŋ naniŋya miliŋya beleŋ yawayamiŋ. Irkeb komatmiŋ yago beleŋ yinen ten utaŋ yiramiŋ.

14 Goyenbe Yesu beleŋbe, “Utaŋ yirde ma. Diriŋ mukŋen go yubul tike ne hitte yawanaŋ. Al kura Al Kurunya al hewe yeŋbe diriŋ beleŋ naniŋya miliŋya hitte kuŋ kuŋ niŋ kama ma heŋ haŋyen go gwahade hiyyen gab Al Kurun beleŋ yende alya bereya doyaŋ yird yird gobe yende hiyyen,” yinyiŋ.

15 Gwaha yinenbe diriŋ mukŋen go guram yirde yubul tenbe hoyande kuriŋ.

*Al samunmiŋ budam*

*(Mak 10:17-31; Luk 18:18-30)*

16 Be, goŋ hikeb al kura gore Yesu hitte waŋbe, “Tisa, da mata igiŋ ten gab Al Kurunya hugiŋen hireŋ?” inen gusaŋaŋ iryiŋ.

17 Irkeb, “Daniḡ geb det igiḡ niḡ gusuḡaḡ niḡde ha? Al Kuruḡ unḡkureḡ po ga al igiḡ geb. Yenya hugiḡeḡ heḡ heḡ niḡ nurde ha kenem Moseyen saba goyen gama irde hayiḡ,” inyiḡ.

18 Irkeb al gore, “Saba damiḡ damiḡ niḡ yeḡ ha?” inyiḡ. Irkeb, “Al ma gasa yirke kamnayiḡ, al berem yaḡbe bere hoyaḡ duwan ma irde hiyeḡ, kawe ma tiyayiḡ, merere huwarde usi mat ma mere tiyayiḡ.

19 Irde momkeya nanakeya palap yirde meremiḡ nurde hayiḡ. Irde gigeḡ ge amaḡeḡ nurde hayen gwahade goyen po kadge hoyaḡ niḡ wor amaḡeḡ nurde hayiḡ,” inyiḡ.

20 Irkeb al gore, “Go ninha gobe tumḡaḡde nurde gama irde himyen. Da mata wor po soḡ heḡ himyen geb, goyen tiyayiḡ yeḡ nineḡ ha?” yeḡ gusuḡaḡ iryiḡ.

21 Irkeb, “Al Kuruḡ diliḡde al huwak wor po hewe yeḡbe kuḡ samuḡge kuruḡ goyen al yunke damu tikeb hora go yade yukuḡ al det niḡ amu heḡ haḡ mar goyen yunayiḡ. Irkeb Al Kuruḡ belen nere hihi yeḡ genke gab waḡ gama ni-rayiḡ,” inyiḡ.

22 Irkeb al foḡeḡ gobe samuḡya detmiḡya budam wor po geb, Yesuyen mere nurdeb biḡde kandukḡeḡ wor po nurdeya kuriḡ.

23 Gwaha tikeb komatmiḡ yago goyen, “Fudiḡde wor po diḡeḡ hime. Al samuḡmiḡ budam wor pobe Al Kuruḡ belen yende alya bereya doyaḡ yirde hi bana goḡ hurkuḡ hurkuḡ gobe meteneḡ wor po geb.

24 Dapḡa kuruḡ kamelbe det haraḡ heḡ heḡ ku-

tum yamen dirneḡ muḡ wor po goyen bana epte ma hurkuyen. Gwahade goyen po, al samuḡmiḡ budam wor Al Kuruḡ beḡ alya bereyamiḡ doyaḡ yirde hi bana goḡ epte ma hurkunayiḡ. Niḡgeb det irawa goyen tumḡaḡde meteneḡ. Goyenbe damiḡbe meteneḡ wor po yeḡ nurde haḡ? Al samuḡmiḡ budam gobe meteneḡ wor po geb,” yiniḡ.

<sup>25</sup> Irkeb komatmiḡ yago beḡ mere go kukuwamḡeḡ wor po nurdeb, “Niḡgeb ganuḡ mar po gab Al Kuruḡ beḡ yawaryeḡ?” inamiḡ.

<sup>26</sup> Irkeb mel go yeneḡbe, “Mata gobe alyen tareḡdebe epte moḡ. Goyenpoga Al Kuruḡyen tareḡdebe det kura meteneḡ miḡmoḡ,” yiniḡ.

<sup>27</sup> Irkeb Pita beḡ, “Be, neḡbe detniniḡ tumḡaḡ yubul teḡ gama girtiḡ. Niḡgeb kamebe da yawartek?” iniḡ.

<sup>28</sup> Irkeb gaha yiniḡ: “Fudinde wor po dinen hime. Nalu funaḡde Al Kuruḡ beḡ megeḡya naḡkiḡya gergeḡ yiryen nature goyenter ne Al Urmiḡ gabe saḡiḡne turḡuḡ yaḡya maroro gasuḡner keperde alya bereyane doyaḡ yireḡ. Irde deḡ 12 gama nirde haḡ mar gayen manan maroro gasuḡtiḡyaḡ keperde nere alya bereya tumḡaḡ, al miḡ 12 Israel yinen hinayiḡ goyen doyaḡ yir-nayiḡ.

<sup>29</sup> Irde al kura nere alya bereya niḡ teḡ yamiḡ, haymiḡ, babam, itiḡ, kuliḡ, naniḡ, miliḡ, diriḡmiḡmiḡyabe meteneḡmiḡya yubul tinayiḡbe gote muruḡgembe budam wor po yawarnayiḡ. Irde Al Kuruḡya hugiḡeḡ heḡ heḡ goyen manan yende hiyyeḡ.

<sup>30</sup> Goyenpoga al kura yinḡen ḡe yeḡ, ‘Nebe gwaha gwaha timiḡ geb, gote muruḡgem kuruḡ al hoyande gote folek wor po tewen,’ yiyyen al gobe dirḡen muḡ tiyyen. Munan al kura nebe hako hime yeḡ nurde hiyeḡ al gobe muruḡgem kuruḡ wor po al hoyande gote folek tiyyen. Niḡgeb al meheḡde hiyeḡ al gobe kame hiyeḡ. Munan kame hiyeḡ al gobe meheḡde hiyeḡ,” yinyiḡ.

## 20

### *Wain metenḡ marte siraw mere*

<sup>1</sup> Be, meremiḡ goke tenḡbe siraw mere matbe gaha yinyiḡ: “Al Kuruḡ belenḡ alya bereya doyanḡ yird yird mata kurabe gahade: al denḡem yanḡ kura wain metenḡner al yawarmeke wanḡ metenḡ tinaḡ yeḡbe wampot muḡ po kuriḡ.

<sup>2</sup> Kuḡbe, ‘Haḡka nanḡkahal metenḡ tinayinḡbe denari\* unḡkurenḡ unḡkurenḡ duneḡ,’ yinyiḡ. Irkeb igiḡ yeḡ nurdeb metenḡde kwamiḡ.

<sup>3</sup> Be, kuḡ 9 kilok nanḡ gwahade hekeb wain metenḡ miḡ al go gabu irde hanḡyen gasuḡde gor kuḡ al hoyanḡ duliḡ metenḡ miḡmoḡ hinhan goyen yinyiḡ.

<sup>4</sup> Irdeb, ‘Denḡ wor kuḡ metenḡner metenḡ tinaḡ. Irkeb hora gwahade igiḡ duneḡ yeḡ nurde hime goyen duneḡ,’ yinyiḡ.

<sup>5</sup> Irkeb kwamiḡ. Al go sopte po nanḡ baḡkahalya 3 kilok wawuḡbanaya wor kuḡ metenḡ mar yad yerke metenḡmiḡde kuḡ metenḡ tiyamiḡ.

---

\* **20:2:** Denari: Al belenḡ wampot mat metenḡ tenḡbe wawuḡbana nanḡ sul yeke bada heḡbe gote hora tiyyenḡbe denari unḡkurenḡ tiyyenḡ.



<sup>6</sup> Be, 5 kilok wawunbana wor po kuṅbe al hoyan kura meten miṅmon dulin hike yinyin. Irdeb, ‘Danin dulin meten miṅmon wor po hike naṅa hubu hewen tiya?’ yinyin.

<sup>7</sup> Irkeb, ‘Mon, al kura beṅ meten kura ma dunkeb gago dulin hite,’ inamin. Irkeb, ‘Deṅ manan kuṅ wain metenṅer meten tinaṅ,’ yinyin.

<sup>8</sup> “Be, ṅumtuk urkeb meten miṅ al goreb metenmin doyan ird ird al goyen gaha inyin. ‘Meten tahaṅ mar goyen hoy yirde murungem yunayin. Funan wor po waṅ meten tahaṅ mar go wa damu yirayin. Irde kuṅ kuṅ funanbe wampot muṅ yeṅ wa wayhan mar goyen damu yirayin,’ inyin.

<sup>9</sup> Funan wor po wayamin mar gobe denari unṅkuren unṅkuren yawaramin.

<sup>10</sup> Niṅgeb go yenenbe wampot mat meten tiyamin mar gobe hora hende wor po tinin tihit yeṅ nuramin. Gega yeṅ manan denari yunṅkurenṅen po yawaramin.

<sup>11</sup> Horamin go yadeb meten miṅ al goke igin ma po nurde biṅ ar yamin.

<sup>12</sup> Irde, ‘Al gayamuṅ ga waṅ metenṅe tahaṅbe neṅ hora tihit gahade po tahaṅ. Neṅbe wampot mat naṅa misin ma yeṅ meten kurun wor po tihit,’ inamin.

<sup>13</sup> Gega meten miṅ al gore huwarde kuramin kura goyen, ‘Kadne, al hoyan po igin yirde, deṅbe bulun ma dirhem. Deṅbe igin denari unṅkuren goke meten titek ma yahan?’

<sup>14</sup> Dufaynerbe al kamere meten teṅ nunhanya denyabe murungem tuṅande dunen yeṅ nurhem.

Niṅgeb horatiṅ yade kunaṅ.

<sup>15</sup> Horabe nigen geb daha wet kura ire yeṅbe gwahade po ireṅ. Gega daniṅ geb al bunineṅ yirde faraṅ yurhem goke igiṅ ma nurhaṅ?’ yiniṅ.

<sup>16</sup> Al Kurunṅ belenṅ yende alya bereya doyaṅ yird yird matabe gwahade geb, al kame hiyeṅ al gobe meheṅde hiyeṅ. Munanṅ meheṅde hiyeṅ al gobe kame hiyeṅ,” yiniṅ.

*Yesu belenṅ kamde kamdemiṅ ge sopte tagalyiṅ  
(Mak 10:32-34; Luk 18:31-34)*

<sup>17</sup> Be, Yesu go Yerusalem kuṅ henyaṅbe komatiniṅ 12 goyen po yapat yiriṅ.

<sup>18</sup> Irdeb, “Neṅbe Yerusalem kuṅ hite gago. Irde ne Al Urmiṅ gayen al kura belenṅ tagal nunkeb Al Kurunṅ doloṅ ird ird mata doyaṅ marte karkuwanya Moseyen saba marya belenṅ nade fere nirnayaṅ.

<sup>19</sup> Yeṅ belenṅ mayke kami yeṅbe al miṅ hoyan Yuda mar moṅ hitte nad nerke kweṅ. Irkeb yeṅ belenṅbe giwgiw nirde nusulak teṅbe kuruse hende mununke kameṅ. Gega kameṅde mat kuṅ yereṅkek hekeb sopte huwareṅ,” yiniṅ.

*Sebedi beremde gusuṅaṅ  
(Mak 10:35-45)*

<sup>20</sup> Be, Sebedi berembe urmiṅ waraṅ yade Yesu hitte wayamiṅ. Waṅbe dokolhoṅ yuguluṅ teṅbe gwaha nirwoṅ yeṅ Yesu gusuṅaṅ iryiṅ.

<sup>21</sup> Irkeb, “Daniṅ wor po nurde ha?” iniṅ. Irkeb bere gore, “Igiṅ yeṅ keneṅbe ge belenṅ alya bereya doyaṅ yirde hayiṅde gorbe urne waraṅ

gayen ketalger heŋ tumŋaŋde al doyaŋ yirde hinayaŋ,” yiriŋ.

<sup>22</sup> Irkeb Yesu beleŋ, “Miŋ gwahade niŋ gusuŋaŋ hihit yeŋ nurdeya ma gusuŋaŋ hahaŋ geb. Kanduk kuruŋ teweŋ teŋ hime gayen epte tenayaŋ?” yinyiŋ. Irkeb, “Epte tetek,” inamiŋ.

<sup>23</sup> Irkeb Yesu beleŋ, “Fudinde kandukbe tiriryen gega, neya heŋ al doyaŋ yird yird niŋ gusuŋaŋ nirhaŋ gobe ne beleŋ igiŋ ma buluŋ ma diŋeŋ. Ne ketalner kurhan kurhan heŋ deŋem yaŋ heŋ heŋ gobe Nanne beleŋ hakot al basiŋa yirtiŋ haŋ gore yawarnayaŋ,” yinyiŋ.

<sup>24</sup> Be, komatmiŋ hoyaŋ 10 gore mere go nurdeb ire itiŋya goke biŋ ar yamiŋ.

<sup>25</sup> Irkeb Yesu beleŋ tumŋaŋ hoy yirdeb gaha yinyiŋ: “Megen niŋ doyaŋ mar karkuwaŋbe al kafura yirkeb yeŋ yufukde po haŋyen. Irde yende meteŋ marmiŋ manaŋ deŋniniŋ yaŋ hihit yeŋ nurdeya al kanduk yuneŋ haŋyen.

<sup>26</sup> Gega deŋbe gwahade moŋ. Al kura deŋ kahal bana gayen al kuruŋ hewe yeŋ nuryeŋ gobe yiŋgeŋ ge ma nurde dende meteŋ al po hiyyeŋ.

<sup>27</sup> Niŋgeb deŋ bana al kura doyaŋ al hewe yeŋbe yiŋgeŋ ge ma nuryeŋ. Irde deŋ ge po dufay heŋ dende meteŋ al po hiyyeŋ.

<sup>28</sup> Gwahade niŋgeb, ne Al Urmiŋ gayen wor al beleŋ igiŋ igiŋ nirnaŋ yeŋ ma katmiriŋ. Ne beleŋ po al igiŋ yire yeŋ katmiriŋ. Irdeb alya bereya budam gote mata buluŋmiŋ gote muruŋgem yiŋgeŋ yawartek goyen ne beleŋ yawareŋ goke teŋ darine wok irde kamen yeŋ katmiriŋ,” yinyiŋ.

*Al irawa diliŋ titmiŋ naŋkenaryum  
(Mak 10:46-52; Luk 18:35-43)*

<sup>29</sup> Be, Yesuya komatmiŋya goya Yeriko taun tubul teŋ kuŋ hikeyabe al buda kurunŋ gama irde kuŋ hinhan.

<sup>30</sup> Goya goyenbe al irawa diliŋ titmiŋ kura belen sinjare keperde hinaryum. Irde Yesu gago waŋ kuŋ hi yinke nurdeb, “Doyaŋ Al Kurunŋ, Dewit Urmiŋ, bunineŋ nurd duneŋ faraŋ dura be!” yeŋ hokde po gwaha inaryum.

<sup>31</sup> Irkeb al buda gore nurde yineŋ teŋbe, “Balmiŋ hiri!” yinamiŋ gega, ug po, “Doyaŋ Al Kurunŋ, Dewit Urmiŋ, bunineŋ nurd duneŋ faraŋ dura be!” inaryum.

<sup>32</sup> Irkeb Yesu go tek yeŋ huwarde hoy yirdeb, “Daha dirwoŋ yeŋ nurde har?” yinyiŋ.

<sup>33</sup> “Doyaŋ Al Kurunŋ, naŋkenyewoŋ yeŋ nurde har.” inaryum.

<sup>34</sup> Be, Yesu gob bunineŋ wor po yeneŋbe diliŋyaŋ sisanŋ yurkeb goyare po naŋkeneŋ gama irde yeŋ kuŋ hinhin belenŋ goŋ kwaryum.

## 21

*Yesu Al Kurunyen ya balem bana hurkurinŋ  
(Mak 11:1-11; Luk 19:28-40; Yon 12:12-19)*

<sup>1</sup> Be, Yesuya komatmiŋya go Yerusalem binde binde hamiŋ. Tiyuŋ kura deŋem Betfage gobe Olip dugu dabayiŋ belenŋ hinhin. Be, Yesube gor forok yeŋbe komatmiŋ irawa kura hulyaŋ yirdeb,

<sup>2</sup> “Kuri. Kuŋ tiyuŋ iroyenter forok yeŋbe donki al diriŋ foŋeŋ kura gor miliŋya yeŋ titiŋ yeneŋbe yugu teŋ yade wayiryenŋ.

<sup>3</sup> Al kura belen goke daha wet kura dinkeb, ‘Doyan Al Kurun belen goke yihi,’ inkeb yubul ten dunkeb yade wayiryen,” yinyin.

<sup>4</sup> Yesu go tiyyin gobe bikken Al Kurunyen mere basan hen hen al belen yirin goyen fudinde forok yen yen ge tiyyin. Merebe gahade:

<sup>5</sup> “Yerusalem\* nin mar goyen gaha yinna.

‘Doyan Al Kuruntin den hitte wan hi.

Al gobe yingen ge turun turun ma ten hi.

Ningeb al gobe donki hende wan hi.

Donki gobe fonen,’ yinnayin,” yitin hi.

*Aisaia 62:11; Sekaraia 9:9*

<sup>6</sup> Be, Yesu komatmin go kunbe yinyin gwahade po tiyaryum.

<sup>7</sup> Donki fonenya milinya go yawakeb komatmin belen ulinhormin yugu ten go hende ugamkeb hurkun kipiryin.

<sup>8</sup> Al budam Doyan Al Kuruninin waya yen ulinhormin yugu ten belen yan ugamamin. Kurabe patila hanin yufun tiyamin goyen belenyan sar irde tukamin.

<sup>9</sup> Al kurabe mehen hekeb kurabe kame hamin. Irdeb tumnan ala turun iramin.

“Dewit Urmin turun irnin ko.”

“Doyan Al Kurunyen denemde wan hi gobe Al Kurun belen guram irde sanin iryen!” *Tikin*

*118:25-26*

“Al Kurun turun irnin ko.”

<sup>10</sup> Be, Yesu go kun Yerusalem forok yekeb taunde gor nin mar gob tumnan hurkun kat wor po tenbe, “Al gab ganun?” yamin.

---

\* **21:5:** Denjem hoyanbe Saion.

<sup>11</sup> Irkeb al buda goreb, “Al gabe Yesu Al Kurunyen mere basan al. Yenbe Galili nanja bana gon nin tiyun Nasaret nin al,” yinamin.

*Yesu belen Al Kurunyen ya balem haran hirin  
(Mak 11:15-19; Luk 19:45-48; Yon 2:13-22)*

<sup>12</sup> Be, Yesu go Al Kurunyen ya balem koya belen po milgu irtin bana gon gabu gasun kurunde hurkunbe al buda gor det damu ten hinhan go kwep kwep yirde yakira tiyyin. Irde hora kapyan hen hen mar belen hora yirtin gasunya damure nin kalyingi yawan yerdeb keperde hanyen gasunya goyen yade yabolon ten yunin.†

<sup>13</sup> irdeb, “Al Kurunyen mere asande katinbe gahade: ‘Ya gabe ne mere nird nird gasun. Gar wan gabu irde mere nird nird ya hiyyen,’ gwahade yitin hi. Goyenbe den belenbe ten ‘kawe marte gasun’ irde han,” yinyin.

<sup>14</sup> Be, Yesu go ya balem bana gon po hikeya al dilin titminya kahan simsimanya goyen yen hitte wake sope yirin.

<sup>15</sup> Irkeb dirinbe bana gon, “Dewit Urmin turun irnin ko!” yen hewhow ten hinhan. Irkeb Al Kurun dolon ird ird mata doyan mar pris buda gote karkuwanminya Moseyen saba maryabe Yesu belen mata tinen forok yirin goyen kenamin, irde dirin belen Yesu goyen Dewit Urmin yen turun iramin goyen nurdeb bin ar wor po yamin.

---

† **21:12:** Hora kapyan hen hen marbe Roma gabmanyen horaya Yuda marte hora goyen al belen yen yunke Al Kurunyen ya balemde nin hora ten wolminen al go yunke gab Al Kurun galak irnin yen ya bana gon yerde hanyen.

16 Irdeb waɗ Yesu gusunaɗ iramiɗ. “Gebe diriɗ mere teɗ haɗ gayen nurde ha?” inkeɓ wol heɗbe, “Gwaha, nurde hime. Deɗbe diriɗ beɗeɗ mata teɗ haɗ goke Al Kurunyen asanɗeɓ, ‘Diriɗ kahaɗyaɗ hitiɗya diriɗ mamure niɗya beɗeɗ turuɗ nird nird niɗ gitik yirtiɗ,’ yitiɗ gobe kapyan ma heɗ haɗyaɗen?” yiniɗ.

17 Gwaha yineɗbe yubul teɗ Betani taunde kuɗ go wawuɗ gobe gor hinhin.

*Yesu beɗeɗ fik he karan uryiɗ  
(Mak 11:12-14,20-24)*

18 Be, fay urkeɓ wampot muɗ Yesu go mulgaɗ heɗ Yerusalem kuɗ heɗyaɓe beɗeɗ biɗge iryiɗ.

19 Irkeɓ fik he yuwaɗheɗ digula urtiɗ goyen beɗeɗ siɗare hike keneɗbe igineɗ miɗyaɗ daw yeɗ kuɗ kinyiɗ. Kuɗ miɗde mat kinyiɗbe igineɗ miɗmoɗ, yuwaɗheɗ beɗeɗ po aw urtiɗ. Gwahade keneɗbe Yesu beɗeɗ he goyen, “Teɓaɗ igineɗ ma hawayiɗ,” ineɗ karan uryiɗ. Irkeɓ goyaɗe po gwilgwal iryiɗ.

20 Be, Yesuyen komatmiɗ go fik he goyen goyaɗe po kamtiɗ heke keneɗbe diliɗ fot yamiɗ. Irdeb, “Dahade geb he gob bemel po gwilgwal ira?” yamiɗ.

21 Irkeɓ Yesu beɗeɗ wol heɗbe, “Fudinde wor po diniɗ hime. Al Kurun niɗ hekkeɗ nurde dufay irawam ma irnayeɗbe ne beɗeɗ fik he irhem gwahade igiɗ tinayiɗ. Irdeb dugu wor, ‘Kuɗ makaɗ alare kurka,’ inkeɓ gwaha po tiyyeɗ.

22 Al Kurun niɗ hekkeɗ nurde det kuran gusunaɗ irkeɓ tumɗaɗ dunyeɗ,” yiniɗ.

*Yesu tareɗminj ge gusuɗaɗ iraminj  
(Mak 11:27-33; Luk 20:1-8)*

<sup>23</sup> Be, Yesu go Al Kurunyen ya balem koya beɓeɗ po milgu irtin bana sawsawa al gabu irde haɗyende gor hurkuɗ al saba yirde hinhin. Irkeb pris buda gote karkuwanminya Yuda marte doyaɗ mar parguwakya beɓeɗ Yesu hitte waɗbe, “Mata teɗ ha kurun gayenbe da tarende teɗ ha? Ganun beɓeɗ igin gwaha teɗ hayin ginun?” inaminj.

<sup>24</sup> Irkeb, “Ne wor gusuɗaɗ kura direɗ tihim gayen wol henayin. Irke gab nebe goyen saɗinde teɗ hime yeɗ momon direɗ,” yinenbe gaha yinyin.

<sup>25</sup> “Yon Baptais beɓeɗ al baptais yirde hinhin gobe Al Kurunyen tarende ma alyen tarende? Momon nirnan,” yinyin. Irkeb mel goyen yinɗen ulin mere sege irdeb, “Daha intek? Al Kurunyen saɗinde intek gob, ‘Munaɗ daniɗ sabaminbe fudinde yeɗ gama ma irde hinhan?’ dinyen.

<sup>26</sup> Munaɗ alyen saɗinde yetek gob al buda kurun gabe Yon Baptaisbe Al Kurunyen mere basan al yeɗ nurde han geb, bin ar yeke mudunnayin,” yaminj.

<sup>27</sup> Irdeb mel goreb, “Go ma nurde hite,” inaminj. Irkeb Yesu beɓeɗbe, “Ne wor al gore ok ninke teɗ hime ma dinen,” yinyin.

*Al kurat urminj waraɗ gote maya mere*

<sup>28</sup> Irdeb Yesu beɓeɗbe, “Ga dinen tihim gayen dahade nurnayin goyen tagalke nuren. Be, al kura urminj irawam yan hinhin. Kurarebe urminj



kurun hitte kunbe gaha inyin. ‘Eke, hanƙabe kun wain metenƙe meten tiyayin,’ inyin.

<sup>29</sup> Irkeb urmin kurun goreb, ‘Badne,’ inyin. Goyenbe kamebe dufaymin mulgan hekeb kun meten tiyyin.

<sup>30</sup> Be, al gob urmin dirnen hitte wor kunbe urmin kurun inyin gwahade po inyin. Irkeb urmin dirnen goreb, ‘Be, doyan al, gwaha tiyen geb,’ inyin. Goyenbe kun meten ma tiyyin.

<sup>31-32</sup> Niŋgeb dirin daminbe naniƙe mere nurde gama iryin?” yinyin. Irkeb mel gore wol henbe, “Urmin kurun gore,” inamin. Irkeb Yesu belen wol henbe, “Denbe Yon Baptais belen wan Al Kurun dilinƙe huwak hen hen nin yekeb meremin ma nuran. Irde matamin goyen yenan gega, meremin fudinƙe yen ma nurdeb Al Kurun nin bitin mulgan ma hiyun. Goyenbe teks yad yad marya bere belen niŋyabe fudinƙe yen nuran. Niŋgeb fudinƙe wor po dinhem. Teks yad yad marya bere belen niŋyabe den fole dirde yen wa Al Kurun belen alya bereyamin doyan yirde hi bana goŋ hurkunayin,” yinyin.

*Wain meten doyan irde hinhan mar gote maya mere*

*(Mak 12:1-12; Luk 20:9-19)*

<sup>33</sup> Irdeb Yesu gobe teban gaha yinyin: “Maya mere hoyan ga nurnan. Al kura wain meten harde koya kerde milgu irdeb wain fimin gilyan hen hen nin mete talde det gitik yiryin. Irdeb ya kawan kura al gor hen wain meten go doyan ird ird nin iryin. Irdeb meten gobe meten mar hoyan haniƙe kerdeb nanƙa gisaw kurin.

<sup>34</sup> Be, wain igineŋ yad yad nalu hekeb miŋ al gore meten marmin karwo hulyan yirkeb wain igineŋ kura yawarniŋ yeŋ kwamiŋ.

<sup>35</sup> Goyenbe mel goreb gasa yiramiŋ. Uŋkuren maydeb kurabe mayke kamiŋ. Irdeb funanbe horare mayamiŋ.

<sup>36</sup> Be, al gob teban po meten marmin kura budam hulyan yirke kwamiŋ. Kukeb mehenbe yiramiŋ gwahade po yiramiŋ.

<sup>37</sup> Irkeb funan wor pobe, ‘Urne hulyan ire. Gogab palap irde meremiŋ nurnayiŋ geb,’ yeŋbe urmiŋ teŋ kerke kuriŋ.

<sup>38</sup> Gega wain meten doyan irde hinhan mar gobe kadom momon gird teŋbe, ‘Meten gate miŋ al gote urmiŋbe gago geb, mayteke kami. Gogab meten gayen naniŋ miŋmon hekeb nende hiyyen,’ yamiŋ.

<sup>39</sup> Irdeb meten miŋ alyen urmiŋ go teŋ tukun meten siŋare mayke kamiŋ.

<sup>40</sup> Gwaha tikeb meten miŋ al gore wanbe daha yiryen yeŋ nurde haŋ?” yinyiŋ.

<sup>41</sup> Irkeb Al Kurun dolon ird ird mata doyan marya Yuda marte doyan mar parguwakya belen wol henbe, “Mata bulun tinayiŋ mar go gasa yirke kamnayiŋ. Irde metenmiŋ go teŋ al hoyan haniŋde kiryen. Irkeb mel gore gab wain igineŋ yad yad nalurebe yeŋ untekebe unen hinayiŋ,” inamiŋ.

<sup>42</sup> Irkeb Yesu belen wol henbe, “Denbe Al Kurunen mere gahade katiŋbe ma keneŋ hanyen? Merebe gahade:

‘Ya yird yird mar belen igin mon yeŋ nurde pel

iramıñ hora goyen al hoyañ belen ten go hende ya sañın wor po iryın.

Go iryın gobe Doyañ Al Kurun belen iryın.

Nıñgeb Al Kurun belen iryın gob dilniniñdebe igın wor po yeñ keneñ hite,' yitiñ hi. *Tikiñ 118:22-23*

<sup>43</sup> “Nıñgeb fudinde wor po dıneñ hime. Denbe Al Kurun belen alya bereyamiñ doyañ yirde hi bana goñ hitek gega, dakira tenbe Al Kurun dilinde mata igın ten hinayın mar goyen po gab yunyeñ.

<sup>44</sup> Nıñgeb Al Kurunyen asañde hora niñ yitiñ gobe ne gago. Nıñgeb al kura hora go hende takteñ mayyenbe mugol niyyeñ. Irde hora gore kateñ hika tiyyeñ al gobe umetek tiyyeñ. Nıñgeb al kura neneñ bebak ma tinayın mar hittebe kame mata gwahade forok yiyyeñ,” yiniñ.

<sup>45</sup> Be, pris buda gote karkuwanmınya Farisi marya go Yesuyen maya mere go nurdeb, “Neñ ga po dıneñ hi,” yeñ nuramiñ.

<sup>46</sup> Irdeb daha mat kura ten fere titewoñ yeñ nuramiñ. Irdeb Yesube al buda gore yeñbe Al Kurunyen mere basañ al yeñ nurde hinhan geb, al buda goke kafura hamiñ.

## 22

*Bere ten tende niñ dula mata gote maya mere (Luk 14:15-24)*

<sup>1</sup> Be, Yesu go tebañ po maya mere mat al gaha yiniñ:

<sup>2</sup> “Al Kurun belen alya bereyamiñ doyañ yird yird goyen kurabe gahade: doyañ al kurun kura

urminj bere tewe yekeb dula mata kurunj gitik tiyyinj.

<sup>3</sup> Irdeb metenj marminj hulyanj yirdeb, ‘Kunj dula mata gake al hoy yirminj mar goyen yinke wananj,’ yinyinj. Goyenbe kunj yinkeb bada haminj.

<sup>4</sup> Irkeb metenj marminj hoyanj wor sopte hulyanj yirdeb gaha yinyinj. ‘Kunbe, “Doyanj al kurunjininj belen bulmakaw firfurnenj gasa yirde det tumnanj gitik tenj ep ira. Irdeb wanayinj yen denj ge keya hihi geb wake kuninj,” yinnayinj,’ yinyinj.

<sup>5</sup> “Be, metenj marminj gore kunj al hoy yiryinj mar goyen yenenbe doyanj alminj belen yinyinj gwahade po yinaminj. Goyenpoga yende mere go ma nuraminj. Irdeb dufayminjde dufayminjde kwaminj. Al kurabe binje metenminjde kurinj. Munanj kurabe hora metenminjde kurinj.

<sup>6</sup> Al kura marbe doyanj al kurunjde metenj mar buda goyen yade bulun bulun yirde gasa yirke kamaminj.

<sup>7</sup> Gwaha tikeb doyanj al kurunj go binj ar yekeb fulenja marminj yad yerke kwaminj. Kunbe al buda metenj marminj gasa yiraminj goyen gasa yirke kamkeb tiyunminj go mananj kumga tiyaminj.

<sup>8</sup> “Gwaha tenbe doyanj al kurunj go metenj marminj yenya hinhan go hoy yiryinj. Irdeb gaha yinyinj. ‘Dawetbe tumnanj gitik tenj ep irtinj gega, al watek mar wor pobe wanj wanj ninj bada hahanj.

<sup>9</sup> Ninjgeb kunj belenyanj alya bereya kura yenenbe mali po yinkeb dula mata tiyenj tihimde

gar wanayin, ' yinyin.

<sup>10</sup> Gwaha yinkeb meten marmin gobe taun bana gon nin belen hani hani gama yirdeb kun al bulunya iginya goyen yenenbe mali po yinke wayamin. Be, al go wan keperaminbe yabe makin wor po hirin.

<sup>11</sup> “Irkeb doyan al kurun belen al gabu iramin go yene yen wanbe al kura dula matare nin umna ma titin goyen kinyin.

<sup>12</sup> Kenenbe, ‘Dula matare nin umna ma taha gega, daha mat bana gan wayha?’ inkeb al gob mere ma po tiyyin.

<sup>13</sup> Irkeb doyan al kurun goreb, ‘Ten kahanya haniya fere ten shine kidoma bana temeynan. Gorbe esen misin isen bana gon hiyen,’ yen meten marmin hulan yirin.

<sup>14</sup> Be, maya mere ga nurhan gwahade goyen po, Al Kurun belenbe al budam hoy yirde hi gega, yunkuren yunkuren po gab nigen yen basina yirtin han,” yinyin.

*Farisi mar belen teks kerd kerd nin Yesu gusunan iramin*

*(Mak 12:13-17; Luk 20:20-26)*

<sup>15</sup> Be, Farisi mar go meremin nurde bin ar yekeb shine katenbe Yesu go son hekeb merere kertek yen yingen ulin mere sege iramin.

<sup>16</sup> Irdeb yingende komatmin yad yerke Yesu hitte kwamin. Herot gama irde hanen mar manan yena tumnan kwamin. Kunbe Yesu goyen, “Tisa, gebe mata fudinde po ga ten hayen. Irdeb Al Kurunen merebe fudinde mat po saba

tenj hayen. Gebe al denem yanja denem monya goyen mereya matayabe tunjande po yirde hayen.

<sup>17</sup> Ninjeb gebe dahade nurde ha? Neñ Moseyen saba gama irde hite mar gayen Roma gabmanyen doyanj al kurunj Sisar ninj teks kertek gobe iginj ma dahade? Iginj momonj dirayinj?” inaminj.

<sup>18</sup> Goyenpoga Yesu gob dufayminj bulunj gob bikkenj yenenj bebak tenjbe, “Usi mar wor wor, daninj tunjnj nirde hanj?”

<sup>19</sup> Teks yerde hanjen hora go nikala nirke kene,” yinyinj. Irkeb denari unjkurenj tawayaminj.

<sup>20</sup> Irkeb al tonenj hora hende gor kenenjbe, “Gabe ganunj tonenja denjemya?” yinyinj.

<sup>21</sup> Irkeb mel gore wol henjbe, “Sisaryen,” inaminj. Irkeb wol henjbe, “Gwahade ninjeb, det kura ninj Sisar belenj dinyenj gobe Sisar unnayinj. Munanj Al Kurunj belenj det kura ninj dinyenj gobe Al Kurunj unnayinj,” yinyinj.

<sup>22</sup> Be, Yesu belenj mere tiyyinj go nurdeb dinonj kok yekebe tubul tenj kwaminj.

*Sadusi mar belenj al kamtinj huward huward ninj Yesu gusunanj iraminj*

*(Mak 12:18-27; Luk 20:27-40)*

<sup>23</sup> Be, nanja fay goyare goyen po Sadusi mar belenj Yesu hitte wayaminj. Go mar gobe al kamtinjde mat epte ma huwarnayinj yenj hanjen. Be, mel go Yesu hitte wanjbe gusunanj iraminj.

<sup>24</sup> “Tisa, Moseyen sabarebe, ‘Al kura dirinj minjmonj henja berem tubul tenj kamkeb kulinj kura hiyyenj gore itinde beretap go tenjbe itinj ninj dirinj forok irde unyen,’ gwahade yitinj hi.

25 Be, al kura kulinj 6 minyanj goyen nenya hityen. Al gobe bere tirinj gega dirinj minmonj henya kamyinj. Irkeb kulinj belenj beretap go tirinj.

26 Goyenbe yenj wor gwahade po dirinj minmonj henya kamyinj. Irkeb yenj kamekkenj gore wor beretap go taminj goyen dirinj kura ma forok irdeya kamaminj.

27 Irke funanbe bere go wor kamyinj.

28 Be, al goya kulinj wenya gote berembe unjkurenj gogo po hinhin geb, kame al kamtinj huward huward nalurebe bere gobe ganunde berem wor po hiyyenj?" inaminj.

29 Gwaha inkeb Yesu belenj wol henbe, "Denbe Al Kurunyen tarenya meremya asande katinj goyen kenenj wuk ma yenj hanjen. Gwahade geb sonj henj go ma kenenj hanj.

30 Al kamtinj huwarnayinj nalureb al belenj bere yade bere belenj al ma kunayinj. Yenbe Al Kurunyen miyonj yara po henayinj.

31 Al kamtinj huward huward matabe Al Kurunj belenj asanminde,

32 'Nebe Abraham, Aisakyabe Yekopyat Al Kurunj,' yirinj goyen gobe kapyanj ma henj hanjen? Mel gobe kamtinj gega, tonenbe yenya hanj geb, gogo yirinj. Ningeb Al Kurunbe al dilinj gergen hanj gote Al Kurunj, al kamtinj gote monj," yinyinj.

33 Be, al buda gobe mereminj nurdeb dinonj kok wor po yaminj.

*Moseyen saba gote minj wor pobe da?*

*(Mak 12:28-34; Luk 10:25-28)*

34 Be, Yesu belenj Sadusi marte gusunanj go kenkela po wol hekeb gwaha mat kura mere titek

mon hamin. Irkeb Farisi mar belen go nurdeb wan Yesu hinhide gor gabu iramin.

<sup>35</sup> Irdeb unkuřenmin kura Moseyen saba kenkela nurde hitin al gore wanbe tunan ure yen gaha inyin:

<sup>36</sup> “Tisa, saba kurun gabe nurde hite. Goyenbe daminbe saba kurun gote folek wor po?” inyin.

<sup>37</sup> Gwaha inkeb Yesu belen wol henbe, “Bubulkunge, tonge, dufaygeya tarengeya tunan Doyan Al Kurunge, Al Kurun hitte po huginun kun hiyen.

<sup>38</sup> Gabe Moseyen saba kurun gote folek wor po.

<sup>39</sup> Gote kurhanbe gigen ge amanen nurde hayen gwahade goyen po kadge hoyan nin wor amanen nurde hayin.

<sup>40</sup> Moseyen sabaya Al Kurunen mere basan marya belen saba kayamin kurun gote minbe irawa gago po,” inyin.

*Yesu belen Farisi mar go Mesaia nin gusunun yirin*

*(Mak 12:35-37; Luk 20:41-44)*

<sup>41</sup> Be, Farisi mar go gabu irde hikeb Yesu belenbe gusunun yirin.

<sup>42</sup> “Den gayen Mesaia be ganunde urmin yen nurde han?” Gwaha yinkeb Farisi mar gore wol henbe, “Yenbe Dewit urmin,” inamin.

<sup>43</sup> Irkeb Yesu belenbe, “Dewit urmin yen han gega, dahade ningeb Holi Spirit belen Dewit ketal urkeb urmin goyen, ‘Gebe Kurune,’ inyin? Dewit belen Mesaia nin gaha yirin:

<sup>44</sup> ‘Al Kurun belen Doyan Al Kurune gaha inyin: “Wan ketalner hen al denem yan wor po hawayin.



Irkeb asogo girde haɲ mar goyen bul yirde yawameke gasa yirde yufurka tiyayin,” in-  
yinj, ’ yitiɲ hi. *Tikiɲ*  
*110:1*

<sup>45</sup> Niɲgeb kapyaɲ heɲ haɲyen gwahade po, Dewit beɲeɲ Mesaia goyen ‘Doyaɲ Al Kurunje’ inyin. Niɲgeb dahade geb Mesaia gobe Dewityen urmiɲ hiyyeɲ? Gobe epte moɲ geb!” yinyin.

<sup>46</sup> Be, gwaha yinkeb al kura beɲeɲ muɲ kura wol ma hiriɲ. Irde goyenter matbe al kura waɲ Yesu tuɲaɲ urde merem yaɲ irniɲ yeɲ gusunɲaɲ irde hinhan gobe bada po hamiɲ.

## 23

*Yesu beɲeɲ Farisi marya Moseyen saba maryat sikkeɲ tagalyin*

*(Mak 12:38-39; Luk 11:43,46; 20:45-46)*

<sup>1</sup> Be, Yesu gob komatmiɲya al buda kurunɲya goyen saba yirde heɲyabe gaha yinyin:

<sup>2</sup> “Moseyen saba gote miɲ tagal tagal metenjebe Moseyen saba marya Farisi marya beɲeɲ teɲ haɲyen.

<sup>3</sup> Niɲgeb mel gore saba dirkeb keɲkela gama irde hinayin. Goyenpoga yiɲgeɲbe saba teɲ haɲyen goyen ma gama irde haɲ geb, matamiɲ po gab gama ma yirde hinayin.

<sup>4</sup> Mel gobe mata gama irtek metenjeɲ wor po goyen budam forok yirdeb gama yirniyin yeɲ tagalde haɲyen. Irkeb albe kandukneɲ wor po nurde haɲyen. Goyenpoga biɲdebe muɲ kura gama irtek ma yirde hiyen.

<sup>5</sup> Mata ten hanjen kurun gobe al belen dennan yen mata ten hanjen. Al Kurun dolon ird irdde nin bisi pelyen wor po kura Moseyen mere go hende katin goyen tonande yerde hanjen. Irde Al Kurun dolon ird irdde nin ulin umna murun belen nin sinjanen goyen ulyan wor po yirdeb hor yirde hanjen.

<sup>6</sup> Yenbe dula mata karkuwanya gabu yayan kun henbe al denem yan de gasunyan po kepertek nurde hanjen.

<sup>7</sup> Irdeb gabu gasunyan kunbe al belen yenen palap yirde ‘Tisa’ yinen yinen nin amanen nurde hanjen.

<sup>8</sup> “Goyenbe Doyan Al Kuruntinbe unkenen po, irde denbe tumnan yende dirnen wen nin geb, denbe danin ‘tisa’ ma dinhan yen ma nurde hinayin.

<sup>9</sup> Nantinbe Al Kurun sanin minyan yen unkenen gog po geb al kura ‘Ado’ ma inen hinayin.

<sup>10</sup> Tisatinbe Mesaia yen unkenen po geb, denbe danin ma ‘Tisa’ dinen han yen ma nurde hinayin.

<sup>11-12</sup> Nin geb al kura yingen turun turun irde hiyen al gobe Al Kurun belen yenbe denem mon iryen. Irde al kura yingen nebe denem mon yen hiyen al gobe Al Kurun belenbe denem yan iryen. Nin geb den bana gayen al kura doyan al hewe yiyyen al gobe dende meten al hiyyen,” yinyin.

*Farisi marya Moseyen saba marte mata bulun goke yirin*

*(Mak 12:40; Luk 11:39-42,44,52; 20:47)*

<sup>13-14</sup> Irdeb al buda gor gabu irde hinhan goyen gaha yinyin: “Be, den Moseyen saba marya Farisi

maryabe usi mar wor po. Denbe Al Kurunyen bearar bana han goke buninjen wor po nurd dunen hime. Den belenje Al Kurun belen alya bereyamin doyan yirde hire gor kun kun belenin pet ten han. Dindikenbe bana gon ma hurkun han. Irde al hoyan goyen bana gon hurkunin yen kurut yen han mar wor belenin pet ten han.\*

<sup>15</sup> Den Moseyen saba marya Farisi maryabe usi mar wor po. Denbe Al Kurunyen bearar bana han goke buninjen wor po nurd dunen hime. Denbe, 'Al yawarteke mataninin gama irnan,' yenbe al unkenen mun kura goke wor kahanjinde kurab hakwa hende kun nan kurun gayen pasi hen hanjen. Irkeb al gore matatin gama irkeb Al Kurunyen saba bulun irde hanjen. Irkeb al gote mata bulunminbe dende folek wor po kak alare kutek po yirde hanjen.

<sup>16</sup> "Denbe al dilin titmin belen al kadam belen ikala irde tukuyen go gwahade goyen ten han. Ningeb denbe Al Kurunyen bearar bana han goke buninjen wor po nurd dunen hime. Denbe al saba gahade yirde hanjen: 'Al kura Al Kurunyen ya balem dejen urde bin tiyyen goyen ma gama iryen goke kanduknen ma nuryen. Goyenpoga al kura ya bana gol hora hiyen goyen dejen urde bin tiyyen gobe gama po iryen,' gwaha yen

---

\* **23:13-14:** Asan hoyandebe gahade hi: <sup>14</sup> *Den Moseyen saba marya Farisi maryabe usi mar wor po. Denbe beretapen samunya horaya komkom hen hanjen. Goyenbe al hoyan belen denen turun dirnan yen Al Kurun mere irhet yenbe mere ulan wor po tulun ten hanjen. Ningeb denbe gote murungem bulun wor po Al Kurun belen yunyen.*

hanyen.

<sup>17</sup> Dulin kukuwa! Diltin titmin buda! Dabe det kurun? Gol hora ma ya goyen? Gol hora yen ulinbe det himam mon. Goyenbe ya goyen bana hi goke tenbe himam hiyyen. Ningeb ya gobe det kurun.

<sup>18</sup> Sabatin kurabe gaha yen hanyen: 'Al kura alta denge urde binja tiyyen goyen ma gama iryen goke kanduknen ma nuryen. Goyenpoga Al Kurun galak ire yen alta hende kirtin goyen denge urde binja tiyyen gobe gama po iryen,' yen hanyen.

<sup>19</sup> Diltin titmin buda! Dabe det kurun? Alta ma det go hende hi goyen? Det go yen ulinbe himam mon gega, alta hende kerkeb himam hiyyen. Ningeb altabe det kurun.

<sup>20</sup> Ningeb al kura alta denge urde binja tiyyenbe alta go mun po mon, det go hende Al Kurun galak irtin go manan denge uryen.

<sup>21</sup> Irde al kura Al Kurunen ya balem denge urde binja tiyyenbe ya go mun po mon, det ya go bana hinayin kurun goyen manan gog po denge yuryen.

<sup>22</sup> Irde nanjinbe Al Kurunen maroro gasun. Ningeb al kura nanjin denge urde binja tiyyenbe maroro gasun go po mon, go hende keperde hi Al goyen manan gog po denge uryen. Ningeb binja tinayinbe go po gama irde hinayin.

<sup>23</sup> "Be, den Moseyen saba marya Farisi maryabe usi mar wor po. Denbe Al Kurunen bearar bana han goke buninen wor po nurd dunen hime. Denbe binge hapek yird yird det harde hanyen goyen yade buda 10 yirdeb

un̄kuren̄be Al Kurun̄ unen̄ han̄yen. Goyenbe den̄be Moseyen saba kurun̄ wor po goyen pel irde han̄yen. Al kura den̄ nurd yunen̄ han̄ mar po ga igin̄ igin̄ yirde, go ma nurd yunen̄ han̄ marbe gwaha ma yirde han̄yen. Kad̄tin̄ bunin̄en̄ nurd yuntek goyen bunin̄en̄ ma yirde han̄yen. Irde Al Kurun̄ nin̄ hekken̄ nurtek goyen go ma po gwaha ten̄ han̄yen. Goyenbe Al Kurun̄ galak ird ird mataya kad̄tin̄ bunin̄en̄ nurd yunen̄ yunen̄ mataya gobe tum̄nan̄ gama po irde hinayin̄.

<sup>24</sup> Goyenpoga den̄be Moseyen saba karkuwan̄ karkuwan̄be pel yirdeb muk̄nen̄ muk̄nen̄ goke po gabe ug po yen̄ han̄yen. Goke ten̄be den̄be fe ninin̄ yen̄ det muk̄nen̄ mun̄ kirkida gwahade goyen goke ken̄kela yakkelyan̄ ten̄ yade sin̄a yirde gab nene han̄ gega, dap̄n̄a kurun̄ kamel netek mon̄ wor go ma nurde hen̄ya yohogo ten̄ han̄ yara denen̄ hime. Den̄be al kura dillin̄ titmin̄ gore al kadom belen̄ ikala irde tukuyen̄ go gwahade ten̄ han̄.

<sup>25</sup> “Be, den̄ Moseyen saba marya Farisi maryabe usi mar wor po. Den̄be Al Kurun̄yen bearar bana han̄ goke bunin̄en̄ wor po nurd dunen̄ hime. Den̄be al hoyan̄ belen̄ ultin̄ sin̄are po denen̄be al wukkeken̄ yen̄ denen̄ han̄. Goyenpoga bitin̄ banabe kudin̄ mataya megen̄ nin̄ mata bulun̄ hapekyan̄ ten̄ ten̄ nin̄ya belen̄ po makin̄ hitin̄. Nin̄geb den̄be gisuya koron̄ya sin̄are po haldeb bin̄debe tikin̄ yan̄ yubul ten̄ han̄yen yara denen̄ hime.

<sup>26</sup> Nin̄geb den̄ diltin̄ titmin̄ Farisi mar, mehen̄debe bitin̄ bana mata bulun̄ han̄ go wa

yade siᅇa yirnayiᅇ. Irke gab siᅇare wor wuk yiyyeᅇ.

<sup>27</sup> “Be, deᅇ Moseyeᅇ saba marya Farisi maryabe usi mar wor po. Deᅇbe Al Kurunyeᅇ bearar bana haᅇ goke bunineᅇ wor po nurd duneᅇ hime. Deᅇbe bema kura siᅇarebe umᅇa irtiᅇ haᅇ. Gega biᅇ banabe al kiᅇkiniᅇya det mormokya beleᅇ po maᅇiᅇ hitiᅇ haᅇ go gwahade goyeᅇ.

<sup>28</sup> Niᅇgeb al beleᅇbe al huwak yeᅇ deney hanyeᅇ. Goyepoga bitiᅇ banabe usiya mata buluᅇ teᅇ teᅇ dufayya beleᅇ po maᅇiᅇ hitiᅇ haᅇ.

<sup>29</sup> “Be, deᅇ Moseyeᅇ saba marya Farisi maryabe usi mar wor po. Deᅇbe Al Kurunyeᅇ bearar bana haᅇ goke bunineᅇ wor po nurd duneᅇ hime. Deᅇbe Al Kurunyeᅇ mere basaᅇ mar asetiyago beleᅇ gasa yirke kamamiᅇ gote bema gergeᅇ yirde haraᅇ heᅇ hanyeᅇ. Irde Al Kurun dilinde al huwak hinhan mar gote bema umᅇa yirde hanyeᅇ.

<sup>30</sup> Irdeb, ‘Neᅇ gayeᅇ asininiᅇ yago hinhan nalu goyenteᅇ hinhet manhan asininiᅇ yago beleᅇ Al Kurunyeᅇ mere basaᅇ mar gasa yirke kamde hinhan matamiᅇ goyeᅇ yilwa yirtewoᅇ,’ yeᅇ hanyeᅇ.

<sup>31</sup> Gwaha yeᅇ hanyeᅇ gobe deᅇ gayeᅇbe Al Kurunyeᅇ mere basaᅇ mar gasa yiramiᅇ mar gote foᅇeᅇmiᅇ goyeᅇ dindikeᅇ sikkeᅇtiᅇ forok yirde haᅇ geb.

<sup>32</sup> Niᅇgeb asetiyago mata buluᅇ go miᅇ uramiᅇ goyeᅇ deᅇ beleᅇ tukunbe sol irnayeᅇ.

<sup>33</sup> “Deᅇbe kunere duwi wor po! Al Kurunyeᅇ beararbe daha mat busahartek yeᅇ nurde haᅇ? Kak alare po ga kunayeᅇ geb.

<sup>34</sup> Niŋgeb Al Kurunyen mere basan marya al dufay wukke minjanya saba marya yad yer-meke den hitte wanayin. Goyenbe go mar goyen kurabe gasa yirke kamnayin, kurabe kuruse hende gasa yirke kamnayin. Munan kurabe gabu yatinyan yukun yusulak ten, kurabe gasa yirnin yen taun kurar mat kurar gama yirde yukun hinayin.

<sup>35</sup> Niŋgeb al huwak kurun megen gar hike gasa yirke kamnayin gote kanduk goyenbe den gayenter nin manan tenayin. Gobe Abel mayke kamyinde mat wan wan Berekia urmin Sekaraia goyen Al Kurunyen ya balem bana gasun himama altaya kahalte asetin yago belem mayke kamin gote kanduk.

<sup>36</sup> Niŋgeb fudinde wor po dinen hime. Kanduk kurun dinen hime gabe tumnan den gayenter nin mar gare tenayin,” yinyin.

*Yerusalem nin mar goke buninen nuryin  
(Luk 13:34-35)*

<sup>37</sup> Irdeb sopte po, “Awo, Yerusalem nin mar, buninen wor po nurd dunen hime. Al Kurun belem den ge nurde mere basan marmen yad yerke wan hanen. Goyenbe den belembe kurab hora po gasa yirde, kurabe mali gasa yirde hike kamde hanen. Tatirok milin belem dirnen yawan tapen belem po aw yurde hiyen go gwahade goyen po, ne belem den goyen dade doyan dirde himewon yen huginen dufay hen himen. Goyenbe dindiken po merene pel irde yilwa nirde hanen.

<sup>38</sup> Ningeb ga nurnañ. Al Kurunñ belen tauntin tubul tiyyen. Irkeb nanña hoyañde nin mar belen wañ tauntin goyen gwamunñ urkeb det kura bana goñ ma hinayinñ.

<sup>39</sup> Nebe dubul ten kumekeb epte ma nennayinñ. Irde kuñ kuñ kame sopte wayenñ. Irkeb ne nenenbe dindikenñ mohonñinñde wor wor, ‘Doyañ Al Kurunñyen denemde waya al gabe Doyañ Al Kurunñ belen guram irde iginñ wor po iryenñ,’ yenñ turunñ nirnayinñ,” yinyinñ.

## 24

### *Al Kurunñyen ya balem bulunñ henñ henñ ninñ yirinñ (Mak 13:1-13; Luk 21:5-19)*

<sup>1</sup> Be, Yesu gob Al Kurunñyen ya balem goyen tubul ten hoyañde kuñ hikeyab komatminñ yago belen wañbe, “Ya balem ga kena,” inaminñ.

<sup>2</sup> Irkeb Yesu belenñ, “Ya kenhanñ kurunñ gayenbe fudinde wor po dinenñ hime. Hora ya irtinñ yenenñ hanñ gabe unñkurenñ munñ kura epte ma gasunñenñde hiyenñ. Tumñanñ pir irnayinñ,” yinyinñ.

<sup>3</sup> Yesu go gwaha yinenñbe kuñ Olip donñdonñde kipiryinñ. Irkeb yenñ yunñkurenñ po henñyabe komatminñ yago belenñ, “Da mata forok yeke yenenñ gabe nalu funañ go wañ wañ nalube forok yewenñ tiya yenñ bebak titek?” inaminñ.

<sup>4-5</sup> Irkeb wol henñbe, “Nalu funañ binde hekeb al budam wañ, ‘Mesaiabe ne gago,’ yinenñ al budam wor po usi yirnayinñ. Ningeb kenñkela henñ hinanñ ko. Monño al kura belenñ usi dirnayinñ geb.

<sup>6</sup> Kurabe fulenña karkuwanñ forok yeke nurde hinayinñ. Irde fulenña forok yenayinñ mere momonñ



wor nurde hinayiñ. Goyenbe goke kafura heñ hurkuñkat ma tinayiñ. Mata gwahade gobe forok yeñ hinayiñ gega, nalu funaṅbe kame ga wayyeñ.

<sup>7</sup> Goyenterbe al miñ kura beļeñ huwarde al miñ hoyanya fulaṅa teñ hinayiñ. Gabman kura beļeñ gabman hoyanya fulaṅa gird teñ hinayiñ. Albe biñge niñ kamde hinayiñ. Niniña karkuwan naña kurar kurar forok yeñ hinayiñ.

<sup>8</sup> Kanduk kurun gob bere kura dirin kawan kere yeñ meheñde wor po ulin misiñ katyeñ go gwahade goyen po, nalu funaṅ binde heñ hikeb mata goyen forok yenayiñ.

<sup>9</sup> “Goyenterbe al beļeñ merem yañ dirde bulun bulun dirde mudunke kamnayiñ. Irde al miñ kurayen kurayen kurun gore ne niñ igin ma nurde deñ haram dirde hinayiñ.

<sup>10</sup> Goyarebe al budam ne niñ dufaymin sañin irde hinayiñ goyen yubul tinayiñ. Irdeb kadam haram gird teñ asogom haniñde yerde hinayiñ.

<sup>11</sup> Irde al budam beļeñ, ‘Neñbe Al Kurunyen mere basaṅ mar,’ usi teñbe wañ al budam usi yirde hinayiñ.

<sup>12</sup> Mata bulun beļeñ po naña tiyyeñ. Irkeb al kadam niñ amaneñ nurd nurd mata gobe hubu hiyyeñ.

<sup>13</sup> Goyenbe al kura sañin heñ kanduk go fole irde kuñ kuñ funaṅdebe Al Kurun beļeñ al go tiyyeñ.

<sup>14</sup> Mere igin Al Kurun beļeñ doyañ dird dird goyen go wa megeñ kurun ga tagalde tukuke al nurde hinayiñ. Irke gab nalu funaṅ go forok yiyyeñ,” yinyiñ.

*Kanduk kurun wor po forok yiyyen  
(Mak 13:14-27; Luk 21:20-28)*

<sup>15</sup> Irdeb sopte yinyin. “Al Kurunyen mere basan al Daniel beley asande, ‘Det kura Al Kurunyen ya balem bulun wor po irtek goyen ya bana gon forok yiyyen,’ yitin goyen forok yiyyen. (Mere kayhem gayen kapyan hej han marbe kenkela dufay hej gab bebak tina.)

<sup>16</sup> Be, mata goyen forok yekeb Yudia nanare hinayin marbe busaharde dugure kun bana kunayin.

<sup>17</sup> Goyenterbe al kura ya hende hiyen goyen katen yamin bana hurkun detne kura yade ga busahare ma yiyyen.

<sup>18</sup> Al kura metenmin tubul ten kun amilne ten ga ma yiyyen.

<sup>19</sup> Goyen nalurebe bere bin hanya bere dirin besare nin minyanyabe metenen wor po yiryen.

<sup>20</sup> Ningeb kanduk kurun goyen nana nalu bulunde, ma Sabat nalure forok ma yewon yen goke Al Kurun gusunan irde hinayin.

<sup>21</sup> Goyen nalureb megen ga kanduk kurun wor po tiyyen. Han kanya Al Kurun beley tikula kiryinde mat wan ga hitere, irde kame wor kanduk gwahade kura ma kentek. Go kanduk goyenbe baran wor po duryen.

<sup>22</sup> Ningeb Al Kurun beley nalu goyen sobamde po tubul tike manhan al tumnan kamwon. Goyenbe al nigen yirin goke tenbe nalu go wer irde dolfon iryen.

<sup>23</sup> Goyen nalure al kura beley, ‘Mesaiabe gago hi,’ dinnayin, irde hoyan beley, ‘Mon, iror hi,’

dinenj ingogaha dirke goya go ma nurde gama yirnayinj.

<sup>24</sup> Mesaia falkukya Al Kurunyen mere basanj mar falkukya belej alya bereya Al Kurun belej basinja yirtinj goyen usi yirteke katwoj yenj mata tinenj karkuwanj kurayen kurayen forok yirde hinayinj.

<sup>25</sup> Mere gabe nalu go ma forok yenj hikeya gago momonj dirde hime geb, kenkela henj hinaj ko.

<sup>26</sup> “Nin geb Al kura belej, ‘Mesaiabe sawsawa po kurun nanare hi,’ dinke ga kunj kinninj kinninj ma tinayinj. Irdeb, ‘Mesaiabe ganj banare hi,’ dinke goya fudinde yenj ma nurnayinj.

<sup>27</sup> Dagamel tikeb al nanja wanj wanja nanja kurkurya belej tumnande kenej hanjen gwa-hade po, ne Al Urminj gayen wamekeb wawun unjkurende po megen ninj mar kurun gayen tumnande nennayinj.

<sup>28</sup> Det kamtinj hinayindebe det bidak nen nen nu belej wanj hanjen gobe bebakkenj wor po geb, goke epte ma kadom mohanje titek gwahade goyen po, ne Al Urminj gayen wamekeb tumnanj nenenj nalu funanbe gago yenj bebak tinayinj.

<sup>29</sup> “Kanduk kurun goyen kamere po, ‘Nanja kidoma hiyyenj, irde gagasi ma timiyyenj. Nanjinde mat dinambe suk yenj katnayinj. Irdeb det kurun hende hanj gobe hambor yiryenj,’ yitinj *Aisaia 13:10; 34:4* gwahade po forok yenayinj.

<sup>30</sup> “Goyenterbe ne Al Urminj wayenj timekeb mata kura nanjinde forok yiyyenj. Irkeb ne Al Urminj gabe tarejne turunjanj yanj goya kigarinjinj

faykek hende kateŋ. Irkeb megen niŋ mar ne niŋ ma nurde haŋ mar tumŋaŋ neneŋbe biŋ misin nurde esinayiŋ.

<sup>31</sup> Miyonŋe yad yermeke belen meheŋ heŋ ne waŋ waŋ niŋ bigul fu irkeb al tumŋaŋ nurnayiŋ. Irde kateŋbe alya bereya naŋa kurun hike kwa bana goŋ niŋ basaŋa yirtin goyen gabu yirnayiŋ.

<sup>32</sup> “Fik hebe yeneŋ haŋyen gogo. Fik he go beda urke yeneŋbe kadila heweŋ tiya yeŋ haŋyen.

<sup>33</sup> Gwahade goyen po, mere dirhem kurun gayen forok yeke yeneŋbe nalu funaŋbe binde gag po wer ira yeŋ nurnayiŋ.

<sup>34</sup> Fudinde wor po dineŋ hime. Mata gobe forok yenayiŋ geb. Irde mata go forok yenayiŋ nalure al hinayiŋ mar gobe mata goyen yennayiŋ.

<sup>35</sup> Irdeb megeŋya naŋkiŋyabe hubu hiriryen. Goyenbe merenebe saŋin miŋyaŋ geb, hubu ma hiyyen. Huginŋen alya bereya nurde fudinde wor po yeŋ gama irde hinayiŋ,” yinyiŋ.

*Nalu funaŋbe bebakken mon  
(Mak 13:32-37; Luk 17:26-30,34-36)*

<sup>36</sup> Irdeb sopte yinyiŋ. “Nalu funaŋ goyen al kura bebakken ma nurde hi. Hubu wor po. Adone po ga nurde hi. Urmiŋya miyonmiŋya wor ma po nurde haŋ.

<sup>37</sup> Ne Al Urminŋ gayen waŋ waŋ nalurebe alya bereya bikken Noa hinhin nalure mata teŋ hinhin gwahade teŋ hinayiŋ.

<sup>38</sup> Go mar gobe dula niŋ po teŋ, kukuwa fe nene, al belen bere yade, dirŋen weŋ yade al yertek niŋ po teŋ Al Kurun niŋ ma nurde hinhin.

Irde kuɗ kuɗ nalu forok yekeb Noa hakwa biɗde hurkuriɗ.

<sup>39</sup> Mel gobe kame mata gwahade forok yiyyeɗ yeɗ ma nurde hinhan. Irkeb fe ala kurun forok yeɗ gwamuɗ yuryiɗ. Niɗgeb ne Al Urmiɗ gayen wor al beleɗ gwaha naɗa wayyeɗ yeɗ ma nurde hikeya wayeɗ.

<sup>40</sup> Goyen nalurebe mata gahade forok yiyyeɗ: al iraw kura metenminde meten ten hiriryen. Irke Al Kurun beleɗ unkuɗen tenbe kurabe tubul tiyyeɗ.

<sup>41</sup> Irde bere irawa palawa irye yeɗ wit bilmin hora po karka ten hikeya bere unkuɗenbe Al Kurun beleɗ tenbe kurab tubul tiyyeɗ.

<sup>42</sup> Goke tenbe kenkela heɗ ga hinaɗ ko! Doyan Al Kurunɗin waɗ waɗ nalube bebakken mon geb.

<sup>43</sup> Be, ga nurde ga hinaɗ ko. Ya min al kura wawun kurare kawe al beleɗ waɗ yane upew uryeɗ yeɗ nurde hiyeɗdebe yamin kenkela doyan irde hike kawe al beleɗ epte ma waɗ yamin upew uryeɗ.

<sup>44</sup> Niɗgeb gwahade goyen po, ne Al Urmiɗ gare wor nalu goyare wayeɗ tiya yeɗ ma nurde hikeya wayeɗ geb, hugiɗen ne niɗ pet ten doyan nirde hinayiɗ,” yinyiɗ.

*Meten al igiɗya bulunyat maya mere  
(Luk 12:42-46)*

<sup>45</sup> Irdeb maya mere mat gaha yinyiɗ: “Be, ganun meten albe dufaymin wukken, irde gore doyan almin ge fudinde wor po meten ten unen hiyeɗ? Meten al gwahade gobe doyan almin beleɗ naɗa gisaw kwe yeɗbe meten almin goyen,

‘Meten mar kadge doyan yirde binje yuntek nalu hekeb yunen hayin,’ inen kuyen.

<sup>46</sup> Be, doyan almin go mulgan hen wanbe meten al gore meremin po gama irde meten ten hike kenenbe igin igin irkeb meten al gobe aman wor po hiyyen.

<sup>47</sup> Fudinde wor po dinen hime. Meten al gobe doyan almin belen, ‘Samunne kurun gayen wor doyan irde hayin,’ inyen.

<sup>48</sup> Goyenbe daha wet kura ten meten al goreb, ‘Doyan alnebe nanja gisaw po kun ningeb, aranen ma wan hi,’ yenbe

<sup>49</sup> meten mar kadam alya bereya goyen, ‘Merene ma nurde han,’ yinen gasa yirde dulan po ten wain nene kukuwa hen hanjen marya wain nene hinayin.

<sup>50</sup> Irkeb doyan almin go nalu goyenter wayyen yen ma nurde hiyende gor mulgan hiyyen.

<sup>51</sup> Irdeb mata bulunmin gote murungem kurun wor po unyen. Irdeb meten al go tukun kak ala bana esen misin yisen hanjende gor tukukeb usi marya gor hinayinm,” yinyin.

## 25

### *Bere 10 gote maya mere*

<sup>1</sup> Be, Yesu go sopte maya mere mat saba gahade yiryin: “Nalu funan goyenterbe Al Kurun belen alya bereyamin doyan yird yird goyen kurabe gahade: meten bere fonen 10 belen, ‘Doyan alnininde urmin belen berem ten wayyen tiya go,’ yen, ‘Kun belen tupi ten wanin,’ yen hulsimin yusun yurde kwamin.

2 Bere siptesoŋoŋbe dufaymiŋ wukkek moŋ. Munan kurabe dufaymiŋ wukkek.

3 Bere siptesoŋoŋ dufaymiŋ wukkek moŋ gobe hulsimiŋbe yawaramiŋ gega, femiŋ pet yeke sopte yuneiŋ yuneiŋbe kura ma yadeya kwamiŋ.

4 Munan bere siptesoŋoŋ dufaymiŋ wukkek gobe hulsimiŋ yade femiŋ kame yuntek manan yaliŋ bana goya yade kwamiŋ.

5 “Be, bere teŋ mulgan heŋ watek al gobe aran ma wakeb bere 10 gobe dukpu yirke tumnan feramiŋ.

6 Irke kuŋ wawuŋ binde heke gab al kura gore kuware, ‘Bere tihi albe waŋ hi! Niŋgeb waŋ tupi tinaŋ!’ yiriŋ.

7 Be, bere 10 gore go nurdeb huwarde hulsimiŋ ommok hinhan goyen sope yirke melak saŋiŋ hamiŋ.

8 Goyenbe bere dufaymiŋ igiŋ moŋ goreb bere dufaymiŋ wukkeŋ goyen, ‘Hulsiniŋiŋ kamniŋ taŋaŋ geb, femiŋ kura dunnaŋ,’ yinamiŋ.

9 Irkeb, ‘Moŋ geb, fe gabe denya nenya tumnan de epte ma diryeŋ geb, dindiken kuŋ al hitte damu tinayiŋ,’ yinamiŋ.

10 Irkeb bere siptesoŋoŋ dufaymiŋ wukkek moŋ goyen fe damu niŋ kukeb goyarebe bere tiriŋ al go wayyiŋ. Irkeb bere siptesoŋoŋ gitik teŋ hinhan goyen al go wakeb tupi teŋ yare dula mata kuruŋ tiniŋ tiyamiŋ de gor kwamiŋ. Irkeb yamebe tayamiŋ.

11 “Be, goyen kamereb bere siptesoŋoŋ hulsire niŋ fe damu tiniŋ yeŋ kwamiŋ go mulgan heŋbe,

‘Doyaŋ al, Doyaŋ al, yame hol irde dunke hurkuniŋ,’ inamiŋ.

<sup>12</sup> Goyenbe al bere tirinŋ gore wol heŋbe, ‘Fudinde wor po dinenŋ hime. Deŋbe ma nurde dunerŋ hime,’ yinyinŋ.

<sup>13</sup> Be, maya mere dirhem gwahade goyen po ne Al Urminŋ waŋ waŋ nalu funaŋbe ma nurde haŋ geb, gitik teŋ hinayinŋ,” yinyinŋ.

*Al karwoyen siraw mere  
(Luk 19:11-27)*

<sup>14</sup> Irde sopte maya mere mat yinyinŋ. “Be, Al Kuruŋ belenŋ alya bereya doyaŋ yird yird goyen kurabe gahade: al kura naŋa gisaw kwe yeŋbe detne doyaŋ yirde hinayinŋ yeŋ metenŋ marminŋ hayhay yiryinŋ.

<sup>15</sup> Irdeb metenŋ al unŋkurenŋbe hora siptesoŋonŋ unyinŋ. Kurabe hora irawa, irde kurabe unŋkurenŋ unyinŋ. Metenŋ mar gobe al gwahade mat iginŋ metenŋ tinayinŋ yeŋ nurdeya gab hora goyen yunyinŋ. Irdeb yubul teŋ kurinŋ.

<sup>16</sup> Metenŋ al hora siptesoŋonŋ tirinŋ al gobe goyare po tukuŋ metenŋ unenŋbe go hende hora siptesoŋonŋ iryinŋ.

<sup>17</sup> Metenŋ al hora irawa tirinŋ al goyen wor gwahade po, tukuŋ metenŋ unenŋbe go hende hora irawa iryinŋ.

<sup>18</sup> Goyenbe metenŋ al hora unŋkurenŋ tirinŋ al gobe kuŋ mete taldebe doyaŋ alminŋde hora goyen goŋ bana kiryinŋ.

<sup>19</sup> “Be, doyaŋ al go naŋa gisaw kuŋ goŋ sobamde po heŋ heŋ gab wayyinŋ. Irdeb waŋ



meten marmin hora yunyin goyen daha yiramin yen gusunan yiriyin.

<sup>20</sup> Irkeb meten al hora siptesonon unyin gobe sopte hora siptesonon yawanbe doyan almin gaha inyin: 'Hora siptesonon goyen doyan irayin yen nunen kwarin geb, gore sopte 5 irmin gago,' inyin.

<sup>21</sup> Irkeb doyan almin belen wol henbe, 'Gebe meten igin wor po tiyan. Gebe meten al igin, merene nuran. Det ug ma gunmirin gega, kenkela doyan yiran ningeb, det budam wor gunmeke doyan yirayin. Irdeb wake tumnan neya dula ten aman hen hiren,' inyin.

<sup>22</sup> "Be, al hora irawa unyin al gore wor wanbe gaha inyin: 'Hora irawa doyan irayin yen nunen kwarin gobe gore po meten unenbe hora irawa teban irmin gago,' inyin.

<sup>23</sup> Irkeb doyan almin belen wol henbe, 'Gebe meten al igin, merene po nuran. Det ug ma gunmirin gega, kenkela doyan yiran. Ningeb det budam gunmeke doyan yirayin. Irdeb wake neya dula ten aman hen hiren,' inyin.

<sup>24</sup> "Be, meten al hora unjkuren unyin gore wanbe gaha inyin: 'Doyan al, gebe al misinen yan wor po nurde gunen himyen. Binge ge ma hartin goyen yawarde hayen. Irde ge ma tur irtin wor kun wasen hanyen.

<sup>25</sup> Goke tenbe kafura hen horagebe tukun mete talde gon bana kirmirin. Ningeb hora gebe gago,' inyin.

<sup>26</sup> Gwaha inkeb doyan almin belen wol henbe, 'Gebe kumhaka al, meten al bulun wor po. Gebe

detne belen ma hartin goyen yawarde himyen, irde detne belen ma tur irtin goyen wasen himyen yen nurde ha?

<sup>27</sup> Gebe ne gwahade yen nurdeb horanebe hora yerde hanyen yare kerarin manhan horane tolok hitinde ga temewon,' inenbe meten mar buda hoyan hoy yirke wakeb,

<sup>28</sup> 'Hora go goran irde ten meten al hora 10 minyan al go unnan.

<sup>29</sup> Al det unke kenkela doyan irde iginen kurun forok iryen al gobe teban det yawaryen. Irkeb detmin budam wor po henayin. Munan det unke kumhaka hen iginen ma forok yiryen al gobe yende det mun kura hiyen goyen wor goran irke det minmon wor po hiyen.

<sup>30</sup> Ningeb meten al bulun gobe tukun sinjare kidoma bana esen misin yisen hanvende gor temeynan,' yinyin geb," gwaha yirin.

### *Doyan Al Kurun belen alya bereya matamde pota yiryen*

<sup>31</sup> Be, Yesu go sopte gaha yirin: "Ne Al Ur-min gabe tarejne turnun yan henbe miyonneya tunnan katted. Goyenterbe Doyan Al Kurunyen maroro gasunde keperen.

<sup>32</sup> Irkeb al megen nin kurun gayen ne hitte po gabu irnayin. Irkeb sipsipya memeya yewek belen pota yirde hiyen go gwahade yiren.

<sup>33</sup> Ne belenbe sipsip yadeb hanne yase belen mat yerdeb memebe yade tapa belen yeren.

<sup>34-36</sup> Irkeb ne Doyan Al Kurun gare al hanne yase belen mat hinayin goyen gaha yinen: 'Ne

biŋge nirkeyabe biŋge nunamiŋ. Fe niŋ kam-mekeyab fe nunamiŋ. Albak heŋ kuŋ himekeb gargar niraminiŋ. Uliŋhornem moŋ himekeb uliŋhor nunamiŋ. Garbam hemekeyab doyaŋ nirde faran nurde hinhan. Koyare himekeb waŋ neneŋ hinhan. Goke teŋbe Nanne beleŋ guram dira. Niŋgeb Al Kurun beleŋ alya bereyamiŋ doyaŋ yird yird bana goŋ hurkun hurkun gobe tikula kiriyiŋya deŋ gake gitik irtiŋ hiyen geb waŋ tenaŋ, ' yineŋ.

<sup>37</sup> Gwaha yinkeb Al Kurun diliŋde al huwak goreb, 'Daha naŋa biŋge kamke geneŋ biŋge guntiriŋ? Irde daha naŋabe fe niŋ kamke geneŋ fe guntiriŋ?

<sup>38</sup> Daha naŋa albak heŋ kuŋ hike gargar girtiriŋ? Irde daha naŋa uliŋhorgem moŋ hike geneŋbe uliŋhor guntiriŋ?

<sup>39</sup> Daha naŋa garbam heke doyaŋ girde faran gurtiriŋ? Irde daha naŋa koyare hike kuŋ gintiriŋ?' ninnayiŋ.

<sup>40</sup> Irkeb ne Doyaŋ Al Kurun gare wol heŋbe gaha yineŋ: 'Fudinde wor po dineŋ hime. Nere al deŋem moŋ gayen kura gwaha iramiŋ keneŋbe ne gayen niraminiŋ,' gwaha yineŋ.

<sup>41-43</sup> Irdeb tapa beleŋ mat hinayiŋ mar gobe gaha yineŋ: 'Deŋbe biŋge nirkeb biŋge kura ma nunamiŋ. Irde fe niŋ kammeke fe kura ma nunamiŋ. Albak heŋ kuŋ himeke gargar ma niraminiŋ. Uliŋhornem moŋ himekeb kura ma nunamiŋ. Garbam himekeb faran ma nuramiŋ. Irde koyare himekeya wor waŋ ma neneŋ hinhan. Goke teŋbe deŋbe Al Kurunyen bearar bana

hañ. Niñgeb nubul teñ kuñ kak ala Satanya miyonminya niñ gitik irtin bana goñ kunañ,' yinen.

<sup>44</sup> Gwaha yinmekeb al buda gore wol heñbe, 'Doyañ Al Kurun, daha naña bingeya feya niñ kamke geneñ wasak titirin? Irde daha naña ulinborgem moñ hike kura ma guntirin? Irde daha naña garbam heke doyañ ma girdeb farañ ma gurtirin? Irde daha naña albak geneñ gargar ma girtirin? Irde daha naña koyare hike go ma kuñ gintirin?' ninayin.

<sup>45</sup> Irkeb ne Doyañ Al Kurun gare wol heñbe gaha yinen: 'Fudinde wor po dinen hime. Nere al deñem moñ gayen kura gwaha ma iramin kenenbe ne gayen farañ ma nuramin,' gwaha yinen.

<sup>46</sup> Mel gobe mata bulunmin gote murungem huginen kanduk kurun teñ hinayin. Munañ Al Kurun dilinje al huwak gobe Al Kurunya huginen hinayin," yinyin.

## 26

*Yesu maynin yen mere sege iramin  
(Mak 14:1-2; Luk 22:1-2; Yon 11:45-53)*

<sup>1</sup> Be, Yesu gob sabamin kurun goyen pasi irdeb tigiri teñ komatmin yago gaha yinyin:

<sup>2</sup> "Pasoba dula nalu kurun gobe molye go yen nurde hañ gogo. Go nalurebe ne Al Urmin gayen

kuruse hende mununen mununen niŋ asogo haniŋde nernayiŋ, ”\* yiriŋ.

<sup>3</sup> Be, goyenterbe pris buda gote karkuwaŋmiŋya Yuda marte doyaŋ mar parguwak yagoya beleŋ pris buda gote kurunŋmiŋ Kaiafasyen yare gabu iramiŋ.

<sup>4</sup> Irdeb daha mat kura Yesu go usi irde teŋ mayteke kamyen yeŋ mere sege iramiŋ.

<sup>5</sup> Goyenbe yiŋgeŋ mere maydeb, “Dula nalu kurunŋ gayenter ma gwaha titek. Moŋgo goke igiŋ ma nurde al beleŋ fulenŋ dirnayiŋ geb,” yamiŋ.

*Bere kura beleŋ det fimiŋ hamiŋeŋ igiŋ wor po goyen Yesu tonanŋde wok iryiŋ  
(Mak 14:3-9; Yon 12:1-8)*

<sup>6</sup> Be, Yesu go komatmiŋ yagoya Betani taunde Saimonyen yare hinhan. Saimonbe bikkeŋ busuka manan hinhin.

<sup>7</sup> Be, Yesu go keperde hikeyab bere kura gore det fimiŋ hamiŋeŋ igiŋ wor po alabasta hora beleŋ po irtiŋ yaliŋ kusamuŋ goyen bana hitiŋ go tawanŋ tonanŋde wok iryiŋ.

<sup>8</sup> Det fimiŋ damum hende wor po goyen bere gore Yesu tonanŋde wok irke kenenbe komatmiŋ yago beleŋbe biŋ ar hende daninŋ bulunŋ ira yeŋ gusuŋan hamiŋ.

---

\* **26:2:** Bikkeŋ Israel mar Isip naŋa tubul teŋ Kenan kuniŋ tiyamiŋyabe Al Kurun beleŋ sipsip al diriŋ diriŋeŋ gasa yirde darim yade yame kantayanŋ sam yirnayiŋ yinyiŋ. Munanŋ al kura gwaha ma tiyamiŋ marbe Al Kurunŋyen miyonŋ beleŋ waŋbe mel gote urmiŋ mataliŋya dapŋamiŋ mataliŋya goyen tumŋanŋ gasa yirke kamamiŋ. Gega meremiŋ gama iramiŋ marbe miyonŋmiŋ beleŋ yubul tiyamiŋ goke dufay heŋ heŋ ge dula mata teŋ hinhan.

<sup>9</sup> “Go tukuŋ al yunke manhan hora kurunđe po damu tike hora go teŋ al buninɛŋ faran yurwoŋ,” inamin.

<sup>10</sup> Be, Yesu go mere teŋ hinhan goyen nurdeb, “Deŋbe danin bere go tagal unen bulun irhan? Yeŋbe mata igin wor po nira.

<sup>11</sup> Al buninɛŋbe denya huginɛŋ hinayin. Goyenbe nebe denya huginɛŋ ma hitek.

<sup>12</sup> Bere gare det fimin ulner wok ira gabe ne kammeke mete nirnayin goke gitik nira.

<sup>13</sup> Niŋgeb fudinde wor po dinen hime. Kame al beŋ ne nin naŋa kurun ga tagalde tukuŋ henya be bere gare mata tiya gake wor tagalde hinayin, irde matamin goke dufay heŋ hinayin,” yinyin.

*Yudas Iskariot beŋ Yesu asogo haniŋde kiryin  
(Mak 14:10-11; Luk 22:3-6)*

<sup>14</sup> Be, Yesu komatmin 12 bana goyen al denem Yudas Iskariot inen hanɛn gore pris buda gote karkuwanmin hitte kurin.

<sup>15</sup> Kuŋbe, “Yesu haniŋde kermekeb murunɣembe dahade nunnayin?” yinyin. Irkeb silwa hora kapyan heke kuŋ 30 hekeb unamin.

<sup>16</sup> Go kamereb Yudas go Yesu goyen daha mat kura asogom haniŋde kereŋ yeŋ beŋ nin nanɛnen hinhin.

*Dula funan*

*(Mak 14:12-21; Luk 22:7-13,21-23; Yon 13:21-30)*

<sup>17</sup> Be, Yesuyen komatmin go hanɛka wawunbe beret yis minmon nen nen nalu hewen tiya yeŋbe

Yesu gusun̄aṅ iramiṅ. “Damde kuṅbe Pasoba biṅge gitik irde netek yeṅ nurde ha?” inamiṅ.

<sup>18</sup> Irkeb Yesu beṅ wol heṅbe, “Yerusalem taun bana kuṅbe al kura gor keneṅbe gaha inayiṅ. ‘Tisa beṅbe, “Nalunebe binde hihi. Niṅgeb neya komatneyabe gere yare Pasoba biṅge netek,” yihi,’ gwaha innayiṅ,” yinyiṅ.

<sup>19</sup> Irkeb komatmiṅ yago goyen Yesu yinyiṅ go po gama irde kuṅbe Pasoba biṅge nen nen gitik tiyamiṅ.

<sup>20</sup> Be, wawuṅbana wor po hekeb Yesuya komatmiṅ 12 goya Pasoba biṅge niniṅ yeṅ keperamiṅ.

<sup>21</sup> Biṅge nene heṅyabe Yesu beṅbe, “Fudinde wor po diniṅ hime. Deṅ gayen kuratiṅ kura beṅ asogoner haniṅde niryeṅ,” yinyiṅ.

<sup>22</sup> Irkeb komatmiṅ yago gobe kandukṅeṅ wor po nuramiṅ. Irdeb kura kame yuṅkureṅ yuṅkureṅ, “Doyaṅ Al Kuruṅ, ne niṅ wet yeṅ ha?” yeṅ gusun̄aṅ iramiṅ.

<sup>23</sup> Irkeb wol heṅbe, “Al kura neya tumṅaṅ haniṅ teṅ fe koron̄ bana kera gore asogo haniṅde niryeṅ.

<sup>24</sup> Ne Al Urmiṅ gabe Al Kuruṅyen mere basan̄ mar beṅ bikkeṅ asaṅde kayamiṅ goyen po gama irde kameṅ. Goyenbe al kura asogoner haniṅde niryeṅ al goke bunineṅ wor po nurde uneṅ hime. Al go kawaṅ ma hiriṅ manhan kanduk buluṅ goyen go ma kenwoṅ,” yinyiṅ.

<sup>25</sup> Irkeb Yesu asogomiṅ haniṅde kertek al Yudas beṅ, “Tisa, ne niṅ daw yeṅ ha?” inyiṅ. Irkeb wol heṅbe, “Gwaha, gobe ge po geb,” inyiṅ.

*Yesu belen beretya wainya komatmin yunin  
(Mak 14:22-26; Luk 22:14-20; 1 Korin 11:23-25)*

<sup>26</sup> Be, binje nene henyabe Yesu belen beret tenbe Nanin turun irdeb ubala tenbe, “Beret dunhem gahade gayen po nebe den ge ten kamen. Ningeb goke tenbe beret gabe gasonne geb, ten nenan,” yinyin.

<sup>27</sup> Irdeb wain finin gisu bana hitin go tenbe sopte Al Kurun turun irde, “Den tumnan ga ten nenan.

<sup>28</sup> Al megen han kurun gote mata bulun halde yunen yunen nin ten Al Kurun belen bin tiyyin goke ten darine wok irde kamen. Ningeb wain ga ten nenan.

<sup>29</sup> Fudinde dinen hime. Wain finin gayen teban ma newen. Kun kun Nanne belen alya bereyamin doyan yiryenya goyenter gab denya tumnan wain finin gergen sopte netek,” yinyin.

<sup>30</sup> Be, go kamereb Yesuya komatmin yagoya goyen tikin henbe Olip dondonde hurkamin.

*Pita helwan hiyyen goke tagalyin  
(Mak 14:27-31; Luk 22:31-34; Yon 13:36-38)*

<sup>31</sup> Be, hurkun gor henbe Yesu belen gaha yinyin: “Han ka wawunbe ne mununnin yen fere nirkeb denbe tumnan nubul ten busaharnayin. Mata goke Al Kurunyen asande gahade katin hi:

‘Sipsip doyan al maymeke sipsipminbe burgagaw kernayin,’ yitin. *Sekaraia 13:7*

<sup>32</sup> Goyenbe kame sopte huwardebe ne wa mehen hen Galili nanare kwen,” yinyin.



<sup>33</sup> Irkeb Pita belenbe, “Al hoyanbe tumnan gubul tinayin. Goyenbe nebe epte ma wor po gubul tiyen,” inyin.

<sup>34</sup> Irkeb Yesu belen wol henbe, “Fudinde wor po ginen hime. Hanke wawunbe tatirok ma mere tikeyabe ge belen wawun karwore ne nin yen, ‘Al gobe go ma nurde unen hime,’ yawayin geb,” inyin.

<sup>35</sup> Goyenpoga Pita belenbe, “Nebe al belen mununnayin gega, ge nin yen, ‘Yen ma nurd unhem,’ ma wor po yewen,” inyin. Irkeb kadom yago manan tumnan gwaha ala inamin.

*Yesu Getsemani hen Al Kurun mere iryin  
(Mak 14:32-42; Luk 22:39-46)*

<sup>36</sup> Be, gor mat kun nana den Getsemani gor forok yenbe komatmin yago, “Gar keperde doyan nirde hike neb irar ira kun Al Kurun mere iren,” yinyin.

<sup>37</sup> Irdeb Pitaya Sebedi urmin waran Yonya Yemsa yadeb gasun hoyande kwamin. Goyareb Yesube dufayminya binyabe kanduk wor po hirin.

<sup>38</sup> Irdeb mel karwo go yinyin. “Kanduk kurun wor po mununke kamtek nurhem geb, neya gar henbe Al Kurun mere irdeya ga hinayin!” yinyin.

<sup>39</sup> Gwaha yinenbe gor mat mun kura singir ten kunbe bin tadam mat wulgurut yenbe, “Ado, igin kenem kanduk kurun gayen ten sina irayin. Goyenbe nere dufay ma gama irayin. Gere dufay po gama irayin,” inyin.

<sup>40</sup> Gwaha tenbe mulgan hen kunbe komatmin karwo gob firtin yinyin. Irdeb Pita isan henbe,

“Mel, denbe neya mun kura hitneŋ teŋ Al Kurun mere irde ga ma fernayin?” yinyin.

<sup>41</sup> Irdeb, “Ferde ma Al Kurun mere irde hinayin. Gogab unƙura waŋ tuŋaŋ durkeb epte ma katnayin. Tontinbe Al Kurun mere ird ird nin wilakneŋ nurde haŋ. Gega ultinbe pinen heŋ haŋ,” yinyin.

<sup>42</sup> Irdeb sopte yubul teŋ kuŋ Al Kurun mere irdeb, “Ado, kanduk ga ne beles ma tewenbe kanduk gayen pasi irtek beles minmon hiyen kenem nebe dufayge po gama irdeb tewen,” yirin.

<sup>43</sup> Be, Al Kurun mere irde pasi henbe sopte mulgan heŋ kuŋ komatmin karwo gob dilin kanduk hekeb firтинde hike yinyin.

<sup>44</sup> Yenenbe yubul teŋ sopte mulgan heŋ kuŋbe Al Kurun mere iryin gwahade po sopte mere iryin.

<sup>45</sup> Be, mulgan heŋ kuŋbe komatmin yago goyen, “Denbe usaŋ heŋ firтинde po haŋ? Ga kennan! Ne Al Urmin gayen mata bulun mar haninde nerd nerd nalu gobe bikken gago forok yihi.

<sup>46</sup> Huwarke kunin! Asogo haninde nertek albe bikken gago waya geb,” yinyin.

*Yesu teŋ fere tiyamin*

*(Mak 14:43-50; Luk 22:47-53; Yon 18:3-12)*

<sup>47</sup> Be, Yesu gobe gwaha yen hikeyabe komatmin kura Yudas gobe al yade wayamin. Al buda gobe fuleŋare nin bidilaya nukwaya yade wayamin. Mel gobe pris buda gote karkuwanminya Yuda marte doyan mar parguwakya beles yad yerke wayamin.

48 Yesu go asogom haniṅde kertek al goreb tetek mar go gaha yiniṅ: “Kuṅ forok yeṅbe mata kura tiyeṅ geb. Al kura amaṅ amaṅ irde uluṅde u irmeke keneṅbe al gobe gog po yeṅbe kuṅ tenayiṅ,” yiniṅ.

49 Be, Yudas go bikkeṅ mere gwahade yiniṅde geb, kuṅ forok yeṅ Yesu hitte kuṅbe, “Wawuṅ, Tisa,” ineṅbe uluṅde u iryiṅ.

50 Irkeb Yesu beṅ wol heṅbe, “Kadne, gwaha tiye yeṅ wayha go gwaha tiya,” inyiṅ. Irkeb al wayamiṅ mar goreb waṅ teṅ fere tiyamiṅ.

51 Irkeb Yesu komatmiṅ kura yeṅ binde hinhin goreb fulenṅare niṅ bidilamiṅ marde pris buda gote kurunṅmiṅde metenṅ almiṅ kura kirmiṅ sapa iryiṅ.

52 Irkeb Yesu beṅ, “Bidilage go gasuṅeṅde kera! Al kura bidila beṅ al gasa yiryenṅ gob haniṅ wol hekeb gwaha mat po mayke kamyenṅ.

53 Adone gusuṅaṅ irmekeb goyare po miyoṅmiṅ budam wor po yad yerke katenṅ faranṅ nurnayiṅ gobe ma nurde ha?

54 Goyenbe mata gwahade tiyeṅbe Al Kurunṅyen asaṅde mata gwahade gwahade forok yiyyenṅ yitiṅ goyen daha mat forok yiyyenṅ? Epte moṅ,” inyiṅ.

55 Gwaha ineṅbe Yesu go yeṅ teṅ fere titek mar goyen, “Ne gayen kawe mar yad kuṅ hime geb, gago fulenṅare niṅ bidilaya nukwaya mananṅ waṅ nawarniṅ teṅ haṅ? Nebe nanṅkahalmiṅ nanṅkahalmiṅ Al Kurunṅyen ya bana saba tagalde himekeyabe ma nade hanṅyen.

56 Goyenbe Al Kurunṅyen asaṅde mere basanṅ

marmij belen kame mata gwahade forok yiyyen yen kayamin goyen den belen gago ten han,” yinyin. Be, komatmin yagobe tumnan Yesu tubul ten busahamin.

*Yesu pris buda gote kurunmin dilin mar huwaryin*

*(Mak 14:53-65; Luk 22:54-55,63-71; Yon 18:13-14,19-24)*

<sup>57</sup> Be, Yesube pris buda gote kurunmin Kaiafas hitte tukamin. Gorbe Moseyen saba marya Yuda marte doyan mar parguwak yagoya gabu iramin.

<sup>58</sup> Be, Pita go mel gore Yesu ten kun hikeya gisaw yarham po hen gama irde kurin. Kun kunbe pris buda gote kurunmin Kaiafasyen ya koya belen po milgu irtin bana gon al gabu irde hanjen sawsaware hurkurin. Hurkunbe daha kura tike kenen yen ya go doyan irde hanjen mar keperde hinhande gor kun kipiryin.

<sup>59</sup> Be, pris buda gote karkuwanminya Yuda marte doyan marya goyen tumnan gabu irde da misinde wor po Yesu go mayteke kamyen yen mere sege iramin. Goyenbe min kura ma kenenbe goke nankenamin.

<sup>60</sup> Irkeb al budam wan Yesu tagal unen unen nin usi mere budam yad forok yiramin. Gega Yesu maytek meremin igin kura ma kenamin. Irkeb kun kun funan al irawa kura wanbe,

<sup>61</sup> “Al gareb, ‘Al Kurunyen ya balem goyen upew urde sopte gergen irde nanja fay karwore pasi iren,’ yeke nurarun,” yaryum.

<sup>62</sup> Be, pris buda gote kurunmin Kaiafas belen huwardeb Yesu goyen, “Mere kurun ulger irhar gabe wol ma hawayin?” inyin.

<sup>63</sup> Goyenbe Yesu go meremin ma wol hen balmin po hinhin. Irkeb sopte, “Ne belen Al Kurun gwahader hitin gote saninde ginhem geb, gebe Mesaia Al Kurun Urmin ma dahade goyen momon dira,” inyin.

<sup>64</sup> Gwaha inkeb Yesu belen wol henbe, “Dindiken gog po yahan. Goyenbe ne belenbe den kurun gayen gaha dinen. Kame ne Al Urmin gabe Al Kurun sanin minyan Al gote hanin yase belen mat keperde nan kinde gagap hende katen himeke nennayin,” yinyin.

<sup>65</sup> Irkeb pris buda gote kurunmin gore mere goyen nurdeb, “Al gabe Al Kurun sukal ira,” yen bin ar yeke ulinhormin erek irdeb, “Ningeb danin mere hoyan nin nan kentek? Al Kurun sukal ira gobe den tumnan nurhan gago.

<sup>66</sup> Ningeb denbe dahade nurde han?” yinen gusunan yiryin. Irkeb wol henbe, “Kamyen po!” inamin.

<sup>67</sup> Irdeb al gor hinhan goreb Yesu kiminde meyan iramin.

<sup>68</sup> Irdeb kimin mala tenbe hanin mupi irde mayamin. Kura belenbe palasi irdeb, “Mesaia, ganun belen muguna? Momon dira!” inamin.

*Pita belen Yesu nin helwan hirin*

*(Mak 14:66-72; Luk 22:56-62; Yon 18:15-18,25-27)*

<sup>69</sup> Be, goyarebe Pita go ya go bin bana saw-saware gor keperde hinhin. Irkeb meten bere

kura gore wanbe, “Ge manan Yesu Galili nin al goya kun hinaryum,” inyin.

<sup>70</sup> Irkeb Pita belenje al tumnan gor hinhan gote dilin mar helwan henbe, “Neb goke kura yen ha yen ma nurde hime,” inyin.

<sup>71</sup> Irdeb gasun hinhin go tubul tenbe kun yamere huwarde hikeb bere kura gore wan kenenbe al buda gor hinhan goyen, “Al gabe Nasaret nin al Yesuya kun haryen,” yirin.

<sup>72</sup> Irkeb Pita gore teban po helwan henbe, “Fudinde wor po, nebe al gobe ma nurde unen hime,” yirin.

<sup>73</sup> Be, hitnen mun kura tenbe al gor hinhan goreb Pita goyen, “Mere tike melakge nurhet gobe Yesu gama irde hanyen mar al kurabe ge gago yen nurhet,” inamin.

<sup>74</sup> Irkeb Pita belenje mere fudinde po tihim yen bin tenbe, “Fudinde wor po dinen hime. Neb al goke yen han yen ma nurde hime,” yinyin. Irkeb goyare po tatirok mere tiyyin.

<sup>75</sup> Irkeb Pita go Yesu belen, “Tatirok ma mere tikeyabe ne nin yen wawun karwore, ‘Al gob ma nurde unen hime,’ yawayin,” inyin goke bin bak yirin. Irkeb sinare katen kun mata tiyyin goke binde misin wor po nurdeb esirin.

## 27

*Yesu go Pailat hitte ten kwamin  
(Mak 15:1; Luk 23:1-2; Yon 18:28-32)*

<sup>1</sup> Be, wampot muṅ wor pobe pris buda gote karkuwaṅmiṅya Yuda marte doyaṅ mar par-guwakya beṅ mere maydeb, “Yesube mayteke kamyen,” ya miṅ.

<sup>2</sup> Irdeb haniṅ fere teṅbe Pailat hitte tukamiṅ. Pailatbe Roma gabman al Yudia naṅa doyaṅ irde hiyen.

*Yudas kamyin  
(Aposel 1:18-19)*

<sup>3</sup> Be, asogo haniṅde kiryiṅ al Yudasbe Yesu go merem yaṅ irde mayke kamtek heke keneṅbe mata buluṅ tiyyiṅ goke bunineṅ nuryiṅ. Irdeb silwa hora 30 damu iramiṅ goyen pris buda gote karkuwaṅmiṅya Yuda marte doyaṅ mar par-guwakya hitte yumulgaṅ tiyyiṅ.

<sup>4</sup> “Mata buluṅ miṅmoṅ al goyen kami yeṅ hantiṅde kirmiṅ. Niṅgeb mata buluṅ timiṅ,” yinyiṅ. Irkeb wol heṅbe, “Gobe nende samuṅ moṅ be. Gere kanduk geb,” inamiṅ.

<sup>5</sup> Gwaha inkeb biṅ ar yekeb hora go Al Kurunyen ya balem bana goṅ yemeyde kuriṅ. Kuṅbe beṅ teṅ kamyiṅ.

<sup>6</sup> Be, hora yimiyyiṅ gobe pris buda gote karkuwaṅmiṅ beṅ pilgaṅ heṅbe, “Hora gabe al kami yeṅ damu titiṅ. Moseyen sabarebe hora gahade gayen epte ma Al Kuruṅ niṅ unnayiṅ yitiṅ.

<sup>7</sup> Niṅgeb hora ga yade naṅa hoyande niṅ mar Yerusalem waṅ kamke mete teṅ hitek yeṅ kuwe ird ird alyen megeṅ goyen damu titek,” yeṅ mere sege iramiṅ.

<sup>8</sup> Goke tenje naŋa tapum gobe “Al Kamtinde” inamin. Gayenter wor gwahade po inen han.

<sup>9</sup> Ningeb Al Kurunyen mere basan al Yeremaia belen mere kayyin gobe gwaha mat iginen kawan hirin. Merebe gahade:

“Israel marbe yen mayteke kami yenbe silwa hora 30 gore al damu tiyamin.

<sup>10</sup> Irde Doyan Al Kurun belen gwaha gwaha tiyayin ninyin gwahade po, mel gobe hora go tenje kuwe ird ird alyen megen damu tiyamin,” yitin hi. *Sekaraia 11:12-13; Yeremaia 32:6-9*

*Gebe Yuda marte doyan al kurun we?*

*(Mak 15:2-5; Luk 23:3-5; Yon 18:33-38)*

<sup>11</sup> Be, mel go gon gwaha ten hikeyabe Yesu gobe Roma gabman al Yudia naŋa doyan irde hiyen al Pailat dilin mar huwaryin. Irkeb, “Ge gayenbe Yuda marte doyan al kurun we?” inyin. Irkeb, “Gwaha, gigen yaha gog po,” inyin.

<sup>12</sup> Be, pris buda gote karkuwanminya Yuda marte doyan mar parguwakya belen tagal unamin. Gega Yesube meremin wol ma hirin.

<sup>13</sup> Irkeb Pailat belen, “Mel gare minge girde tagal gunen han gabe kura ma wol hawayin?” inyin.

<sup>14</sup> Goyenpoga Yesu belen mel gote mere go mun kura ma po wol hirin. Irkeb Pailat belen go kenenbe dilin fot yirin.

*Pailat belen Yesu tubul timeke kwi yirin*

*(Mak 15:6-15; Luk 23:13-25; Yon 18:39-19:16)*

<sup>15</sup> Be, goyenterbe damam damam Pasoba dula nalurebe Pailat belen koyare hinhan mar goyen



al kura tenj siŋa irde hiyen. Al gobe Yuda mar belen al gwahade inke gab gwaha tenj hiyen.

<sup>16</sup> Be, goyenterbe al bulun wor po yenj nurd unenjan hanjen al Barabas goyen koyare hinhin.

<sup>17-18</sup> Be, Pailatbe yingenj dufaymindeb, ‘Yuda marte doyan mar gabe al budam Yesu gayen gama irde hike yenenbe daninjen gwahade monjen nurdeb yenj ge igin ma nurde mayke kami yenj gago tawayhan,’ yenj nuryin. Ninjeb al buda kurunjen goyen gabu irkeb, “Al daminjen tubul timeke kuyenjen? Barabas ma Mesaia inenjan hanjen Yesu gayen?” yenj gusunjanjen yiryinjen.

<sup>19</sup> Be, Pailat go mere nurd nurd gasunde keperde hikeyabe berem belen mere gahade asande kanjen tenj kerke wayyinjen: “Al go daha wet kura ire ire ma tiyayinjen. Yenbe merem monjen. Hanjenka mite tihim. Ninjeb bener ga yenj ge kanduknenjen wor po nurde hime. Tubul po tiyayinjen,” inyinjen.

<sup>20</sup> Goyenbe pris buda gote karkuwanjinjen ya Yuda marte doyan mar parguwakya belen al buda kurunjen gabu iraminjen goyen hakot binjen yawaraminjen. Irde, “‘Barabas tubul tike kwi. Munanjen Yesube mayke kami,’ innayinjen,” yinaminjen.

<sup>21</sup> Be, Pailat belen al buda go, “Al irawa gayen ganunjenbe tubul timeke kuyenjen?” yinenjen gusunjanjen yiryinjen. Irkeb, “Barabas,” yaminjen.

<sup>22</sup> Irkeb wol henjenbe, “Ninjenbe Mesaia inenjan hanjen al gab daha irenjen?” yinyinjen. Irkeb al buda kurunjen goreb, “Kuruse hende mayke kami!” yaminjen.

<sup>23</sup> Irkeb Pailat belenjen, “Daninjen? Al gabe da mata bulunjen kura tiyunjen?” yinyinjen. Gega ugujen po,

“Kuruse hende mayke kami ko!” yamiñ.

<sup>24</sup> Be, Pailat go gwaha kura titek ma hiriñ. Irde al buda kurun go fulenja forok irniñ tike yenenbe fe ten mel gote diliñ mar haniñ halyiñ. Irdeb, “Al ga kamen tiya gabe neya neya moñ. Gabe dende samun po geb,” yinyiñ.

<sup>25</sup> Irkeb, “Igiñ, yeñ kamyen gote merembe nenya diriñniniñ yago kame forok yenayiñ gore tetek,” inamiñ.

<sup>26</sup> Irkeb Barabas go mel gote mere nurdeb tubul tike kuriñ. Goyenbe Yesu go usulak ten kuruse hende maynañ yenbe fulenja marmiñ haniñde tubul tiyyiñ.

*Fulenja mar belej Yesu giwgiw iramiñ  
(Mak 15:16-20; Yon 19:2-3)*

<sup>27</sup> Be, Roma gabmanyen fulenja mar go Yesu ten Pailatyen ya kurun bana goñ tukamiñ. Irdeb fulenja mar kadom goya tumñañ Yesu milgu iramiñ.

<sup>28</sup> Irdeb uliñhormiñ tumñañ yugu ten gab doyañ marte uliñhor bukken yara goyen kerd unamiñ.

<sup>29</sup> Irdeb kañ hirwanen yan goyen bili bili irde doyañ al kurunyen tonañ umña irhet usi ten tonañde keramiñ. Irde doyañ alyen kutum kura ten haniñ yase belej kerde fulenja mar gore Yesu diliñde wañ dokolhon yugulun tenbe, “Fudinde wor po, Yuda marte doyañ al kurun,” inen giwgiw irdeb bak mayde iramiñ.

<sup>30</sup> Irde meyañ irde kutum tanarde hinhin goyen po goran irde tonañde mayde tebañ irde hinhan.

<sup>31</sup> Gwaha irde giwgiw irdeb uliñhor bukken yara go tugu tenbe yende uliñhor wor po goyen

yerde unaminj. Irdeb tukunj kuruse hende maytek yenj tenj kwaminj.

*Kuruse hende mayke kamyinj*

*(Mak 15:21-32; Luk 23:26-43; Yon 19:17-27)*

<sup>32</sup> Be, belenyanj hako kunj henjyabe al kura Sairini taunde ninj al denjem Saimon kenenbe Yesuyen kuruse tawa inenj pakku irke tirinj.

<sup>33</sup> Be, kunj kunj nanja denje kura Golgota gor forok yaminj. Golgota gote minjbe “al tonanj kinjkininjde”.

<sup>34</sup> Gorbe wainya he fiminj urekya suluk irtinj goyen unke ninam uryinj gega, nen nen ninj bada hirinj.

<sup>35</sup> Yesu go kuruse hende kerde hikeb ulinj umnjaminj ganunj belenj yawaryenj yenj yende matare tilinj tanardeb pota yiraminj.

<sup>36</sup> Gwaha tenjbe daha kura tike kentek yenj keperde kenenj hinhan.

<sup>37</sup> Irde da misinjde Yesu mayaminj goyen he parwek hende katinj goyen kuruse tonanj belenj keraminj. Merebe gahade:

AL GABE YESU. YUDA MARTE DOYANJ AL KURUNJ

<sup>38</sup> Be, kawe al irawa kura goyen wor kuruse hende yeraminj. Kurabe Yesuyen kuruse yase belenj mat, munanj kurabe tapa belenj mat keraminj.

<sup>39</sup> Al kunj wanj tenj kenenjbe birunj birunj tenj giwgiw irdeb,

<sup>40</sup> “Ge gayen Al Kurunjen ya balem upew urde sopte gergenj irde nanja fay karworeb pasi irenj yawanj al gobe ge gago? Irde geb Al Kurunj

Urmiñ keneñbe tareñger kuruse hende mat kata,” inamiñ.

<sup>41</sup> Irde pris buda gote karkuwanmiñya Moseyen saba marya Yuda marte doyañ mar parguwakya beler wor gwahade po iner ayañ keramiñ.

<sup>42</sup> “Al gabe al hoyañbe farañ yurde hinhin gega, yingenbe epte ma farañ uryeñ. Yeñbe Israel marte doyañ al kurun go. Kuruse hende mat katke keneñ gabe dufayniniñ yeñ ge sañiñ irniñ be!

<sup>43</sup> Yeñbe Al Kurun niñ hekenñ nurde hiyen, irde ‘Neb Al Kurun Urmiñ,’ yeñ hiyen geb, tubul tike Al Kurun beler farañ ureñbe farañ uri,” inamiñ.

<sup>44</sup> Irkeb kawer al irawa kuruse hende hinaryum go wor gwahade po sukal iraryum.

### *Yesu kamiñ*

*(Mak 15:33-41; Luk 23:44-49; Yon 19:28-30)*

<sup>45</sup> Be, naña bañkahal wor po hekeyabe naña bana kurun gob tumñañ kidoma beler aw urtiñde hike kuñ kuñbe wawunbana 3 kilok hewer tiyyiñ.

<sup>46</sup> Be, 3 kilok binde hekeb Yesu go ug po, “Eloi, Eloi, lama sabaktani!” yiriñ. Mere gote miñbe, “Al Kurunne, Al Kurunne, daniñ nubul taha!”

<sup>47</sup> Be, mere go al kura gor huwarde hinhan gore nurdeb, “Elaia denje urde hi,” yamiñ.

<sup>48</sup> Irdeb arañ po al kura kup yeñ kuñ amil erek irde wain fimiñ mukkuweñ bana goñ kerke uliñ hekeb teñ kutum ulyañde giti irdeb Yesu unyiñ.

<sup>49</sup> Goyenbe al hoyañ goreb, “Elaia wet wañ farañ urke kentek geb, tubul tike gwaha kura tiya yeñ kinniñ,” yamiñ.

50 Be, sopte po Yesu go ugunj po mere tenbe bin sul yirinj.

51 Goya goyenbe Al Kurunyen ya balem bana amil gasunj himam wor po diba irtinjin hinjin goyen kahalte po hem belen mat erek yen bam belen katyinj. Megen mananj diririt yen hora karkuwan karkuwanbe gilgalanj iraminj.

52 Al hakwam yirtinjin bembamba goyen hol yen tukaminj. Irkeb Al Kurunjin dilinje al wukkenjen hen kamaminj goyen budam sopte huwaraminj.

53 Irde bembamba sinjare katenbe kame Yesu sopte huwaryinj nalureb Yerusalem taun kurunje kun al budam hitte forok yeke yenaminj.

54 Be, Roma gabmanyen fulenja marte doyanj alya fulenja marminja Yesu doyanj irde hinhan goyen nininaya mata gor forok yirinjin kurunjin go kenen kafura henbe, “Fudinde wor po, yenbe Al Kurunjin Urminj,” yaminj.

55 Bere budam Galili nanjare mat Yesu gama irde faranj urde kun hanjen goyen wor gor henjisaw mat kenenjin hinhan.

56 Bere goyen kurabe Makdala ninj Maria, Yemsya Yosepyat milinjin Maria, irde Sebedi urminjan waranj Yemsya Yonyat milinjin.

### *Yesu mete tiyaminj*

*(Mak 15:42-47; Luk 23:50-55; Yon 19:38-42)*

57 Be, Yesu kamyinj goyen kun wawunjbana wor po hewenjin tikeb Arimatea taunde ninjin al samunjin budam kura goyen wayyinjin. Denjembe Yosep. Yen wor Yesu gama irde hiyen.

<sup>58</sup> Be, al gore kuṅbe, “Yesu hakwam nunke mete tiye,” inen Pailat gusunṅ iriyin. Irkeb Pailat beṅ, “Igin, gwaha tiyayin,” inyin.

<sup>59</sup> Irkeb Yosep beṅ Yesu hakwam goyen ten amil faykek gergen beṅ po mala ten

<sup>60</sup> tukunbe yingen, “Kammeke nernayin,” yirin bema goyen bana kiryin. Irde hora kurun milin kura goyen yenya kwamin marya gore gilongilon irde tukun bema gote yamem pet tenbe kwamin.

<sup>61</sup> Irkeb bere iraw kura horabok gote dilin mar sinṅ hoyan beṅ mat hinaryum. Makdala nin Mariayabe Maria hoyan kura goya beṅ gwaha tiyaryum.

### *Bema doyan irde hinhan mar*

<sup>62</sup> Be, Sabat nalu fay urkeb pris buda gote karkuwanminya Farisi marya beṅ Pailat hitte kwamin.

<sup>63</sup> Kunbe, “Doyan al, usi al gar go hinhinyabe, ‘Kamenṅde mat kun yerenkek hekeb huwaren,’ yen hinhin goyen bininin bak yekeb gago wayhet.

<sup>64</sup> Ninṅeb fulenṅa marge hulyan yirke hanṅa mat kun molye bana goyen bema go doyan irde hinayin. Monṅo komatmin yago beṅ wan hakwam goyen hoyanṅde tukunbe, ‘Kamtinṅde mat huwarun,’ yenayin geb. Irkeb al budam usi mere go nurde dufaymin bulun henayin. Gote kandukbe hanṅapya, ‘Nebe Mesaia,’ yinen al usi yirde hinhin gote kanduk fole iryen,” inamin.

<sup>65</sup> Irkeb Pailat beṅ, “Fulenṅa marne kura yukun den nurhan gwahade po kenṅela yinke bema go doyan irde hinayin,” yinyin.

<sup>66</sup> Irkeb mel go kuɲ bamba yamere niɲ hora kuruɲ goyen al kura beɲ ma fegelnayiɲ yeɲ bisam irde go hende diba iramiɲ. Irdeb fulenɲa mar goyen, “Gar heɲ keɲkela doyaɲ irde hinaɲ ko!” yinamiɲ.

## 28

*Yesu kamiɲde mat huwariɲ  
(Mak 16:1-10; Luk 24:1-12; Yon 20:1-10)*

<sup>1</sup> Be, Sabat nalu hubu heɲ kuɲ wawuɲ heɲ fay ureɲ tiyyiɲ. Irkeb Makdala niɲ Mariaya Maria hoyan kura goya gore Yesu hakwam keramiɲ gasuɲ goyen kenye yeɲ kwaryum.

<sup>2</sup> Be, bembare gorbe niniɲa kuruɲ forok yiriɲ. Gobe Doyaɲ Al Kuruɲ hitte mat miyoɲmiɲ kura kateɲ bamba gote yame hora kuruɲ go kaɲ kaɲ irde hol irde go hende keperde hinhin geb, gogo tiyyiɲ.

<sup>3</sup> Yeɲbe uliɲya dinsokyabe dagamel go gwahade epte ma keɲkela kentek hinhin. Uliɲhormiɲ manan faykek wor po.

<sup>4</sup> Be, fulenɲa mar gor hinhan gobe miyoɲ go keneɲbe kafura wor po heɲ barbar yeɲ kamtiɲ hakwam yara hamiɲ.

<sup>5</sup> Be, miyoɲ gore bere irawa go yeneɲbe, “Kafura heɲ ma. Yesu kuruse hende mayke kamuɲ al goke nankeɲen har yeɲ nurde hime.

<sup>6</sup> Gega yeɲbe gar ma hi. Huwareɲ yeɲ hinhin go gwahade po huwara. Igiɲge waɲ hakwam keran gasuɲ ga kiniyi.

<sup>7</sup> Irde araneɲ kuɲ komatmiɲ yago goyen, ‘Yesube kamuɲde mat huwara geb, yeɲ wa

mehen heŋ Galili nanare kwen tiya. Gon gab kuŋ kennayin, yiniryen. Mere gayen momon dire yen gago wayhem geb,” yinyin.

<sup>8</sup> Be, bere iraw gob kafura haryum. Goyenbe mere go nurdeb aman haryum. Irdeb bema go aran po tubul ten Yesuyen komatmin yago momon yirye yen kup yen kwaryum.

<sup>9</sup> Be, bere go mata gwahade forok yewen tiya yen ma nurde kuŋ hikeya Yesu belen forok yenbe, “Wampot,” yinyin. Irkeb irem gobe kenen bebak tenbe kuŋ kahan de tanarde doloŋ iraryum.

<sup>10</sup> Irkeb, “Kafura heŋ ma. Kuŋ dine yago yinke Galili nanare kuŋ gab nennayin,” yinyin.

### *Fuleŋa mar belen usi ten hinhan*

<sup>11</sup> Be, bere irawa go hako ga mulgan heŋ hikeyabe fuleŋa mar bema doyan irde hinhan mar goyen kura belen taunde kuŋbe mata forok yeke yenam in kurun goyen pris buda gote karkuwanmin momon yiramin.

<sup>12</sup> Irkeb Yuda marte doyan mar parguwak hitte kuŋ momon yirdeb mere kura sege iramin. Irdeb fuleŋa mar go hora kurun yunenbe gaha yinamin.

<sup>13</sup> “Sinare kuŋbe mere gahade al momon yirde tukun hinayin: ‘Nenbe wawun ferde ug hetkeya komatmin yago belen wan hakwam goyen kawem ten kwan,’ gwaha yen hinayin.

<sup>14</sup> Munan mere momon gayen kuŋ doyan al tin Pailat hitte forok yekeb nen belen kuŋ kenenbe igin mat mere irtek geb, denbe merem yan ma diryen,” yinamin.



<sup>15</sup> Gwaha yinkeb fulenja mar gobe horaminj go yadeb mel gore yinaminj gwahade po tiyaminj. Ninjgeb goyen mere gobe tagalkeb wanj wanj gayenter ninj Yuda mar wor tagalde hanj.

*Komatminj metenj kurunj yunyinj*  
(Mak 16:14-18; Luk 24:36-49; Yon 20:19-23; Aposel 1:6-8)

<sup>16</sup> Be, Yesu yirinj gwahade po komatminj 11 go Galili nana bana gonj ninj dugu kura gor kunayinj yinyinde gor kwaminj.

<sup>17</sup> Kunj kenenbe doloj irde turunj iraminj. Munanj kurabe dufay kura kura haminj.

<sup>18</sup> Irkeb Yesu go bindere wanjbe, “Nanjinja megenja kurunj gayen doyanj yird yird tarenjbe ne nuntinj hi.

<sup>19</sup> Ninjgeb denj belenj kunj al megen hike kwa kurunj gayen merene basanj henj tagalde tuku-nayinj. Irde merene nurnayinj marbe Al Kurunja Urminyabe Holi Spiritiyat denjemde baptais yirde komatne yirde hinayinj.

<sup>20</sup> Irde mata gwaha gwaha tenj hinayinj dinenj hinhem kurunj goyen mel go wor gama yirnanj yenj saba yirde hinayinj. Fudinde wor po, nebe dubul ma wor po tiyenj. Denja tumnanj hiteke kunj kunj nalu funanj forok yiyyenj,” yinyinj.

**Al Kurunyen Mere Igin  
The New Testament in the Gwahatike Language of  
Papua New Guinea  
Nupela Testamen long tok ples Gwahatike long  
Nuigini**

copyright © 2000 Wycliffe Bible Translators, Inc.

Language: Gwahatike

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-10

---

PDF generated using Haiola and XeLaTeX on 18 Apr 2025 from source files dated 31 Aug 2023

dbba218f-41f3-5f08-b0b6-2a7c919093ab